

Ny Faha-fitopolو Herinandron'I Daniela

 Misaotra anao, betsaka, Rahalahy Neville. Manao ahoana, ary sakaiza. Tombontsoa iray ny tafaverina indray eto amin'ny tabernakla izao maraina izao, mba hanohy an'ity Hafatra lehibe izay ezahantsika hazavaina ity, ity *Faha-fitopolو Herinandron'I Daniela* ity. Ary faly isika mahita maro be izay miangona ao amin'izao andro mahamay izao, kanefa miala tsiny izahay fa tsy manana efitra ipetrahana. Mahita ny olona mifanety tahaka an'izao sy mitsangana manodidina, izay no mampanahirana an'ilay izy. Ary ny tsy fahazoana aina amin'ny tokony haha-izy anareo, dia izay no manao an'ilay izy aminareo ho sarotra azo. Fa hanao ny zavatra rehetra izay azonay atao izahay mba hanao azy ho haingana.

² Ary—ary, androany, manantena aho fa ianareo dia, raha maharitra kely aho, dia hamela ahy ianareo, satria izao no fotoana famantsihana lalina an'ity Hafatra ity, ilay tena fotoana hamantsihana azy lalina mihitsy. Apetratsika ao anaty fizarana telo izany mba ahafahantsika banana antoka hahazo azy.

³ Ankehitriny, mazava ho azy, ny—ny fiangonana hita maso dia mahafantatra fa ireto, na an'ireto Hafatra ireto, dia voarakipeo. Ary alefa manerana an'izao tontolo izao izy ireo. Saiky ny firenena rehetra no mandray an'ireto horonam-peo ireto manerana an'izao tontolo izao. Ary tiako ny hilaza an'izao ho an'ireo mpihaino ny horonam-peo, na aiza na aiza ianareo, ao amin'ny ampanan'ny tany izay misy anareo, fa mety hisy zavatra sasantsasany ao anatiny izay mety tsy ifanaranahareo amiko eo amin'ireo fampianarana izay izaho—izay ataoko. Saingy tiako ny hanamafy, rahalahy, angamba, fa raha hanazava an'ilay izy amin'ny fomba nahitanareo azy ianareo, dia mety ho samihafa avy amin'izay hinoako ilay izy. Fa, ho faly aho ny hihaino an'izay ho lazainareo.

⁴ Ary miaraka amin'ilay fisainana no itondrako an'ireto Hafatra ireto, avy amin'ny... Tenin'Andriamanitra, ao am-poko. Izany dia ho an'ny fananganana an'ilay Fiagonana, ho an'ilay Fiagonana rehetra, ilay Fiagonana maneran-tany; Fiagonan'i Kristy, maneran-tany. Ary tena mino tokoa aho fa miaina ao amin'ny andro farany isika. Ary ny ezaka ataoko mba hanazavana an'izao, kanefa tsy manandrana manao azy, manery azy, amin'ny fomba iray na ny hafa. Tsy mbola meloka mihitsy aho, araka ny fantatro, tamin'ny fanaovana an'izany.

⁵ Matetika ny olona dia mandre avy amin'ireo horonam-peo, ka hoy izy ireo hoe, "Eny, tsy mifanaraka amin'izany aho. Tsy mahafantatra ny fampianarany fotsiny izy, tsy mahafantatra

ny Soratra.” Eny, izany, mety ho marina izany rehetra izany. Hitanareo? Tsy hilaza aho hoe tsy marina izany.

Saingy, ho ahy, izaho—nianatra an’Izany aho, tsy mandray anankiray—teny anankiray... Mamaky an’izay ho lazain’ireo lehilahy hafa aho, ary mankasitraka azy ireo. Ny zavatra rehetra izay lazain’ny olona, dia ankasitrahako izany. Fa avy eo—avy eo dia entiko eo amin’Andriamanitra ilay izy, ary mijanona miaraka amin’izany aho mandra-pahafahako manazava azy, manomboka amin’ny Genesisy hatrany amin’ny Apokalypsy, ary avy eo dia mahita azy rehetra mifandray ao amin’ny Baiboly avy eo. Ary amin’izay fotoana izay aho—fantatro fa akaikin’ny marina izany any ho any. Ary, mazava ho azy, eo amin’izay maha-marina anareo, dia izany mihitsy no toerana tokana izay nivoahako an’ilay—ilay tsipika. Ary angamba eo amin’izay maha-diso anareo, na marina, dia teo no nivoahako an’ilay tsipika, ary mifamadika.

⁶ Noho izany, dia mankasitraka anareo olona mahafinaritra rehetra izay ato amin’ny mpanatrika izahay, izao maraina izao, sy ianareo olona mahafinaritra izay mihaino an’ireo horonam-peo. Ary izahay... Ny rehetra izay vita, dia ho an’ny Fanjakan’Andriamanitra izany rehetra izany. Manana sakaiza tsara maro aho manerana an’izao tontolo izao, izay ankasitrahako betsaka, ary mino fa handany Mandrakizay iray miaraka amin’izy ireo aho. Ary tsy ho ao am-poko ny hanandrana ny—ny hamitaka an’ireo olona ireo, amin’ny fomba rehetra, fa ny hiezaka hananteraka ny zavatra rehetra izay vitako mba hanampiana azy ireo.

⁷ Mahatsapa tahaka ny tsapan’i Solomona aho rehefa nivavaka izy, ka nanao hoe, omena fahendrena izy mba ahafahany hahay mitarika ny vahoakan’Andriamanitra. Izany no fivavako tso-po.

⁸ Ireo mpiara-miasa amiko dia miaraka amiko eto, manodidina, mahita an’i Rahalahy Mercier aho, sy—sy Rahalahy Roy Borders, sy Rahalahy Neville, ary Billy Paul, ny zanakolahy. Eto any ho any i Gene, sy ireo rahalahy, Teddy, ary izy ireo. Mankasitraka an’ireo olona izay tonga mba hanampy ahy ireo aho.

⁹ Tsaroako teto vao tsy ela akory izay, Rahalahy Leo, ny—ny fahitana iray izay nananany; nofy, no niantsoany an’izany, indray hariva rehefa nihaona voalohany izahay; hoe nahita tendro pyramida lehibe izy, tena ambony teny amin’ny habakabaka. Ary tany ambony tany aho teo am-pitoriana, tany ho any, ary nihanika izy mba hahita ny mikasika an’izany rehetra izany. Ary rehefa tonga teny ambony teny teo an-tampon’io tendro io izy, nahoana, hoy izy, dia lavitra tao anatin’ny karazana hazavana tahaka ny volafotsy, na tahaka ny lovia iray, no nitsanganako, nitory teny tamin’ny olona. Ary nisintonia ny fifantohako izy, ka nitodika tany aminy aho. Dia hoy izy hoe,

"Ahoana no mba nahatongavano teo? Ahoana no nahafahako ho tonga teo?"

¹⁰ Hoy aho hoe, "Leo, tsy misy olona afaka ho tonga eto. Andriamanitra no tsy maintsy mitondra lehilahy iray eto. Ankehitriny, tsy tokony hiakatra eto ianao. Tsy maintsy midina ianao ary mijoro vavolombelona amin'ireo olona eo ambany eo ireo, rehefa avy nahita an'izany ianao, hoe izany no Fahamarinana, fa Izany no Fahamarinana." Niverina nidina i Leo, mba hijoro vavolombelona amin'ny olona.

¹¹ Hafiriana no nisian'izany, Rahalahy Leo? An-taonany maro, sa tsy izany? An-taonany maro. Hatramin'io fotoana io, araka ny fantattro, dia tena mahatoky izy amin'ny fanaovana an'ilay izy, mijoro vavolombelona amin'ny olona fa avy amin'Andriamanitra ilay asam-panompoana. Ankehitriny, ary izaho—tsy tiako ho avy amiko ilay izy. Raha avy amiko ilay izy, amin'izay fotoana izay dia tsy tsara izany, satria tsy misy tsara ao amin'ny olona iray. Hitanareo? Tsy maintsy avy amin'Andriamanitra izany.

¹² Ankehitriny, rehefa mijery manodidina aho... Omaly tolakandro, dia nandray tånana ny sakazako aho, Rahalahy West. Tsy mbola nahatsikaritra azy aho, ao anatin'ny tranobe; eny, hitako ankehitriny, izao maraina izao. Ary fantatrareo ny halavirana izay hamilian'ireo olona ireo fiara, ny lâlana rehetra nanomboka tany—tany Alabama, ho an'ny Alahady iray, mba ho tonga eto, ny lâlana nanomboka tany Alabama!

¹³ Rahalahy Welch Evans, tsy nahita azy aho tamin'ny Alahady lasa teo. Olona iray no nilaza fa eto izy androany. Ireo olona ireo dia mamily fiara avy any Tifton, Georgia, mba ho eto. Ary ny rahalahy izay mipetraka eto, mpiara-miasa aminy. Maro be! Rahalahy Palmer avy any Macon, Georgia. Ary hitako, mino aho, i Ranabavy Ungren sy izy ireo iry aoriana iry. Izy rehetra ireo dia avy any Memphis, Tennessee. Ankehitriny, mieritreritra ianareo... Ary ny hafa avy any amin'ny toerana hafa. Vao avy nihaona tamin'ny ramatoa iray aho avy any lavitra any, avy any Carolina Atsimo.

¹⁴ Ankehitriny, mieritreritra ianareo fa ireo olona eto... Nijery aho, avy any Chicago, sy toerana samihafa fotsiny, namily fiara an-jatony sy an-jatony maily, mba hanatrika ny favoriana fotsiny. Nefa, rehefa tonga eto izy ireo, dia tsy misy efitra mba hipetrahana. Tsy efitra misy rivotra mampangatsiaka; tranobe trainainy iray mahamay, no hitsanganana, mamafa ny hatsebohana. Maka ny vola avy amin'ny sakafy, avy amin'ireo zanany, mba ho tonga eto hihaino an'izao Hafatra izao. Ny tianareo ho lazaina amiko ve dia tsy misy ny... any ankoatran'io renirano io, any ho any, fa misy toerana iray handehanan'izy ireo, indray andro any? Azo antoka, misy any. Mahatoky izany! Mpandoa ampahafolon-karena ireo olona ireo. Tsy hoe tonga fotsiny ihany izy ireo, mitondra ny ampahafolony sy ny fanatiny izy ireo, ary mitondra an'izany ato an-tranon'ny

Tompo, miezaka manao an'izay marina. Andriamanitra anie hitahy vahoaka iray mahatoky tahaka an'izany! Homba azy ireo anie ny famindrampo sy ny fahasooavan'Andriamanitra.

¹⁵ Mahita ny sakaizako aho, Charlie Cox, ireo izay avy any atsimon'i Kentucky. Ary hatraiza hatraiza fotsiny, mijery manodidina ianareo, dia mahita olona avy any amin'ny toerana samihafa.

¹⁶ Ity lehilahy tanora mipetraka eto ity, tsy afaka miantso ny anarany aho. Nihaona taminy aho tany Chicago. Fa avy any amin'ny sekoly Biblika lavitra avy eto ianao, any ho any, sa tsy izany? [Hoy ilay rahalahy hoe, "Springfield, Missouri"—Mpand.] Springfield, Missouri; sekoly Biblikan'ny Assemblée de Dieu. Hia. Eny, mahafinaritra. Hitanareo, avy hatraiza hatraiza fotsiny izy ireo, ato amin'ity fiangonana tranaiany bitika kely ity.

¹⁷ Eritrereto fotsiny, saiky, manodidina ny telopolo taona lasa izay rehefa nametraka an'ilay vato fehizoro aho tamin'io maraina io, nitsangana tany amin'ny Seventh Street tany aho, lâlana iray eto. Tsy mbola nanambady akory aza aho, lehilahy tanora iray fotsiny. Ary nahita fahitana iray aho izay feno olona sady hipoka teto avy hatraiza hatraiza. Ary tena faly aho, nitsangana taorian'ny polipitra. Ary tamin'izany no Nilazany tamiko hoe, "Fa tsy tabernaklanao ity." Dia Napetrany teo ambanin'ireo lanitra aho. Ary fantatrareo ny sisa amin'ilay tantara izay voasoratra teo amin'ilay pejin'ny Baiboly napetraka tao amin'ny vato fehizoro tany.

¹⁸ Tena mankasitraka anareo olona aho. Izaho tsy afaka... Izany, tena kely izany, ny—ny milaza fotsiny hoe, "Eny, mankasitraka anareo aho." Fa mivavaka ho anareo aho. Mino anareo aho. Mino ny fahatsapanareo an'Andriamanitra aho. Tsy mino aho fa ny lehilahy iray na vehivavy izay hamily fiara an-jatony sy an-jatony maily mba ho tonga eto, dia ny hampiseho hoe karazan'akanjo inona no hanaovan'izy ireo. Izaho—tsy mihevitra aho fa hanao an'izany izy ireo. Tsia. Tsy ho tonga eto mba ho hita izy ireo. Tonga eto izy ireo satria tena lalina sy ao amin'ny fahatsoram-po ho an'ny famonjena ny fanahiny izy ireo. Ny fivavako dia: "Andriamanitra ampio aho, ampio aho mba farafaharatsiny ho eo amin'ny antsasak'izany fahatsoram-po izany, hiezaka ny hitory amin'izy ireo amin'izay rehetra ao anatin'ny foko, ary hiandry an'Andriamanitra."

¹⁹ Ny Hafatra, hitanareo, aninkeo maraina, dia natao sary teto amin'ny tabilao teto izany. Izany dia natao fotsiny, mba hanazavana raha mandroso aho, niezahana natao mba ahafahanareo mahazo an'izay niezahako noresahana.

²⁰ Ary ity *Fitopolo Herinandron'I Daniela* ity dia efa fianarana lehibe anankiray, roa andro sy roa alina, saiky, izaho no efa, amin'ny faran'ity herinandro ity, no efa teo amin'izany aho, miezaka mba hahita an'ireo teny hilazana ny Fahamarinana.

Tokony hifampitaha amin'ny sisa amin'ny Baiboly izany. Hitanareo? Tsy afaka mandray an'Izany fotsiny ianareo, Soratra kely anankiray fotsiny ary manao fa—fahazoana iray, ka hilaza avy eo hoe, "Eny, ity no lazain'ity," ary avy eo dia hitodika ka hanao hoe, "Eny, saingy eto Izany—Izany dia milaza zavatra hafa, manohitra an'ity." Tsy afaka manao an'izany Izy. Tokony hilaza an'ilay zavatra iray ihany Izy amin'ny fotoana rehetra. Raha tsy izany ianareo, nahoana, izany, amin'izay fotoana izay ianareo dia—diso ianareo. Ary izany no fomba niezahako nampianarana Azy.

²¹ Eo amin'izay ihany, eo amin'ireo horonam-peo, satria eo amin'ireo horonam-peo izany. Ny tsikera lehibe indrindra izay nananako teo amin'ireo horonam-peo, avy amin'ireo rahalahiko any amin'ny ampahany samihafa an'izao tontolo izao, dia ny finoana ny fahasoavan'Andriamanitra, izay ampiantariko amin'ny fomba fanaoko, hoe, "Isika dia voafidy mialoha talohan'ny niandohan'izao tontolo izao."

²² Ry rahalahiko Pentekotista, mazava ho azy, fantatro fa mpanaraka lalàna ny fijerinareo, hitanareo, ary izaho—fantattro fa manakorontana kely ny fijerinareo izany. Fa ho tianareo ve, amin'ny maha-rahalahy Kristiana, ho tianareo ve ny hanome fandinhiana kely an'izany fotsiny mba handohalehanareo eo anatrehan'Andriamanitra, miaraka amin'ny Baibolinareo, ary hangataka amin'Andriamanitra mba hanazava an'izany aminareo? Ho tianareo ve ny hanao an'izany? Ho tianareo ve ny haka an'ilay hevitra mpanaraka lalàna ka hiezaka hampifandray an'izany manomboka amin'ny Genesisy hatrany amin'ny Apokalypsy?

²³ Ary, "Ny taranaky ny menarana," izany ilay mpamono; olona maro no tsy mino an'izany. Fa, raha hamaky ny Genesisy fotsiny ianareo, dia nilaza ny Baiboly fa nanana taranaka iray ny menarana. "Ary Hampifandrafesiko ny taranaky ny menarana sy ny Taranaky ny vehivavy." Noho izany, dia nanana taranaka iray ny menarana. Ary raha ara-panahy ny taranaky ny menarana, amin'izay fotoana izay dia tsy olona Jesosy, noho izany dia ara-panahy ny Taranaky ny vehivavy. Samy nanana taranaka izy roa ireo, ary mbola eo foana ilay fifandrafiana. Nanana taranaka iray ny menarana. Ary raha haka ny Baibolinareo fotsiny ianareo, ka mandeha ary tena manaja eo anatrehan'Andriamanitra, dia mino aho fa hanambara an'izany aminareo Andriamanitra.

²⁴ Ary raha tsy azonareo izany, izaho dia—afaka aho, amin'ny fotoana rehetra, hanao ny tsarako indrindra mba hanampy anareo, amin'ny alàlan'ny taratasy na amin'ny alàlan'ny—na amin'ny alàlan'ny fifampireshana manokana, na inona na inona ahafahako manampy anareo. Mazava ho azy, mahafantatra isika fa tsy izany no mamonjy olona, na koa manameloka olona iray izany, fa mitondra Hazavana fotsiny

ihany eo amin'ny lohahevitra izay hiezahantsika rehetra mafy mba hanao ny olona hahita. Hitanareo? Mitondra Hazavana fotsiny ihany izany.

²⁵ Ankehitriny, ho an'ny mpanatrika hita maso, niteny an'izany aho satria ireo horonam-peo, hitanareo, ary ireto horonam-peo rehetra ireto dia handeha, hatraiza hatraiza.

²⁶ Ankehitriny ndao isika hanondrika ny lohantsika vetivety fotsiny, alohan'ny hanatonantsika ny Mpanoratra an'ity Teny ity. Ary firy ato amin'ny mpanatrika izao maraina izao no manana ilaina, manaova fotsiny hoe, "Manana ilaina aho. O Andriamanitra, mamindrà fo amiko"? Ny Tompo anie hitahy. Ary ho an'ireo izay handre ny horonam-peo, rehefa mihaino an'izany ianareo, dia enga anie hanaiky ny fangatahanareo Andriamanitra.

²⁷ Rainay any An-danitra, vahoaka iray mankasitraka izahay, kanefa vahoaka tsy mendrika. Fa manatona ny Seza fiandrianan'ny fahasoavanao izahay izao maraina izao, satria nasaina izahay mba ho avy. Hoy Jesosy hoe, "Raha mangataka zavatra amin'ny Ray amin'Ny Anarako ianareo, dia Hataoko izany." Ankehitriny, fantatray fa marina izany.

²⁸ Ary eto ao amin'ny mpanatrika, ary any amin'ny—ny tany izay handehanan'ireo horonam-peo, dia mety hisy Kristiana nateraka indray an'aliny hihaino an'ity. Ary fantatray, Ray, fa rehefa nateraka indray izahay, dia nateraka avy any Ambony ny fanahinay. Izany dia ny Fanahin'Andriamanitra, ny Fanahy Masina, eo aminay. Ary tsapanay fa io Fanahy Masina io dia mahery tanteraka ka afaka manao ho anay ny zavatra rehetra izay irianay ho vita. Noho izany, Ray any An-danitra, hangataka Aminao izahay mba hamoaka ny finoanay ho amin'io Fanahy io, mba Ahafahany miaro anay izao maraina izao, sy ho an'ny voninahitry ny Fanjakan'Andriamanitra, ireo fangatahana sy faniriana rehetra ireo, enga anie izahay ho sitrana amin'ny aretinay sy ny fahorianay, mba ahafahanay manompo an'Andriamanitra amin'izay rehetra ao anatinay.

²⁹ Sokafy ny sofin'ny fahazoanay androany, ary raha miezaka hitondra an'ity fanontaniana lehibe ity aho, ka hanazava an'izany ao amin'ny sain'ny olona. Ankehitriny, manana an'izany voasoratra eto aho, Tompo, eo amin'ny taratasy, ary koa vita sary teo amin'io tabilao io, izany sarisary izany, saingy tena tsy ampy tanteraka mba hanazavana an'izany. Ankehitriny dia miantso Anao izahay, ilay Tompo lehibe Izay nanoratra ny Teny, Izay nanindrimandry an'Izany, Izay nanome Azy an'i Daniela mpaminany. Ary mivavaka izahay mba Handefasanao an'ilay tsindrimandry izao maraina izao, ao amin'ireto andro farany ireto, araka ny Nolazainy fa ilay Boky dia hikatona hatramin'ity fotoana ity, izay Hanokafanao ny fahazoanay. Ary enga anie hisy finoana mora mandray ao am-ponay izay hamela ny Teny hifikitra sy ho Fiainana, ka hamoa an'ireo hazon'ny

fahamarinana ao amin'ny fiainanay, izay Nokasainy hatao. Ny finoanay an'Andriamanitra, enga anie izany hiaro an'ilay izy ho anay izao maraina izao. Fa miandry am-panetre-tena izahay ankehitriny, ary manolotra ny tenanay ho Anao, amin'ny Anaran'i Jesosy Kristy. Amena.

³⁰ Ankehitriny, mankasitraka isika izao maraina izao, nohon'ny fanararaotra lehibe indray mba hanokatra an'ireto pejin'ny Tenin'Andriamanitra Mandrakizay ireto.

³¹ Ankehitriny, ny antony izay nitondrako ny tenako mba hanazava an'izany, dia satria handalo ny Bokin'ny Apokalypsy isika, ary vao avy nandalo ny taona fiton'ny fiangonana. Ary, avy eo, ao amin'ny fiafarano'ny toko faha-3-n'ny Bokin'ny Apokalypsy, dia esorina eto an-tany ilay Fiangonana, miakatra any amin'ny Vonnahitra. Ary miezaka aho, amin'ny foko rehetra, hampiseho an'ity amin'ny olona, fa miandry zavatra iray hitranga izy ireo, izay hitany voasoratra ao amin'ny Bokin'ny Apokalypsy, nefo tsy nampiharina tao amin'ny taonan'ny fiangonana. Ary akaiky kokoa ny farany noho izay eritreretinareo isika.

³² Hariva vitsy lasa izay, Billy, ny...Na, ny vinantovaviko, raha ny marina, dia niantso ahy, alina efa tara, ary nilaza fa nisy lehilahy iray antsoina hoe Andy Herman, izay zana-drahalahin'ny raiko, dia nandry, teo am-pahafatesana tany amin'ny hopitaly. Nandeha aho hijery azy. Notsindromin'izy ireo zava-mahadomelina izy, izaho...betsaka tokoa, ka natory izy, ary tsy afaka niresaka taminy aho. Ny ampitso maraina... Nangataka tamin'Andriamanitra aho mba hihazona azy ho velona mandra-pahavitako. Andy dia lehilahy tsara, saingy tsy Kristiana izy. Tsy dadatoa izy; zana-drahalahin'ny raiko izy, nanambady ny zana-drahalahin'ny raiko.

Ary avy eo rehefa niteny tamiko i Nenitoa Ade, nitsangana tany, dia hoy izy hoe, "Billy, nandritr'ireo valopolo taona rehetra an'ny fiainanay ireo, dia tsy nanompo an'Andriamanitra izy. Fa," hoy izy, "herinandro vitsy lasa izay dia nipetraka tao an-trano izy..." Izy, valopolo taona, mazava ho azy, tsy nanao asa tanganana mafy loatra izy. Saingy hoy izy...

Niantso azy izy ary nanao hoe, "Ade, mba fantatrao moa? Tonga teto anatrehako Kristy, minitra vitsy lasa fotsiny izay."

Nijery azy izy, nanao hoe, "Andy, moa ve—moa ve...Inona no olana?" Hoy izy...

Hoy izy hoe, "Tsia. Nitsangana teto anatrehako mihitsy Izy, ary nilaza zavatra iray Izy."

Hoy izy, "Inona no Nolazainy?"

"Efa tara noho izay eritreretinao izao."

³³ Herinandro vitsy taorian'io, roa na telo herinandro, dia tratry ny famelezana izy ary nalemy tany amin'ny hopitaly,

teo am-pahafatesana. Hoy aho hoe, “Nenitoa Ade, mbà menatra nohon’ny tsy niantsoanao ahy na olona iray, mba hanomana ny fony ao amin’ny toeran’ity ora izay nahatongavany ankehitriny ity.”

³⁴ Nangataka tamin’ny Tompo aho, ny ampitso maraina, rehefa izaho... Tsy afaka niresaka izy, noho izany dia nanontany azy fotsiny aho. Hoy aho hoe, “Afaka mandre ahy ve ianao, Dadatoa Andy?” Ary izy—afaka nampiatokatoka kely ny lohany izy ary nanetsika ny valanoranony. Nivavaka ho azy aho, nanao azy hiaiky ny fahotany teo anatrehan’Andriamanitra. Te-hanao batisa azy aho, ary Nenitoa Ade dia te-hatao batisa.

³⁵ Ary nidina ny lâlantsara aho, mba hijery ramatoa tanora iray izay mipetraka ao amin’ny mpifanolo-bodirindrina eto, izay saika halefan’izy ireo any amin’ny hopitaly momba ny saina, fa nanao zavatra lehibe iray ho azy ny Tompo, nody tany an-trano.

Tamin’izay fotoana izay, teny an-dàlana, dia nihaona tamin’ny anabavy mainty hoditra iray aho, ary hoy izy hoe, “Tsy ianao ve no Ranadahy Branham?”

Hoy aho hoe, “Izaho no izy.”

Hoy izy, “Tadidinao ve aho? Izaho no Rtoa. Drye.”

³⁶ Dia hoy aho hoe, “Eny, mino aho fa tadicidiko. Pete Drye sy izy ireo.” Hoy aho, “Hia, izaho—tadicidiko ianao.” Nijery tao amin’ilay efitra izy, ary tamin’izay izahay no... Nanontany aho hoe nahoana izy no niteny an’izany. Ary, tao, dia nitsangana teo am-pandriana i Dadatoa Andy, ka nipetraka teo, nanetsika ny tânany sy ny sandriny tahaka ny olona hafa rehetra, niezaka nandray an’ilay zavatra, ilay fampidinana fandriana, mba ahafahany hivoaka tao sy handeha. Ankehitriny dia tonga izy ireo mba hatao batisa amin’ny Anaran’ny Tompo Jesosy, izy sy ny vadiny.

³⁷ Noho izany, fa ny antony nilazako an’izany, dia efa tara noho izay eritreretintsika izao. Ary mino aho fa ity *Fitopolo Herinandron’I Daniela* ity dia hitondra an’izany ho amin’ny fahazoantsika.

³⁸ Ankehitriny, ny ankamaroan’ireo rahalahintsika Pentekotista, izay nolazaiko vao tsy ela teo amin’ireo horonam-peo, dia tsy mifanaraka amin’Ity izy ireo. Izy ireo dia miandry zavatra iray lehibe, mahery hitranga. Fa, ry rahalahiko, raha tena hihaino tsara ianareo, ary tsy... ary mihaino, dia hahita ianareo fa izany zavatra lehibe, mahery izany dia efa lasa. Efa vonona ny hiverina Jesosy.

³⁹ Lasa ny Fiagonana eo amin’ny toko faha-3-n’ny Apokalypsy. Tsy misy na inona na inona voalaza eto mikasika na inona na inona, fa ny zavatra farany fotsiny dia ilay mpitondra hafatra farany an’ilay taona. Avy eo, dia miresaka an’ireo Jiosy isika mandra-pahatongan’ilay fiverenana indray miaraka

amin'ny Ampakarina, ao amin'ny toko faha-19. Manomboka amin'ny toko faha-6 hatramin'ny faha-19 dia Jiosy daholo.

Izany no tiako aseho amin'ny rahalahiko tsara eto mandritry ireo Tombokase, Rahalahy Wood, izay efa Vavolombelon'i Jehovah fahiny, izy sy ny fianakaviany rehetra, eto izao maraina izao, fa ireo "efatra arivo amby efatra alina amby iray hetsy" dia tsy, tsy misy idirany amin'ny Jentilisa. Jiosy izy ireo. Hitanareo? Ary tsy ilay Vatan'i Kristy mahagaga eto an-tany amin'izao andro izao izany.

Ny Ampakarina io Vatana mahagaga io. Tamin'ny Fanahy Masina no nanaovana batisa antsika tao amin'io Vatana mahagaga io.

⁴⁰ Ankehitriny, fantatsika fa ao amin'ny Bokin'i Daniela eto izany, izay efa novakantsika, hamaky indray isika satria Ny Teniny izany. Ao amin'ny toko faha-9-n'ny Daniela, ny andininy faha-24.

Fitopolo herinandro no voatendry ho an'ny vahoakanao sy ny tanànanao masina, hahatapaka ny fahadisoana, . . . hamarana ny fahotana, sy hanao fampihavanana noho ny heloka, sy hampiditra fahamarinana mandrakizay, sy hanisy tombokase ny fahitana sy faminaniana, ary hanosotra an'ilay Masina indrindra.

Ny andininy faha-25, "Ary aoka hahafantatra sy hahazo, fa hatramin'ny . . ." Ankehitriny, izany ilay efa noresahantsika, ary nofaranantsika tamin'ny Alahady hariva lasa hoe, "manosotra an'ilay Masina indrindra." Eto no hanombohantsika izao maraina izao, eo amin'ny andininy faha-25. "Ary aoka . . ."

Aoka hahafantatra sy hahazo, fa hatramin'ny hivoahan'ny didy ho an'ny fanavaozana sy ny hanorenana indray an'i Jerosalema (izany hoe "ilay tanànanao masina," hitanareo) hatramin'ny . . . Mesia ilay Andriana dia ho fitopolo herinandro, sy roa amby enimpolo herinandro: ary ho voaorina indray ireo lèlana, sy ireo rindrina, ary izay andro mampahory mihtsy aza.

Ary aorian'ny roa amby enimpolo herinandro dia hovonoina ny Mesia, saingy tsy ho an'ny tenany: ary ny vahoakan'ilay andriana dia ho avy ka handrava ny tanàna sy ny fitoerana masina; ary ny fiafarany dia hisy safotra lehibe, ary hatramin'ny fiafarany ady dia faharavana no voatendry.

"Ary . . ." Ankehitriny, tsarovy, izany no fiafarany ilay ady. Manana an'izany isika eo amin'ny tabilao eto. "Ary," ankehitriny dia manomboka zavatra hafa isika.

Ary hanorina fanekena ho herinandro amin'ny maro izy: ary eo afovoan'ny herinandro dia hampitsahatra ny fanatitra sy fanatitra alatsa-drà izy, fa amin'ny faratampon'ny fahavetavetana no handravany an'izany, dia hatramin'ny fahafonganana mihitsy aza, (izany hoe, ny rehetra), ary izay voatendry dia haidina eo amin'ny mpandrava.

⁴¹ Oh, lesona iray toy ny inona! Hoy aho tamin'ny vadiko indray andro hoe, "Manontany aho raha azon'ny olona marina tokoa izany." Ankehitriny, tiako ianareo hahazo an'izany. Aza... Raha ianareo, tsy maintsy hijanona eto isika mandritry ny andro manontolo, hijanona fotsiny. Ankehitriny, isika—isika—te-hahazo an'izany isika. Hitanareo? Isika—te-hahafantatra isika hoe izany no Fahamarinana. Ary, ianareo, raha afaka ny hahita an'izany fotsiny mantsy ianareo! Ary hanontany aho, angamba...

⁴² Ary avy eo, aorian'izany, dia havelako hihantona eto ilay sarisary, ary ianareo—afaka mandika azy ianareo, aorian'izany. Tongava eto amin'ny tolakandro, na oviana na oviana tianareo, ka adikao ireo sarisary sy ny sisa. Hanampy anareo mba hahazo izany. Izany no antony hametrahako azy eo, mba ahafahanareo mahazo azy.

⁴³ Ankehitriny, ndao isika hamintina kely fotsiny mba ahazoantsika fototra iray. Ankehitriny nisy... Daniela dia nanahy nikasika ny vahoakany, satria efa namaky an'i Jeremia mpaminany izy, ary azony fa Jeremia dia nilaza fa ho ao anatin'ny fahababoana izy ireo mandritry ny fitopolo taona. Ary tamin'izay fotoana izay, dia hitany fa efa tao anatin'ny fahababoana nandritry ny valo amby enimpolo taona izy ireo, noho izany dia fantany fa efa antomotra ilay fotoana. Noho izany dia natokany ny asany rehetra, nampidininy, araka ny maha-izy azy, ny alokaloky ny raharahany isan'andro rehetra. Nampitodika ny tavany tamin'Andriamanitra izy, nitafy lamba fisaonana sy lavenona, ary nandeha nifady hanina sy nivavaka, mba ahafahanany mahazo hoe rahoviana io fotoana io no hisy. Avy eo dia hitantsika, araka ny efa nambarako teo aloha...

[Miresaka amin'ny olona anankiray eo amin'ny lampihazo Rahalahy Branham—Mpand.] Afaka hahodinao ve ity, avy eto amin'ity ilany ity, kely fotsiny. Ilay rivotra mampangatsiaka, mihodina mafy loatra ilay izy. Manao ahy ho farim-peo izany. Amin'izay fotoana izay... Misaotra anao, rahalahy.

⁴⁴ Ankehitriny, dia hitantsika fa, Daniela, te-hahazo an'io vaovao io ho an'ny olony izy. Ary mieritreritra aho, raha i Daniela, teo am-pamakiana an'ireo mpaminany talohany, ary nanana an'io karazana fahazoana io, fa efa akaikin'ny farany izy, dia nitady an'Andriamanitra, mba hahita hoe akaiky toy ny ahoana ny farany; noho izany dia heveriko fa nohamarinina isika, eo am-pahitana fa eo amin'ny faran'ny lâlana isika

ankehitriny, tsy hoe mitafy lamba fisao nana na lavenona, fa manary an'ireo zavatr'izao tontolo izao, sy ny fiahantsika an'ity fiaainana ity; ka hitady an'Andriamanitra, mba hahita hoe andro inona amin'ilay taona no misy antsika, satria hitantsika fa eo amin'ny farany isika, ary mba hifady hanina sy hivavaka ary ho vonona ilay Fiagonana. Izany no antony niezahako nametraka teo amin'ny tenako... Tsy mahafantatra hoe ahoana no hanazavana an'izany, satria nialako foana izany, ka nanao hoe, "Ireo fitopolo herinandron'i Daniela ireo," satria tsy nety azoko ilay izy. Ary izany no antony nametrahako an'izany teo amin'ny tenako ankehitriny, mba hiezaka hanazava azy. Ary mino aho, amin'ny alàlan'ny fanampian'ny Tompo, fa afaka manao an'izany aho amin'ny Fahasoavany, mba hitondra an'izany eo amin'izay, haneho aminareo hoe akaikin'ny Fihavian'ny Tompo toy ny ahoana isika.

⁴⁵ Ankehitriny, roa taona fotsiny no nananan'i Daniela. Avy eo dia hitantsika, fa, raha mbola tao amin'ny vavaka izy, ilay Anjely, Gabriela, dia nandeha haingana teo aminy; ary tsy nanazava taminy fotsiny ihany hoe rahoviana ny vahoakany no hivoaka avy amin'ny fahababoana, fa, ihany koa, izay voatendry rehetra ho an'ny vahoakany, izay mbola navela ho an'ny vahoakany. Hoy Izy hoe, "Mbola misy fitopolo herinandro navela ho an'ny Jiosy."

⁴⁶ Avy eo, hitantsika, fa nanana tanjona enina Izy. Ka ny iray amin'izy ireo, dia hahatapaka ny fahadisoana; sy—sy hamarana ny fahotana; hanao fampihavanana noho ny heloka; hampiditra fahamarinana mandrakizay; hanisy tombokase ny fahitana sy ny faminaniana; ary hanosotra an'ilay Masina indrindra.

⁴⁷ Ary noraisintsika, tamin'ny Alahady maraina lasa, Daniela teo amin'ny toerany tany, nivavaka. Tamin'ny Alahady hariva lasa, dia nanome ny Soratra isika, mba ahafahan'ny olona mamaky an'izany rehefa tonga any an-trano izy ireo. Efa novakianareo ve izany? Tianareo ve izany? Mahafinaritra!

⁴⁸ Ankehitriny, ilay tanjona enina. Ary hitantsika fa, eo amin'io tanjona fahenina io, "mba hanosotra an'ilay Masina indrindra," dia hitantsika fa ilay "Masina indrindra" dia maneho foana an'ilay Fiagonana, ilay Tabernakely. Ary ilay zavatra farany tsy maintsy vita, dia ny nanosotra an'ilay Masina indrindra, izany hoe ilay Tabernakelin'ny Arivo taona izay Hiainany mandritry ny Arivo taona, izay hiainantsika.

⁴⁹ Ankehitriny, androany, ankehitriny dia manatona isika, "Inona ireo fitopolo herinandro?" Ary ity dia ampahany tena iankinan'ny aina mihitsy, ireo fitopolo herinandro.

⁵⁰ Ankehitriny, fantatsika fa tsy afaka mandainga ny Soratra. Izy ireo dia tsy maintsy ho ny Fahamarinana. Ary raha tonga ity Anjely Gabriela ity ka niteny tamin'i Daniela fa misy fitopolo herinandro fotsiny sisa tavela ho an'ireo Jiosy... Ankehitriny,

afaka mampihatra an'izany isika ho andro enina...na andro fiton'ny herinandro. Fa, ao amin'ny faminaniana dia nomena ao amin'ny fanoharana foana izany.

⁵¹ Ary noho izany, tsy isalasalana fa nanerana ny taona, dia efa nisy olona an-jatony sy an-jatony, mahay, lehilahy mahay, niezaka nanazava hoe inona ireto fitopolo herinandro ireto. Ary efa namaky ny maro tamin'ireo fanazavan'izy ireo teo amin'izany aho. Ary tena mankasitraka an'Atoa. Smith aho, avy amin'ny fiangonana Adventista, ny amin'ireo fijeriny. Tena mankasitraka ny Dr. Larkin aho, ny amin'ireo fijeriny. Mankasitraka an'ireo mahay malaza rehetra ireo aho, ny amin'ny fijerin'izy ireo an'izany. Ary tamin'ny famakiana azy ireo, dia manazava ahy betsaka izany, ka ahafahako mahita an'ireo toerana izay toa marina. Fa ny mandray an'ireo fijery izay izaho—noheveriko fa tiako hazavaina, nikaroka nanerana an'ilay bokim-pahalalana aho, an'ny “andro,” mba hahita hoe inona no dikan'ny “andro.”

⁵² Ary hitantsika eto, fa isika dia manana “andro, andro, ary antsasaky ny andro.” Inona ny andro? Inona ny herinandro iray? Ankehitriny, efa nisy telo arivo, efa-jato sy telopolo taona lasa izay, hatramin'ny nisian'io, hatramin'ny nanombohan'Andriamanitra nifanaraka tamin'ny Jiosy; taona maro, maro lasa izay. Daniela dia tamin'ny B.C., ary io fotoana io dia B.C. 538, 538 taona talohan'i Kristy, rehefa niresaka ny amin'ity izy hoe “andro, andro, ary antsasaky ny andro.” Ary, fitopolo herinandro, jereo hoe taiza no nitondran'ireo fitopolo herinandro azy. Nahoana, mbola tao Babylona foana izy, tao anatin'ny fitopolo herinandro, kanefa Andriamanitra efa niteny taminy fa izay ihany no fotoana izay voatendry ho an'ny vahoaka.

⁵³ Ankehitriny, ny fiangonako eto dia mahafantatra fa nandritry ireo taona rehetra dia niteny taminareo foana aho hoe, “Raha te-hahafantatra ianareo hoe andro inona amin'ny herinandro ilay izy, dia jereo ny alimanaka. Fa raha te-hahafantatra ny fotoana iainantsika ianareo, dia diniho ireo Jiosy ireo.” Izany no famantaran'ora tokana. Andriamanitra dia tsy—tsy nametra fotoana manokana ho an'ireo Jentilisa; tsy nisy ny elanelam-potoana manokana. Ary eo no heveriko fa ampifangaroan'ireo mpanoratra malaza an'ilay izy, ary niezaka hampihatra an'ity amin'ny Jiosy sy Jentilisa, satria hoy Izy hoe, “Ny vahoakanao.” Fa niresaka tamin'i Daniela Izy, fa tsy tamin'ilay Fiangonana; ny vahoakan'i Daniela, ny Jiosy. Raha niresaka tamin'ilay Fiangonana Izy, dia tsy afaka manao an'izany ho tonga na aiza na aiza ianareo; ianareo dia—lasa lavitra ianareo, alohan'ny fihavian'i Kristy mihitsy aza. Efa tapitra izany ao amin'ny karazana herinandrom-paminaniana rehetra izay tianareo hametrahana azy. Efa tapitra izany. Fa

niresaka tamin'ireo Jiosy Izy, koa noho izany dia ny Jiosy no famantaran'oran'Andriamanitra.

⁵⁴ Tsaroanareo teo, vao tsy ela akory izay, rehefa Rahalahy Arganbright, avy any California, ilay filoha lefitry ny International Full Gospel Business Men's Association, no tonga tany an-tranoko ary nitondra ho—horonam-peo iray; ary tsy horonam-peo iray, fa ho—horonan-tsary iray, hoe izy ireo... an'ny *Misasak'alina Latsaka Telo Minitra*. Nalaina teo amin'ny fikarohana siantifika izany. Rehefa nahita an'ireo Jiosy niverina aho, niverina nankao Jerosalema, dia tonga teto amin'ny tabernakla aho, ka hoy aho hoe, "Mahatsapa toy ny hoe nahazo fiovam-po indray aho." Maro aminareo no mahatsiaro an'izany. Hoy aho hoe, "Ny mahita an'ireo Jiosy miverina!"

Jesosy no nilaza, ao amin'ny Matio ny toko faha-24 hoe, "Rehefa mahita ny hazo aviavy mamoka ny tsimon-kazony ianareo." Fantatrareo izay antenainareo, hitanareo, ireo Jiosy miverina!

⁵⁵ Ankehitriny, dia manana fanamarihana sasantsasany aho voasoratra eto. Tiako ny hiditra ao amin'izy ireo. Ankehitriny, ankehitriny, izaho dia—haka ny fotoako aho, mba ahafahanareo hanoratra azy ireo koa. Ankehitriny, ity rehetra ity dia miseho, ireto... Ankehitriny isika... Mandritry ny fotoana izay misy antsika ankehitriny, ity rehetra ity dia miseho amin'ny... Jiosy izany; tsy misy idirany amin'ilay Fiangonana, mihitsy. Ny zavatra rehetra manomboka amin'ny Apokalypsy ny toko faha-3, hatrany amin'ny faha-19, dia tsy misy idirany amin'ilay Fiangonana. Tsy afaka hanao an'ilay izy ho tafavoaka tsara ianareo. Tsy eo mihitsy izy.

⁵⁶ Ankehitriny dia tiako ny hanazava hoe ahoana no nahitako an'ity. Ankehitriny, eo amin'ny tabilao, dia maro aminareo no hahita fa nanao sary aho, ireo fotoana nisy elanelany, ahoana fa niditra tao amin'ny elanelam-potoana izany, mba tsy ahafahan'izany ho fantatra ka afaka hahazo ny olona rehetra. Afaka ve ianareo... Tsy afaka mahita azy ianareo avy any aoriania, heveriko, soratra madinika loatra ilay izy. Ary sorat'i Becky izany. Nieritreritra aho... Ary, ity sary ity, nanana anankiray ratsy lavitra noho ity aho. Fa, Becky no nanao sary an'ity, ny sarin'ny nofin'i Nebokadnezara. Ary heveriko fa ilay izy dia mitovy kokoa amin'ny zazavavy iray, Becky, noho ny lehilahy iray. Fa, na ahoana na ahoana, izany dia—izany dia hanome an'ilay fahalalana, izay ilaintsika.

⁵⁷ Ankehitriny, raha mamaky ao amin'ny Baiboly isika fa misy fitopolo herinandro voatendry ho an'ny vahoaka, ankehitriny, ny... tsy misy idirany amin'ilay Fiangonana. Ireo fitopolo herinandro dia tsy misy idirany amin'ilay Fiangonana. Raha mahamarika ianareo eto, eo amin'ilay sarisary, dia manana ny taonan'ny fiangonana aho eo anelanelan'ireo fitopolo herinandro ireo.

⁵⁸ Manana an'izany isika eto. Ny rahalahy iray avy any Georgia no nanao sary an'ilay izy ho antsika teto, raha nahavita an'ireo taonan'ny fiangonana isika. Ary azontsika antoka fa afaka mahazo ny dikan'izany isika. Ity fotsy ao amin'ilay fiangonana eto ity, izany dia midika fa apostolika daholo ilay izy. Ary avy eo amin'ilay taom-piangonana faharoa, dia nanana ny foto-pampianaran'ny Nikolaita izy ireo, na, nanana an'ireo asan'ny Nikolaita izy ireo; tsy mbola lasa foto-pampianarana iray ilay izy. Ny taom-piangonana fahatelo, dia lasa foto-pampianarana iray izany. Ary tao amin'ny taom-piangonana fahefatra, dia voarafitra izany, ary izany dia ilay fanaovana papa Romana. Ary tao amin'ny—ny taom-piangonana fahefatra, dia izany ireo taona maizina.

Raha mahamarika ianareo, ny aizina rehetra eo dia maneho ny Nikolaisma, na Romanisma. Ny ampahany fotsy dia maneho ny Fanahy Masina, ilay Fiangonana. Ary, raha nanomboka tamin'ny andron'i Masindahy Paoly izany, dia feno ny Fanahy Masina ilay Fiangonana apostolika manontolo. Avy eo dia nanomboka niditra ireo aristokraty. Avy eo dia nifamatotra mafy izy ireo tamin'ny farany ka nanao fiangonana iray tena vaovao mihitsy avy tamin'izany. Ary ilay fiangonana kely dia nodorana, sy notoraham-bato, ary namahanana an'ireo liona, sy ny sisa.

⁵⁹ Tao amin'ny fanavaozana dia tonga i Luther, hazavana kely iray mazava kokoa, hitanareo. Tamin'ny andron'i Wesley, dia mbola nitondra mazava kely kokoa iray. Fa ao amin'ilay fiangonana farany eto, ilay taom-piangonana Nikolaita, izany dia ilay taona izay isika... .Tsy ilay Nikolaita, fa ilay Laodikiana, izany ilay taona izay iainantsika. Raha mahamarika ianareo, dia tsy nisy Hazavana betsaka loatra.

⁶⁰ Olona iray, rehefa nahita ny fanaovana sary an'izany izy ireo teo, dia nanao hoe, "Mbà menatra ianao, Rahalahy Branham! Io andro malazan'ny fanazavana io!"

Hoy aho hoe, "Hihevitra aho, rehefa voafantina izany..." [Miato Rahalahy Branham—Mpand.] "Tsy manao an'ilay izy ho fahamarinana akory aza izany; rehefa mahazo an'ilay tena madio am-po ianareo, nateraky ny Fanahy indray." Tsarovy, ity no taom-piangonana tokana izay nametraka an'i Kristy tany ivelan'ny Fiangonany Manokana, avy tamin'izy rehetra ireo. Manana filazana lehibe isika, saingy manana fananana iray ve isika, izany no resahantsika. Ao amin'ny fiangonana marina tokoa ve Kristy? Ho tena ao anatin'ny havitsiana mihitsy izany.

⁶¹ Ankehitriny, ankehitriny dia ndao isika hametraka an'ireo fitopolo herinandron'i Daniela. Ankehitriny dia mety mamerina indray aho eto; ireo mpitoritenin'ny Filazantsara, raha tsy mifanaraka amin'ity ianareo, dia mety tsara. Voazara ao anatin'ny vanim-potoana telo izy ireo, araka ny hitantsika ao amin'ny Daniela 9. Vanim-potoana telo. Voalohany, dia

vanim-potoana anankiray fito herinandro; avy eo dia roa sy enimpolo anankiray, izany hoe roa amby enimpolo; ary avy eo dia vanim-potoana anankiray herinandro iray. Voazara ao anatin'ny vanim-potoana telo samihafa izy ireo.

⁶² Ankehitriny, dia manao azy voazara aho eto amin'ny tabilao. Ny vanim-potoana voalohany; vanim-potoana faharoa; ary amin'ny fahazoako, amin'ny alàlan'ny Filazantsara, amin'ny alàlan'ny Fanahy Masina, fa, amin'ny andro farany, dia miverina amin'ny Jiosy indray Andriamanitra.

⁶³ Ankehitriny, fantatsika, amin'ny alàlan'ireo Filazantsara rehetra, fa i Paoly dia nampianatra, sy ireo hafa, fa hiverina indray amin'ny Jiosy Andriamanitra. Eny, noho izany, raha hiverina indray amin'ny Jiosy Izzy, dia ahoana no ahafahantsika hampihatra an'izany hiverina amin'ny andron'i Daniela? Tsy maintsy ampiharintsika amin'ity taona farany ity izany. Ary izany dia taorian'ny nandehanan'ilay Fiagonana Jentilisa, satria mifampiraharaha amin'ny Isiraely amin'ny maha-firenenena iray Izzy, isika amin'ny maha-isam-batan'olona.

⁶⁴ Ankehitriny, manana soratra sasantsasany aho eto izay tiako ho vakiana aminareo raha mandroso isika. Ankehitriny:

...*hivoahan'ny didy mba hanorenana indray an'i Jerosalema...*

Izany, dia tamin'ny andro faha-14-n'ny Marsa. Raha te-handray naoty an'izany ny sasany aminareo, ao amin'ny Hebreo dia hahita isika fa izany dia nantsoina hoe *N-i-s-a-n-a*, *Nisana*, izay midika hoe "Marsa." Ilay baiko dia nomena tamin'ny andro faha-14-n'ny Marsa, B.C. 445, ilay baiko dia nivoaka mba hanorenana, hanorenana indray ny tempoly. Azonareo izany, raha namaky ny Soratra ianareeo olona. Mandra-pahatanterak'izany, nila sivy amby efapolo taona izany hanatantehana ny tempoly sy ny tanàna, mba hanorenana azy indray. Ary araka ny nolazain'ny Baiboly eto, Daniela no miteny, na ilay Anjely tamin'i Daniela, hoe:

...*ireo rindrina, ary izany dia ho voaorina ao anatin'ny andro mampahory.*

Ary maro amintsika no mahatsiaro, rehefa voaorina izy, nanana an'ilay fandalorana izy ireo teo amin'ny tànana anankiray ary sabatra iray teo amin'ilay hafa, mba hiambina an'ilay fahavaloo. "Ary ho voaorina ao anatin'ny andro mampahory izany."

⁶⁵ Noho izany, eto no ahitako an'izany, mahazo an'ireo androko. Ankehitriny, isika dia manana alimanaka roa, telo samihafa. Raha miverina any amin'ilay alimanaka trainaing momba ny kintana isika, dia hitantsika fa ao amin'ny alimanaka Julian dia misy andro telonjato, sy dimy amby enimpolo sy ampahefany ao anatin'ny taona iray. Nanisa an'izany tamin'ny fandalovan'i Sardisy sy ireo kintana samihafa izy ireo, sy ny

sisa. Nanisa an'izany izy ireo. Ankehitriny dia mahita isika, ao amin'ny alimanaka Romana izay iainantsika ankehitriny, dimy amby enimpolo amby telonjato andro ao anatin'ny taona iray, araka ny alimanaka. Fa ao amin'ilay Kristiana, na alimanaka ara-paminaniana, dia hitantsika fa enimpolo sy telonjato andro ihany no misy ao anatin'ny taona iray. Ankehitriny, mety manontany ianareeo hoe ahoana no nahatongavan'io fifanjevoana io.

⁶⁶ Ankehitriny, ity fotsiny ihany no azoko lazaina araka ny fiteniko irery ihany. Mino aho fa tany aoriana tany talohan'ny fandravàna talohan'ny safo-drano, tany aoriana tamin'ny andron'i Joba, sy ny sisa, dia nanisa ny fotoana tamin'ny alàlan'ireo kintana izy ireo. Ary azontsika, na tany aoriana talohan'izany fotoana izany, fa nijoro mahitsy ny tany. Ary avy eo nohon'ny fahotan'ny olona, ilay fianjeran'ny tany, dia nitongilana izy ary tonga ireo tondra-drano, noho izany dia manana an'ireo vongan-gilasy lehibe isika, sy ny sisa, ary ny tampony sy ny fanambanin'ny tany rehetra dia feno gilasy. Fantatsika izany. Ary tsy mijoro mahitsy ny tany. Mijoro mitongilana izy. Izany no nanetsika azy avy teo amin'izay nisy ny volana sy ny kintana, eo amin'izay nijeren'izy ireo, ka nifindra toerana tamin'izany. Na—na, tsy afaka hanisa ny fotoana amin'ny alàlan'izany intsony ianareeo, satria mipetraka mihilana izy, mipetraka mitongilana. Noho izany, tsy hifanandrify amin'ireo kintana amin'ny fotoana iray ihany izy, satria izy dia—any ivelan'ny laharan'ireo kintana ireo izy. Azonareo ve? Mino aho fa izay ilay izy.

⁶⁷ Ao amin'izany toerana izany no ipetrahany. Ary izany dia maneho fotsiny ihany fa vanim-potoana iray an'ny fotoana fotsiny izany. Tsy afaka mahita ve ianareo? Tsy manana zavatra ivelan'ny laharana Andriamanitra. Mamela azy fotsiny handeha tahaka an'izany mandrity ny fotoana kely iray fotsiny Izy. Ary mino marina tokoa aho fa izany ilay zavatra izay natao.

Ary amin'izao andro farany izao no hanambaran'Andriamanitra an'ireto tsiambarateло ireto amin'ilay Fiagonana. Tsy nanao an'izany mihitsy Izy tany aloha. Ary ny antony tsy Nanaovany an'izany, dia ny hihazonana an'ilay Fiagonana hiambina sy hivavaka hatrany, tsy nahafantatra hoe oviana no ho tonga izany. Fa tsaroanareo, ao amin'ny Daniela 12, hoy Izy hoe, "Ny hendry no hahazo amin'ny farany, amin'ity andro farany ity." Hitanareo? Efa nomena azy izany.

⁶⁸ Tonga ao amin'ilay Fiagonana ny Fanahin'ny fahendrena, mba hampahafantatra amin'ilay Fiagonana, amin'ny alàlan'ny fanambaran'ny Fanahy Masina, mampiditra an'ilay Fiagonana ary manambara hoe andro inona no iainantsika. Mitovy amin'ny nahatongavan'i Gabriela mihitsy teo—teo amin'i Daniela, no ahatongavan'ny Fanahy Masina eo amin'ilay Fiagonana

amin'ny andro farany, mba hanambara an'ireo zavatra lehibe, larina, tsiambaratelo ireo. Azonareo ve ankehitriny? [Hoy ny fiangonana hoe, "Amena."—Mpand.]

⁶⁹ Ankehitriny, izany no nanafoana an'io taona amin'ny alàlan'ny kintana io na ilay taona Julian, alimanaka, hitanareo, ilay taona masônika, satria mitongilana ny tany. Isika rehetra dia mahafantatra an'izany, avy amin'ny fianarana tany antsekoly. Ary any ivelan'ny laharana izy, noho izany izy ireo, ireo kintana ireo, dia tsy handalo eo amin'ny laharan'ny tany amin'ny fotoana iray ihany. Noho izany, ny alimanaka Romana dia diso, ihany koa, satria tsy afaka mametraka an'ireo andro miaraka ianareo. Misy zavatra maro izay azoko lazaina fotsiny mihitsy eto. Fa mahita isika, amin'ny alàlan'ny natiora izy tenany aza, dia mampianatra antsika fa telopolo andro marina fotsiny ihany no misy ao anatin'ny taona.

⁷⁰ Ankehitriny, ndao isika haka ny Apokalypsy izay tsy maintsy handehanantsika ao amin'ny andron'ireo mpaminany roa. Hoy ny Baiboly hoe, "Naminany enimpolo sy roanjato sy arivo andro izy ireo." Ankehitriny, alaivo ilay alimanaka momba ny kintana, azo antoka fa ho lavitry ny maha-telo taona sy tapany izany. Ary alaivo ny alimanaka Romana izay ananantsika amin'izao andro izao, fa ho lasa lavitra izany. Fa alaivo ny alimanaka ara-paminaniana, fa misy enimpolo sy roanjato sy arivo andro marina tokoa izany, amin'ny telopolo andro isambolana. Hitanareo?

⁷¹ Manana telopolo andro isika amin'ny volana sasantsasany, iraika amby telopolo amin'ilay manaraka, valo amby roapoloo amin'ny anankiray. Hitanareo, mifangaro tanteraka isika. Fa Andriamanitra tsy manao azy ho havia-havanana, ambony-sy-ambany, aoriana-sy-aloha. Izy dia manao azy mitovy marina tokoa. Eny, tompoke. Mitovy marina tokoa, telopolo andro amin'ny volana iray; tsy iraika amby telopolo, avy eo telopolo, zavatra hafa iray. Hitanareo? Fa izany rehetra izany dia natao tao anatin'ny fananan'Andriamanitra lehibe, mba hihazonana an'ilay Fiangonana hiambina sy hivavaka, ho vonona, ataovy voasasa ao amin'ny Ràn'ny Zanak'ondry ny akanjonareo. Fa, oh, ao amin'ity andro farany ity, dia nampanantena Izy! Ah-hah. Ankehitriny dia hitantsika hoe aiza isika no miaina. Ankehitriny, tsarovy, ilay tanjona, tanjona tokana, dia ny hanao an'izany.

⁷² Ankehitriny, raha nisy fito... Jereo, misy sivy amby efapolo andro marina tokoa... sivy amby efapolo taona, raha ny marina, tamin'ny andro nanorenana ny tempoly. Ireo fito, dia herinandro ara-paminaniana fito, fito herinandro, satria misy fito herinandro voatendry ho an'ilay tempoly, mba hanorenana indray ny tempoly. Ary voaorina marina tokoa tao anatin'ny sivy amby efapolo taona izany. Ankehitriny isika dia manana ny dikan'ny andro amin'ny herinandro,

satria raha nilaza ny Baiboly, nilaza ilay Anjely, fa nila herinandro fito hatramin'ny fanorenana ny tempoly. Ary sivy amby efapolo taona marina tokoa no nanorenana ny tempoly, nanomboka—nanomboka ny Marsa faha-14 hatramin'ny B.C. 5—538. Hatramin'ny nananganana indray ny tempoly, sy nananganana indray an'ireo lâlambe, dia sivy amby efapolo taona marina tokoa. Noho izany, dia inona no azontsika? Inona no azontsika? Satria, raha ireo fito herinandro dia midika sivy amby efapolo taona, amin'izay fotoana izay ny herinandro iray dia mitovy amin'ny fito taona. Ary fito ampitomboina fito dia sivy amby efapolo. Marina tokoa izany. Eo ianareo izao.

⁷³ Noho izany ankehitriny dia tsy misy fanombatombanana intsony ny amin'izany. Fantatsika ankehitriny fa ny herinandro tsirairay dia midika fito taona. Azonareo ve ilay izy? Ndao isika hilaza an'ilay izy miaraka. [Miteny miaraka Rahalahy Branham sy ny fiangonana—Mpand.] “Herinandro iray dia mitovy amin'ny fito taona.” Ankehitriny dia fantatsika fa azontsika ilay izy. Herinandro iray dia mitovy amin'ny fito taona.

⁷⁴ Eto mihitsy isika izao, ilay herinandro voalohany. [Manondro mankany amin'ilay kisarisary eo amin'ny tabilao Rahalahy Branham—Mpand.] Sivy amby efapolo taona ho an'ny fanorenana indray an'ilay tempoly. Ankehitriny, ity laharana an-tampony ity dia maneho ny firenena Jiosy raha mandalo izany. Andro fotsiny ity. Ary rehefa midina eto izany, dia mivoaka avy ao amin'ilay firenena Jiosy, mankao amin'ny andron'ny Jentilisa. Avy eo dia miakatra indray ka maka ny Isiraely, ary manohy.

⁷⁵ Ankehitriny, tsy nisy andro manokana voatendry ho an'ny Jentilisa. Voalaza fotsiny hoe, “Andron’ny Jentilisa.” Ary hitantsika, na dia Jesosy aza dia tsy nametra andro iray ho azy ireo. Satria hitantsika eto, ao amin'ny Lioka 21:24, hoy Iz y hoe, “Hanitsaka ny rindrin'i Jerosalema izy ireo hatramin'ny Jentilisa . . .” Mamelà ahy hanonona an'izany. Manonona an'ilay izy amin'ny alàlan'ny fitadidiana fotsiny aho. Mamelà ahy hamaky an'izany, satria ho eo amin'ny horonam-peo eto izany, ka tiantsika ny hanana antoka ny hanao azy tsara. Eny àry, raha te-hamadika miaraka amiko ao amin'izany ianareo, ao amin'ny Masindahy Lioka 21:24. Nianatra an'ity mazava mihitsy aho, araka ny tsara indrindra izay vitako.

Ary ho ringana amin'ny lelan-tsabatra izy ireo, ka ho entina . . .

Iza no Resahany? Jiosy. Izany ilay fandravàna ny tempoly, tamin'ny A.D. 70.

. . . ary izy ireo dia ho entina ho babo any amin'ny firenena rehetra: . . .

Tsarovy ankehitriny, tsy any Babylona fotsiny, tsy any Roma fotsiny, fa any amin'ny "firenena rehetra." Any no misy ny Jiosy amin'izao andro izao, "firenena rehetra."

...ary Jerosalema dia hohitsahin'ny Jentilisa,
mandra-pahatongan'ny andron'ny Jentilisa ho
tanteraka.

⁷⁶ Noho izany, dia misy andro voatendry iray, saingy tsy misy olona mahafantatra hoe rahoviana izany. Hitanareo? Zava-miafina iray izany, hitanareo, ilay andron'ny Jentilisa. Fa, ireo Jiosy... Noho izany, dia tsy afaka hiteny ny andro amin'ny alàlan'ilay Fiagonana isika, na miverin-dàlana Izy na mandroso Izy, na inona no Ataony. Tsy afaka miteny amin'ny alàlan'izany ianareo. Fa, jereo ireo Jiosy, misy an'ilay alimanakan'ny andro. Hitanareo ve izany? Nanendry andro iray marina tokoa ho azy ireo Andriamanitra, ora, sy fotoana, saingy tsy nanendry ho an'ireo Jentilisa mihitsy Izy. Nanendry Izy ho an'ireo Jiosy, noho izany dia ndao isika handinika an'ireo Jiosy, amin'izay fotoana izay dia ho hitantsika izay misy antsika.

⁷⁷ Ankehitriny, ankehitriny, ireo fito herinandro dia sivy amby efapolo taona. Azontsika mazava izany ankehitriny, fa ny herinandro iray dia—ny herinandro iray dia fito taona; ny herinandro iray, fito taona.

⁷⁸ Ankehitriny dia nilazana isika hoe, "Hatramin'ny hivoahan'ny didy mba hanorenana indray ny tanàna ka hatramin'ny Mesia (ary ny Mesia dia Kristy, mazava ho azy) dia hisy fito herinandro, sy roa amby enimpolo herinandro: (manome sivy amby enimpolo herinandro)..."

Hitanareo? Eny àry. Ary fito ampitomboina sivy amby enimpolo dia manome telo amby valopolo amby efajato taona. Ankehitriny, mandray naoty an'izany ve ianareo? Raha tianareo ny hamerenako azy indray, dia ho faly aho hanao an'izany.

⁷⁹ Ankehitriny dia nilazana isika hoe, "Hatramin'ny hivoahan'ny didy hanorenana indray ny tanàna, ka hatramin'ny Mesia, dia ho fito," (fito, izany ilay voalohany—voalohany, eto mihitsy) "fito herinandro, sy roa amby enimpolo," dia manome, roa amby enimpolo sy ny fito dia sivy amby enimpolo, sivy amby enimpolo herinandro. Fito ampitomboina sivy amby enimpolo dia hanome telo amby valopolo sy efajato taona. Noho izany, hatramin'ny Mesia... Ankehitriny dia tonga eo amin'ity ampahany ity isika *eto*. Hatramin'ny Mesia, dia tokony hisy telo amby valopolo sy efajato taona, telo amby valopolo sy efajato taona.

⁸⁰ Ankehitriny, ankehitriny, Jesosy, Mesia, dia niditra tao antanànan'i Jerosalema, nandresy, teo ambonin'ny lamosin'ny

ramole fotsy iray, tamin'ny Alahadin'ny Sampan-drofia, ny faha-2 Aprily, A.D. 30. Niditra tao Jerosalema Jesosy tamin'ny Alahadin'ny Sampan-drofia, A.D. 30. Ary ankehitriny, ankehitriny, manomboka amin'ny B.C. 445 hatramin'ny A.D. 30, dia dimy amby fitopolo amby efajato taona.

⁸¹ Fa, araka ny efa hitantsika, fa ny sivy amby enimpolo herinandro dia manome telo amby valopolo amby efajato taona. Ankehitriny, eo no tonga ilay olana, eo mihitsy. Hitanareo? Isika dia manana fotsiny ihany, amin'ny soratry ny Baiboly eto, andro, dimy amby fitopolo amby efajato taona fotsiny ihany. Ary, ankehitriny, ilay izy dia telo amby valopolo amby efajato taona, elanelany valo taona.

⁸² Ankehitriny, tsy afaka manao an'izany ho diso Andriamanitra. Raha nilaza Izy hoe ho izao andro ilay izy, dia izao andro ilay izy. Raha milaza Izy hoe hatreto ilay izy, dia hatreto ilay izy. Noho izany dia inona no hataontsika? Ankehitriny, ny B.C. 475 hatramin'ny A.D. 30, dia taona Julian na araka ny kintana, izay dimy amby enimpolo amby telonjato andro sy ampahefany ny-ny tsirairay. Fa rehefa ahenantsika ireo andro ireo ho amin'ny alimanakantsika ara-paminaniana...

⁸³ Ankehitriny dia mamele ahy hijanona eto mihitsy iray minitra fotsiny. Mba ahafantaranareo any ankoatry ny aloky ny fisalasalana iray, tsy haka an'io toerana anankiray io fotsiny aho. Afaka maka azy manerana ny Soratra manontolo aho ka hanaporofo aminareo fa ny fito andro dia ilay fito, herinandro iray dia—dia fito taona, ao amin'ny Baiboly. Vao avy nataoko teto izany, tao amin'ny Apokalypsy ny toko faha-13, na ny toko faha-11 ary ny andininy faha-3. Ireo mpaminany ireo dia haminany enimpolo sy roanjato sy arivo andro, izany hoe eo afovoan'ilay herinandro farany an'ireo Jiosy, avy eo dia vonoina izy ireo ary hipetraka ny Haramagedona. Noho izany raha izany no izy, dia io indray ilay izy, telopolo andro marina tokoa ny volana iray. Hitanareo? Noho izany, ilay izy dia—ilay izy dia tsy iraika amby telopolo andro sy valo amby roapololo andro, sy ny sisa. Ilay izy dia telopolo andro marina tokoa ny volana iray, isan'andro.

⁸⁴ Ny alimanakantsika ara-paminaniana dia mitondra antsika mankao amin'ny enimpolo amby telonjato andro, araka ny ampiasantsika ankehitriny ao amin'ny Soratra. Manana telo amby valopolo sy efajato marina tokoa isika. Io ilay izy, telo amby valopolo sy efajato. Manana marina tokoa ny porofon'ny faminaniana isika eto, ny fahamarinana marina tokoa. Satria, hatramin'ny andro hivoahan'ny fanorenana ny tempoly, hatramin'ny fandravàna, rehefa nandà an'i Kristy izy ireo ka namono Azy tamin'ny A.D. 33, rehefa novonoina Kristy, dia telo amby valopolo amby efajato taona marina tokoa.

Ankehitriny, hatramin'ny nivoahan'ny didy hanorenana indray an'i Jerosalema, dia fito herinandro no voatendry, izay

midika hoe sivy amby efapolo taona. Ary nahatratra sivy amby efapolo taona marina tokoa izany. Eny, hatramin'ny fanorenana indray ny tempoly ka hatramin'ny Mesia, dia valo amby telopolo amby efajato taona. Noho izany, efajato sy telop-...efatra amby telopolo sy efajato taona. Ary efatra amby telopolo sy efajato (ampitomboina), sivy amby efapolo, dia manome telo amby valopolo sy efajato taona marina tokoa. Ary nahatratra an'izany tanteraka tokoa ilay izy, hatramin'ilay andro marina tokoa, avy amin'ny andro mankany amin'ny andro. Amena! Eo ianareeo izao.

⁸⁵ “Ho tonga ny Mesia ilay Andriana.” Hitanareeo? Fito ampitomboina sivy amby enimpolo dia efajato sy telop-...sy—sy efatra amby valopolo taona. Marina tokoa, nahatratra an'izany tanteraka ilay izy. Koa, noho izany, fantatsika tanteraka mihitsy, fantatsika marina tokoa, fa marina io Soratra io. Io ilay izy. Fa, hitanareeo, ireo rehetra...

⁸⁶ Rehefa nanana an'ilay izao tontolo izao talohan'ny safordano Andriamanitra ka nandrava azy tamin'ny rano, ary nanova an'ilay daty araka ny kintana; ary avy eo dia namela an'ilay Romana hiditra ka nanamboatra ny alimanakan'izy ireo, izay mety dia mitsambikina, sy ny sisa. Ary ataoko, fa, na dia ao amin'ilay bokim-pahalalana izay efa novakiako aza.

⁸⁷ Hono ho'aho, eo amin'izay ihany, Rahalahy Kenny Collins, ato amin'ny tranobe ve izy izao maraina izao, Kenneth Collins? Fantatrao ve hoe oviana no nandefasanao ho ahy an'ilay andiana bokim-pahalalana goavana? Tsaroanao ve izany? Saiky fiarabe iray voafatratra an'izany no nalefanao ho ahy tany. Nieritreritra aho hoe, “Inona marina no hataon’ny vendrana iray tahaka ahy amin’ity rehetra ity?” Fantatrao, ny Tompo no nitarika anao, Kenny. Tao no nahazoako an'ilay toro-hevitra, avy tao amin'io bokim-pahalalana tranainy io mihitsy hoe, “andro,” ary nianatra aho. Fa i Becky no mampiasa azy ireo any antsekoliny. Napetrako tao amin'ny biraoko izy ireo, tao amin'ny efitra fiasako tao ambany rihana. Ary nandeha nidina tao izahay ka naka azy, ary nitady azy tao, ka nahita an'izany, marina tokoa, nanerana an'ireo alimanaka rehetra sy andro izay hany nisy. Hitanareeo? Noho izany, dia azontsika ilay izy.

⁸⁸ Io ilay izy, marina tokoa, telo amby valopolo sy efajato taona. Hatramin'ny hivoahan'ny didy hananganana ny hananganana ny tranobe, hatramin'ny andro izay nandàvana ny Mesia Andriana, dia manome telo amby valopolo sy efajato taona marina tokoa, araka ny alimanaka.

⁸⁹ Ankehitriny dia hitanareeo, isika dia mampiasa an'io alimanaka iray ihany io eto. Satria, raha nampiasa an'io alimanaka io Andriamanitra teto, amin'izay fotoana izay dia tsy maitsy hampiasa an'izany Izy amin'ny sisa amin'ny andro manerana ny Baiboly. Marina ve izany? [Hoy ny fiangonana hoe, “Amena.”—Mpand.] Tsy miova Andriamanitra. Noho izany,

raha sivy amby efapolo taona ny fito herinandro, dia sivy amby efapolo taona indray koa ny fito herinandro. Ny herinandro iray dia fito taona, hitanareo, koa izany no manao an'ilay izy tanteraka mihitsy. Ary raha mahatratra hatrany amin'ny teboka ilay izy tany, dia hahatratra hatrany amin'ny teboka marina tokoa indray izany. Amena! Oh, oadray! Manao ahy hientantana tanteraka izany. Oh, izaho—tiako tiako ny mahafantatra an'izay resahako. Izaho—izaho—tiako izany.

Satria, tahaka ny nolazain'ny lehilahy antitra iray, tany Kentucky tany, tamiko, nanao hoe, “Tiako ny mandre olona miresaka, izay mahafantatra an'izay resahan'izy ireo.”

Hoy aho hoe, “Izaho, koa.”

Hoy izy hoe, “Izany ilay olana aminareo mpitoky teny, tsy fantatrareo izay resahanareo.”

⁹⁰ “Eny,” hoy aho, “mankasitraka ny teny fideranao aho, saingy misy zavatra sasantsasany izay tena ahafantarany an'izay resahanay.” Ah-hah. Marina izany. Fantatro fa nateraka indray aho. Fantatro fa efa tafafindra avy tamin’ny fahafatesana ho amin'ny Fiainana aho. Fantatro fa misy Andriamanitra iray, satria efa niresaka Taminy aho.

Efa nanao Azy hiresaka tamin’ny alàlako aho, sy miresaka miaraka amiko, ary miresaka amin'ireo hafa, ka miteny amiko mikasika an'ireo hafa. Ary fantattro fa Andriamanitra Izy. Marina izany. Tena tsara fanahy Izy mba hidina ka namela ahy haka ny sariko miaraka Aminy, ka tsy azon'ilay tontolo siantifika lavina izany. Ary namadika tao amin'ny Soratra aho ka nahita fa manantanteraka an'ity taom-pianganana ity marina tokoa izany, izay miseho marina tokoa, noho izany dia fantattro fa eto isika. Amena.

⁹¹ Ankehitriny, mety tsy nampianarina angamba isika. Mety tsy vahoaka mirentirenty angamba isika, sy ireo zavatra tahaka an'izany. Mety tsy manan-kaja angamba isika, saingy tena mahafantatra an'Andriamanitra isika. Mahafantatra Azy isika satria misy ny Fanahy Masina iray, hitanareo, ary izany dia mifanaraka amin'ny Teny-amin'ny-Teny manerana ny Soratra, noho izany dia fantatsika fa marina izany. Miaina ao amin'ireo andro farany isika.

⁹² Ankehitriny, eo, tsarovy ankehitriny, fa, ity taona arapaminaniana ity, izay enimpolo sy telonjato andro isaky ny taona. Jereo ny zavatra hafa. Ny natiora, raha afaka mahazo ny sasany aminareo olona, na dia ho an'ireo vehivavy aza, sy ny sisa. Hitanareo? Telopolo, telopolo andro, jereo fotsiny izany—izany dia... Ny natiora rehetra dia voapetraka tahaka an'izany. Hitanareo? Tsy iraika amby telopolo, telopolo, valo amby roapololo, na zavatra iray. Telopolo andro marina tokoa ilay izy. Ho an'ny taona tsirairay, dia izany ilay alimanaka arapaminaniana, telo amby valopolo sy efajato andro marina tokoa.

⁹³ Eto isika dia manana an'ilay porofo marina an'ilay faminaniana, efajato sy-sy dimy amby efapolo andro, tany aloha, dia marina tanteraka tokoa. Ankehitriny, izay rehetra naminaniana dia tsy maintsy niseho. Ary ireo fitopolo herinandro ireo dia tsy nitranga mihitsy tamin'izany, noho izany dia navela ho an'ireo andro farany izany ankehitriny.

⁹⁴ Ankehitriny, ry rahalahiko Pentekotista; ankehitriny, ry rahalahiko Vavolombelon'i Jehovah; mahalala ve ianareo? Fantatrareo ve hoe taiza no niseho ireo efatra arivo amby efatra alina amby iray hetsy? Fantatrareo ve hoe taiza no niseho ireo fahagagana lehibe rehetra an'ny Apokalypsy? Tao amin'ny taonan'ny Jiosy, fa tsy tao amin'ny antsika. Tsy misy na inona na inona voarakitra ao anatin'izany, ilay Fiangonana mivonona fotsiny ary lasa. Azo antoka, miaraka amin'ny herin'Andriamanitra, no anaovantsika an'ireo fahagagana sy zava-bit. Fantatsika izany. Fa ilay tena zavatra dia tany amin'ireo Jiosy eto ireo; ny tiako lazaina, dia ilay tena, hery miasa, fiasan'ny fahagagana. Ireo efatra . . .

⁹⁵ Ireo efatra arivo amby efatra alina amby iray hetsy dia tsy miseho eo. Izy ireo dia any . . . Tsy miseho ao amin'ny toko faha-3 izy ireo. Izy ireo dia any amin'ireo Soratra, lavitra. Ary ankehitriny dia hitantsika fa tsy maintsy niseho io karazan-javatra rehetra io, dia tamin'ity fotoan'ny herinandro faha-fitopolo ity, ilay herinandro farany. Ankehitriny, raha efa nanana sivy amby enimpolo herinandro izy ireo, ary niaina marina tokoa tamin'ny fomba nolazain'Andriamanitra fa niainany, ka nitranga marina tokoa araka ny fomba nolazain'Andriamanitra fa hitrangany izany, amin'izay fotoana izay dia mbola misy herinandro iray amboniny nampanantenaina ho an'ny Jiosy. Ankehitriny, ry rahalahy, mivonona fotsiny. Hitanareo? Hitanareo? Henoy hoe akaiky toy ny ahoana isika. Herinandro farany, fito, ilay taona fahafito.

⁹⁶ Ankehitriny, mahazo ve ny olona rehetra hatreto, raha mahazo ianareo? Ny olona rehetra dia mahazo hatreto, fa izany tanteraka tokoa no Fahamarinana. Izany no Baiboly. Izany ireo taona ara-paminaniana.

⁹⁷ Ankehitriny dia tonga isika, ary nanaraka azy ireo isika eto hatramin'ny fandàvana an'ilay Mesia, hitanareo, nanomboka tamin'ny . . . hatramin'ny fandàvana ny Mesia, ilay herinandro farany.

⁹⁸ Ankehitriny, te-hijanona eto mihitsy vetivety fotsiny aho ka hanazava an'ity. Io, dia rehefa nolavin'izy ireo ny Mesia, dia rehefa izy ireo, mazava ho azy, nandà an'i Jesosy ho Mpamony, ka nohomboan'izy ireo Izy. Tsarovy eto izay nolazain'ny Baiboly hoe, "Ary hovonoina Izy, saingy tsy ho an'ny Tenany, Mesia, ilay Andriana." Ankehitriny dia eritrereto hoe akaiky toy ny ahoana no fahatanterahan'io faminaniana io. Tiako ianareo handentika tsara an'ity ao anatinareo. Hoe, raha tanteraka

marina tokoa hatrany amin'ilay daty io faminaniana io, hatrany amin'ilay fotoana, ary araka ny nilazana azy marina tokoa fa hahatanterahany; ity fahafito hafa, ity herinandro fito anankiray tavela ity...fito taona iray, raha ny marina, (fito andro: fito taona), dia ho tanteraka marina tokoa araka ny Soratra.

⁹⁹ Tsarovy ankehitriny, novonoina Izy, Mesia. Ireo Jiosy, nitsahatra tsy nifanaraka tamin'izy ireo Andriamanitra. Tsy lasa lavitra intsony izy ireo. Noho izany dia naparitak'ilay Fanjakana Romana izy ireo. Ary, avy eo, raha mahamarika ianareo eto amin'ny sarisariko eto, dia tiako ianareo hahazo an'ity ankehitriny ary hanao sary azy. Voamarikareo ve hoe aiza no nisiako an'ilay hazo fijaliana? Teo no nandàvan'izy ireo. Fa nihitatra kely lavidavitra fotsiny ilay fotoana teo amin'io, hitanareo. Nahoana? Telopolo, efapolo, dimampolo, enimpolo, fitopolo. Efapolo taona taty aoriana, Titus, ilay jeneraly Romana, no nandrava ny Israely, Jerosalema, ary nanaparitaka ny vahoaka nankany amin'izao tontolo rehetra izao. Hitanareo, Titus, efapolo taona taty aoriana. Noho izany, ankehitriny, ny andron'ny Jiosy dia nihitatra hatramin'ilay manontolo...

¹⁰⁰ Tsy nifanaraka tamin'izy ireo Andriamanitra. Nifanaraka tamin'izy ireo fotsiny Izy mandra-pandàvan'izy ireo an'i Kristy. Noho izany rehefa nanohombo an'i Kristy izy ireo, dia niantsoantso hoe, "Aoka Ny Ràny ho aminay sy ny zanakay," ary efa izany foana ilay izy hatramin'io. Fa talohan'ny nipayitahan'izy ireo...Henoy! Oh, rahalahy! Talohan'ny nipayitahan'izy ireo nankany amin'izao tontolo rehetra izao, dia nila teo amin'ny efapolo taona teo Andriamanitra hamotehana an'ilay tempoly sy hanaparitahana azy ireo nankany amin'izao tontolo rehetra izao. Fa tsy nifanaraka tamin'izy ireo intsony Andriamanitra. Tsy nifanaraka tamin'izy ireo intsony Andriamanitra.

Nandeha nifanaraka tamin'ny Jentilisa Izy. Fantatrareo izany, azonareo ve ilay izy ankehitriny? Ankehitriny, eto isika no manomboka ao amin'ireo taonan'ny fiangonana, ilay andron'ny Jentilisa, niala lavitra tamin'ireo Jiosy Andriamanitra.

¹⁰¹ Ankehitriny, ry rahalahiko misionera, izany dia ho—ho—ho an'ireo Jiosy, rahalahy malala sarobidy iray eto any ho any. Eto no tiako ho takatrareo sy azonareo. Hitanareo, niala tsy nifanaraka tamin'ny Jiosy avy hatrany Andriamanitra teo, satria mifanaraka amin'ny Israely amin'ny maha-firenena iray foana Andriamanitra. Fantatsika rehetra fa Israely dia firenena iray. Ireo Jentilisa dia vahoaka iray, ary tsy maintsy namoaka vahoaka iray avy ao amin'ny Jentilisa Izy, nohon'Ny Anarany. Ho hitantsika izany ao anatin'ny minitra vitsy.

¹⁰² Saingy ankehitriny, ao amin'ity taonan'ny fiangonana fito izay nandalovantsika ity, ao amin'ny andron'ny Jentilisa,

nanomboka tamin'ny fanohomboana an'i Kristy ka hatramin'ny fiafaran'ny taom-piangonana. Ankehitriny azontsika izany. Efa nandalovantsika izany, ny rehetra. Ankehitriny isika dia tonga eo amin'ny toerana iray izay ahafahantsika mandray an'ity, miditra amin'ny Tombokase Fito, Lovie Fito, Trompetra Fito, sy izany rehetra izany, ary hijery an'izany miaraka; ny fifanarahana rehetra amin'ireo Jiosy, sy ny fitsaran'Andriamanitra eo amin'ny olona eto ambonin'ny tany. Ary ilay sisa nanamborana . . .

¹⁰³ Tsarovy, ao amin'io fotoan'ny fanenjehana lehibe io, dia hisy Jentilisa an-tapitrisany ho faty ao anatin'izany. Io ampakarina nolavina io, io-io sisa nanamborana an'ilay taranaky ny vehivavy io, virijiny natory, mandalo amin'izany mihitsy izy. Izany dia—izany dia tena mazava mihitsy tahaka an'ity fitopolo herinandro ity; tena mazava mihitsy. Ary handalo amin'izany izy ireo. Noho izany, raha tsy manana ny Fanahy Masina ianareo, dia tsaratsara kokoa aminareo ny manana Azy haingana arak'izay vitanareo. Eo amin'ny andro farany isika izao.

¹⁰⁴ Mariho ankehitriny, ireo taona fiton'ny fiangonana. Ankehitriny, tsy voatery hiditra ao amin'izy ireo aho, satria manana azy ireo isika eo amin'ny horonam-peo, ary eo ampanaovana azy ireo ao anaty boky sy ny sisa izy ireo. Izany, izany ilay fotoana izay tsy nilazañ'Andriamanitra mihitsy fa hisy andro firy, ora firy, na taona firy; tsy nilaza na inona na inona mihitsy Izy. Hoy Izy hoe, "Hatramin'ny fahataperan'ny fizaram-potoan'ny Jentilisa." Hoy Izy, "Hatramin'ny!" Ho voahitsaka ireo rindrina mandra-pitsahatr'Andriamanitra mifanaraka amin'ireo Jentilisa.

¹⁰⁵ Ankehitriny, hitantsika, fa nanerana an'ireo taona ireo, dia nanana ny Fanahy Masina tonga isika. Ary avy eo Andriamanitra, tany amin'ny voalohany, dia nanomboka niteny tamin'izay fotoana izay, tamin'ny fandàvana an'i Kristy, dia naneho marina tokoa tamin'i Jaona Andriamanitra an'izay hiseho mandritry ny fanjakana Jentilisa. Ankehitriny, hitanareo, tsy manana andro voafetra isika, tahaka an'ireo Jiosy, fa manana famantarana iray isika. Isika dia manana ny—manana andrim-pamantarana iray isika. Eny, Andriamanitra dia nanao tamin'ireo Jiosy marina tokoa an'izay Nolazainy fa Hataony mandritr'ireo sivy amby enimpolo taona ireo, na, telo amby valopoloo sy efajato taona ilay izy, saingy sivy amby enimpolo herinandro. Ary herinandro iray sisa tavela, mbola misy herinandro iray voatendry.

¹⁰⁶ Ankehitriny, tsy afaka mampihatra an'izany ato isika, satria ity dia Jentilisa, ilay Fiangonana. Ankehitriny, firy no mahazo an'izany? [Hoy ny fiangonana hoe, "Amena."—Mpand.] Ankehitriny, ity dia Apokalypsy, manomboka amin'ny toko faha-1, hatramin'ny toko faha-3 izay mitondra antsika mankao amin'ny Laodikia. Ankehitriny, hitantsika marina tokoa fa izany dia ilay Fiangonana rehetra, ny tontolon'ny Fiangonana izy

tenany. Tsy nampiditra an'ilay mpanota mihitsy Andriamanitra, izy fotsiny . . . raha tsy hoe te-ho vonjena izy. Fa, ilay tontolon'ny Fiagonana dia fotsy tanteraka; avy eo dia tonga ireo Nikolaita izay te-hanao rafi-pandaminana iray. Niditra tao anatiny ireo manan-kaja. Io dia tany Nise, Roma, rehefa nanana an'ilay Fiombonambe Niseana izy ireo. Ary inona no nataon'izy ireo? Nandrafitra an'ilay fiagonana izy ireo, avy eo dia nanomboka nanenjika ny Kristiana. Avy eo, tao amin'ilay taom-pianganana manaraka, izany dia saiky, ny Kristianisma, raha mikasika ny batisan'ny Fanahy Masina, dia foana tanteraka.

¹⁰⁷ Fa avy eo, izay fantatrareo olona, fa nandeha niverina aho ka naka ny tantara, ireo *Mopera Niseana*, sy ireo *Mopera Talohan'I Nise*, sy ireo tantaran'ny fiagonana rehetra, ary ny lahatsoratra tranaainy indrindra izay nety hitako, ka ny tsirairay avy tamin'izy ireo dia nanaporofo taminareo fa ilay Fiagonana izay noresahan'Andriamanitra dia tsy io fiagonana Katolika voarafittra io na rafi-pandaminana hafa. Andriamanitra dia niresaka, ary ireo kintana malaza rehetra an'ny taona ireo, dia lehilahy izay nampianatra ny batisan'ny Fanahy Masina, ny batisa amin'ny Anaran'i Jesosy Kristy, sy ny fahatongavan'ny Fanahin'Andriamanitra, sy—sy ny fitenenana amin'ny fiteny tsy fantatra, sy ny fandikana ny fiteny tsy fantatra, sy ny fanasitravana, sy ireo fahagagana, ary ireo famantarana. Izany no nomen'Andriamanitra. Tsy afaka manova ny Heviny Izy, manao hoe, "Eny, ity no Hevitro mikasika ny Fiagonana iray, ilay Fiagonana apostolika; ankehitriny ny Hevitro dia fiagonana manan-kaja iray." Tsy miova Andriamanitra! Mbola ny Fanahy Masina foana izany.

¹⁰⁸ Ary mandinika sy mitondra an'izany isika, amin'izay fotoana izay, rehefa mahita ny natioran'Andriamanitra isika sy hoe Izy . . . ary avy eo dia mamoaka Ny Sorany. Ary avy eo dia maka ny—ny tantara izay maneho azy marina tokoa mifanarako hatrany amin'ny teboka; hatrany amin'ilay daty marina tokoa, hatrany amin'ilay andro, hatrany amin'ny zavatra rehetra izay nolazain'Andriamanitra tamin'ny alàlan'i Jaona, fa hiseho, dia nitranga tamin'io taonan'ny Jentilisa io izany.

¹⁰⁹ Ankehitriny, dia mahita ny tenantsika isika, any ankoatry ny aloky ny fisalasalana iray, ao amin'ny Taona Laodikiana. Fantatsika fa ao isika. Nandalo ny Taona Loterana isika; nandalo ny taonan'i Wesley isika; ankehitriny isika dia ao amin'ny Taona Laodikiana, ilay taona farany. Ary fantatsika fa ny tsirairay avy amin'ireo fiagonana ireo dia nanana iraka iray. Hitantsika izany. Ireo kintana fito teny an-Tanany, dia ireo Fanahy Fito izay nivoaka teo anatrehan'Andriamanitra. Ny tsirairay avy dia nanana iraka iray. Ary nidina isika ka nahita, tamin'ny alàlan'ny Baiboly, hoe ho inona ny natioran'io iraka io, inona ilay natiora haha-izy an'io iraka io. Ary nalaitsika tao amin'ny tantara ilay lehilahy izay nanana an'io natiora io. Ary avy eo

rehefa hitantsika tao amin'ny tantara io lehilahy io, izay nanana an'io natiora io, dia hitantsika fa izy no iraka ho an'io taom-piagonana io. Avy eo dia hitantsika hoe inona ilay Fanahy, sy izay nataon'io lehilahy io. Ary hitantsika fa izy dia olo-masina iray feno ny Fanahy Masina, Masindahy Irenée, sy ireo hafa rehetra, sy—sy Masindahy Colombia, ary ireo lehilahy rehetra feno ny Fanahy ireo. Ary fantatsika izany, amin'ny alàlan'ny Soratra, fa io karazana Fanahy io dia tokony ho eo amin'io karazan-dehilahy io mandiritr'io fotoana iray io ihany. Izay ilay izy, noho izany dia tsy mety ho diso izany. Amena! Voninahitra ho an'Andriamanitra! Izany fotsiny . . .

¹¹⁰ Tsy fantattro, rahalahy. Manao betsaka amiko mihoatra noho ny zavatra rehetra izay fantattro izany, hitanareo, satria izany no Tenin'Andriamanitra Izy tenany miresaka. Rehefa mandre an'Andriamanitra milaza zavatra iray aho, dia hoy aho hoe, "Amena! Marina izany. Marina izany." Hitanareo? Milamina hatreo izany. Tapitra ny rehetra. "Andriamanitra no niteny an'izany." Izany, vita ilay izy.

Eny, Andriamanitra no nilaza fa tahaka an'izany no hitrangany, ary nahita an'izany tao amin'ny tantara sy tamin'ny alàlan'ny Soratra isika. Namaky ny amin'io taom-piagonana io isika, izay hataony, izay hiseho, inona ilay karazana iraka ho an'io taom-piagonana io. "Ho—ho an'ny anjelin'ny fiangonan'i Laodikia. Ho an'ny anjelin'ny fiangonan'i Sardisy, Tyatira," ireo hafa rehetra ireo. Ary niverina tao amin'ny tantara isika ka nahita an'ilay—ilay irak'io fiangonana io, ary hitantsika hoe iza ilay izy. Koa noho izany dia nataontsika sary izany, nametraka ny anaran'izy ireo teo ambanin'izany, ary eo izy ireo. Hitanareo, fantatsika fa mifanaraka marina tokoa izany.

¹¹¹ Ankehitriny, ary fantatsika fa Andriamanitra dia efa, isan'andro dia efa, ary efa izany foana isan'andro, ary nanohitra ny fivavahana voarafitra. Eny, tompoko. Izy no nilaza an'izany. "Nikolaita, izay Halako!" Niko dia midika hoe "mambabo ny laika." Laika dia, ny laika dia, "ilay fiangonana, ilay vatana." Niko dia midika hoe "mambabo, mandresy," amin'ny teny hafa, "manao lehilahy masina iray, olona iray eo ambonin'ilay iray hafa."

Isika rehetra dia zanaka. Manana Mpanjaka iray isika, Andriamanitra izany. Manana Iray Masina isika, ary Andriamanitra izany. Amena! Ary Izy no eo afovoantsika, amin'ny endrika Fanahy Masina. Izany ilay Iray Masina.

¹¹² Ankehitriny, tonga hatreo amin'izay ananantsika antoka fa pozitifa isika hoe eo am-panarahana an'ilay—ilay taonan'ny Jiosy dia mahita an'ireo sivy amby enimpolo herinandro ireo marina tokoa isika, amin'ny alàlan'ny tantara, amin'ny alàlan'ny alimanaka, amin'ny alàlan'ny taona ara-paminanian'Andriamanitra, nitondra ny tantaran'ilay alimanaka ara-paminaniana, nanomboka tamin'ny Testamenta

Taloha ka hatrany amin'ny Vaovao, ary naneho fa mitovy marina tokoa ilay izy. Hitanareo?

Ankehitriny isika dia manana an'ilay fiangonana Jentilisa hatrany amin'ny fiandohana, ka hatramin'ny andro farany, ary fantatsika fa miaina ao amin'ny andro farany isika. [Mandondôna imbetsaka ny polipitra Rahalahy Branham—Mpand.] Amena! Azonareo ve? [Hoy ny fiangonana hoe, "Amena."] . . . ? . . . [Mandondôna indray mandeha ny polipitra Rahalahy Branham.] Ankehitriny, noho izany, raha miaina ao amin'ity andro farany ity isika, eo amin'ny faran'ity taona ity, amin'izay fotoana izay dia aiza no misy antsika?

¹¹³ Mariho, eto aoriana eto, dia mahita an'ity tsipika izay natao sary eto ity ianareo, izay nifanaraharan'Andriamanitra tamin'ireo Jiosy . . . Na, tsy nifanaraka tamin'ireo Jiosy mihitsy, nila fotoana ela izany ho Azy mba hitondra azy ireo. Nila efapolo taona izany ho Azy mba hitondra azy ireo tao amin'ny toerana izay Nahafahany hanao azy ireo ho rava, tany amin'ireo firenena rehetra. Nanerana ny rehetra, tao amin'ny andron'ny Jentilisa, dia tsy maintsy nitondra azy ireo tao amin'io toerana io Iz y alohan'ny Nahafahany hanao Ny Teniny hiseho. Hitanareo ve izay tiako lazaina? [Hoy ny fiangonana hoe, "Amena!"—Mpand.] Ny rehetra izay mahazo an'izany, dia manaoa hoe, "Amena!" ["Amena!"] Hitanareo, te-hahazo antoka aho fa azonareo ilay izy.

¹¹⁴ Ankehitriny inona no nitranga? Jereo eo an-tampon'ity taom-piangonana farany ity. Hitanareo ve ilay fanitarana kely? Mifarana ireo andron'ny Jentilisa. Ary nandritr'ireo efapolo taona farany, dia niverina nankany Jerosalema ireo Jiosy, niverina nankany an-tanindrazany. Haleloia! Hitanareo ve hoe aiza no misy antsika? Nila efapolo taona izany, hatramin'ny namonoana ny Mesia, ka hatramin'ny nandravan'i Titus ny tempoly sy nanaparitahany an'ireo Jiosy. Izany dia efapolo taona hafa iray izay nanamafisan'Andriamanitra ny fon'ireo karazana Farao rehetra nanerana ny toerana, sy hitondrana an'ireo Jiosy hiverina any an-tanindrazany. Fa amin'izao andro izao dia miverina any an-tanindrazany indray izy ireo, ary eo amin'ny fiafarany ilay Fiangonana. Amena! [Miato Rahalahy Branham—Mpand.] Oh, izaho—izaho—miezaka mamaky fotsiny aho; tsy vitako.

¹¹⁵ Mariho, ao an-tanindrazany ireo Jiosy, ary miverina. Raha alainareo ny *Decline Of the World's War*, laharana faharoa, rehefa ny Jeneraly Allenby, taorian'ny Ady Lehibe Voalohany, no nisidina teo ambonin'i Jerosalema ka namabo azy, ary naka an'i Jerosalema. Ary ireo Kristiana dia niditra tao Jerosalema niaraka tamin'ny satrony niala. Ary nitolo-batana tsy nisy tifibasy iray akory aza i Allenby, na—na, izy ireo no nitolo-batana tamin'i Allenby, ireo Turcs. Ary hatramin'io fotoana io, dia nandeha nanamafy ny fon'i Mussolini Andriamanitra, ny fon'i

Hitler, ny fon'i Stalin, ny fon'ireo lehilahy nanerana ny firenena rehetra, izay nankahala an'io Jiosy io.

¹¹⁶ Ary avy eo ireo vorona goavana be izay nidina, nantsoina hoe ny Eastern Airlines, na ny Pan American Airlines, na inona ilay izy. Mino aho fa ilay izy dia nantsoina hoe TWA. Izany dia tao amin'ny magazina, ny *Life* magazina, mino aho fa izay ilay izy, *Look* na *Life*. Mino aho fa *Life* ilay izy. Ireo telo na efa-taona farany fotsiny, ary namerina an'ireo Jiosy tany an-tanindrazany Andriamanitra, izay efa lavitra nandritry ny roa arivo taona, raha mbola nivonona ireo Jentilisa. Ary ankehitriny dia nandroaka an'i Kristy tany ivelan'ny fiangonana ireo Jentilisa, araka ny Apokalypsy ny toko faha-3. Tsy afaka miverina ao amin'ny Fiangonany akory aza Izzy. Tsy misy toerana Halehany. Nolavina Izzy.

¹¹⁷ Ary izany no fotoana ho an'ny Fampakarana. Ny navotana rehetra *eto*, ireto teboka kely tahaka an'ity ireto, dia ny fiakaran'ireo olo-masina ao amin'ny fitsanganana. Hitanareo, isika rehetra dia miara-mihaona *eto*. Hoy ny Baiboly hoe, "Isika izay velona ka mitoetra hatramin'ny fihavian'ny Tompo dia tsy hialoha na hisakana an'ireo izay nodimandry." Ny rehetra manomboka *eto*, *eto*, ary *eto*.

¹¹⁸ Ahoana, ry rahalahy Pentekotista, ahoana no ahafahanareo mampihatra azy rehetra ireo eto amin'ny Taonan'ny Fiangonana Laodikiana?

Izy ireo dia--izy ireo dia matory, nanerana ny tsirairay avy amin'ireto taona ireto, miandry. "Ary isika izay velona, ilay andiany kely tavela eto, mitoetra velona hatramin'ny... Ny fihavian'ny Tompo dia tsy hisakana an'ireo izay nodimandry; fa hotsofina ny trompetran'Andriamanitra, ka ireo maty ao amin'i Kristy no hitsangana aloha; ary hakarina miaraka amin'izy ireo isika." Amena! "Miaraka amin'izy ireo," *eto* isika izao, mihaona *eto* mihitsy, "mba handeha hitsena ny Tompo eny amin'ny habakabaka." Ary eo ianareo izao. Aiza no misy antsika? *Eto* mihitsy. Taiza no novonoina ny Mesia? Eo amin'izay nolazain'ny Teny marina tokoa. Aiza no hanomboka io fahafitopolo herinandro io? Aorian'ny hanesorana an'io Fiangonana io marina tokoa. Amin'izay fotoana izay dia miverina any amin'ireo Jiosy Andriamanitra.

¹¹⁹ Tsy tsaroanareo ve, fa, vantany vao mandeha ilay Fiangonana mandeha ilay Fiangonana, amin'izay fotoana izay dia mifikitra ireo Jiosy, miditra? Fa, voalohany, ny zavatra manaraka ao amin'ny lamina, dia tsy fifohazana mahery iray ara-pirenena—ara-pirenena eo anivon'ireo Jentilisa. Ny zavatra manaraka ao amin'ny lamina, dia ny fihavian'ny Fanjakan'Andriamanitra, ny Fihavian'i Kristy.

¹²⁰ Ankehitriny, raha tianareo, dia afaka miverina eto isika ankehitriny ao amin'ny Daniela ny toko faha-2, andininy faha-

34 sy andininy faha-35. Ary Daniela rehefa nomena...toko faha-2, 34 sy 35, rehefa nomena an'ilay fahitana i Daniela fa tapitra ny andron'ireo vahoakany, ary mandritry ny fotoana iray, ka nahita an'ireo Jentilisa niditra izy. Ary nahita an'ilay fahitana ny amin'io vato goavana be eto io, na io sarivongana goavana be io, nanana loha volamena, sy tratra volafotsy. Diniho ankehitriny, niha-mafy ilay izy, volafotsy nankao amin'ny volamena. Manaraka, fe vy...na fe varahina. Ary avy eo tongotra sy ranjo vy. Fa ireo rantsan-tongotra, dia rantsan-tongotra folo, ary ireo rantsan-tongotra ireo dia vy sy tanimanga. Ary hoy izy hoe, "Satria hitanao fa ny vy dia tsy hitambatra amin'ny tanimanga, dia tsy hifangaro ireo fanjakana mizarazara ireo, fa hanafangaro ny taranany miaraka izy ireo, miezaka ny hamotika ny herin'ilay iray hafa." Hitanareo?

¹²¹ Ankehitriny, inona no nitranga, ilay loha volamena dia Nebokadnezara, izay nandikany azy. Hoy izy, "Hisy mpanjaka hafa iray ho tonga ary ho ambany noho ianao," i Dariosy izany, ireo Mediana-sy-Persiana, naka ny fanjakana Jentilisa. Ny tonga manaraka, taorian'ireo Mediana-sy-Persiana, dia inona? Ireo Grika, Alexandre Lehibe, sy ny sisa; ireo Grika no naka ny fanjakana. Avy eo dia inona no naka an'ilay izy avy teo amin'ireo Grika? Ireo Romana. Ary iza no nifehy an'ilay tontolo Jentilisa hatramin'io? Ireo Romana! Ireo Romana, ankehitriny, ny vy io.

¹²² Avy eo dia mariho, misy hatramin'ny farany i Roma, satria nandeha hatrany amin'ny faran'ireo rantsan-tongotra izy. Ary nahita fotaka izy, tanimanga; ary izany dia ny olona, izay nanaovana antsika. Ary ny vy, ny herin'i Roma, dia niditra tao amin'ny tsirairay avy tamin'ireo firenena ireo. Ary Roma no manana ny hery ao amin'ny firenena rehetra eto ambanin'ny Lanitra.

¹²³ Tsy misy olona iray eto amin'izao tontolo izao afaka hampijanona ady iray na hanomboka ady iray, raha tsy... amin'ny filazana teny iray. Ilay papa izany. Ahoana moa raha nilaza izy hoe, "Aoka tsy hisy Katolika iray handray fitaovam-piadiana." Milamina hatreо izany, rahalahy, resaho izay tianareo resahina. Ny ampahany goavana indrindra an'izao tontolo izao, an'ny Kristianisma, dia Katolika. Hitanareo? Eny àry. Avelao izy hilaza teny anankiray, dia izay ilay izy.

¹²⁴ Tahaka ny nolazain'izy ireo eto mihitsy hoe, "Iza..." Hiditra ao amin'izany isika any aoriana. "Iza no mahay miady amin'ny bibidia? Iza no afaka miteny tahaka azy? Iza no afaka manao an'izany? Noho izany, dia ndao isika hanao sary ho an'ny bibidua." Izany ilay fiombonamben'ny fiangonana, "manao sary mitovy aminy." Hitanareo? Mampiombona an'ireo anaram-piangonana miaraka, fa efa vitan'izy ireo izany. Oh, eo amin'ny farany mihitsy isika. Izay ihany no misy amin'io, ry sakaiza. Eto amin'ny farany isika izao. Hitanareo? "Ndao isika hanao sary ho an'ny bibidua," zavatra iray mitovy aminy. Ny sary

iray dia zavatra iray mitovy amin'ny zavatra iray. Hitanareo? Ankehitriny dia eo amin'ny andro farany isika.

¹²⁵ Ankehitriny dia mariho eto, eo amin'ny fiafarany'ty taona ity. Ankehitriny, Daniela, ao amin'ny toko faha-2, ary ny andininy faha-34 sy faha-35—andininy, nandinika an'io sarivongana io tamin'ny fiheverana lehibe izy. Ary nandinika azy izy mandra-piendaky ny Vato iray avy teo amin'ny tendrombohitra, tsy tamin'ny tånama, ary nikodiadie Izany ka namely an'ilay sarivongana teo amin'ny tongotra, ka namotika an'io. Ankehitriny, tsy namely teo amin'ny loha mihitsy Izany, ankehitriny. Namely azy teo amin'ny tongotra; izany dia ny andro farany, ireo rantsan-tongotra folo.

¹²⁶ Efa voamarikareo ve, eto marina tokoa, alohan'ny nivoahan'Atoa. Eisenhower mihitsy, ilay Protestanta farany an'ny... an'i Amerika, tao amin'ilay—tao amin'ilay Filoha, fa misalasala aho fa hisy anankiray hafa. Saingy—saingy rehefa... mba hanehoana fotsiny fa, mba hifohazan'ny olona fotsiny. Rehefa nihaona izy, nisy tany... Ilay favoriana farany izay (izy ireo) nihonanay tamin'i Rosia, dia nisy firenena kominista Tatsinanana dimy voasolo tena, firenena Tandrefana dimy. Atoa. Khrushchev no lohan'ireo firenena Tatsinanana. Atoa. Eisenhower no lohan'ireo firenena Tandrefana. Ary Khrushchev, araka ny azoko sy notenenina, fa amin'ny fiteny Rosiana, *Khrushchev* dia midika hoe “tanimanga.” Ary *Eisenhower* dia midika hoe “vy,” amin’ny teny Anglisy. Io ny vy sy ny tanimanganareo, tsy hifangaro. Ary nanala ny kirarony izy ka nikapoka an'ilay latabatra tamin'izany, sy ny zavatra hafa rehetra. Tsy hifangaro izany.

¹²⁷ Fa tamin'ny andron'ireo fanjakana ireo ilay Vatolampy, Vato izay niendaka avy teo amin'ny tendrombohitra, tsy tamin'ny tånama, no namely an'ilay sarivongana teo amin'ny tongotra. Ankehitriny, “Niendaka avy teo amin'ny tendrombohitra iray.” Tsy maintsy ho tendrombohitra vato iray izany. Nendahina avy teo amin'ny tendrombohitra vato izany. Ankehitriny, efa mba voamarikareo ve?

¹²⁸ Ankehitriny, ry rahalahy mpitoriteny, ary ireo rahalahy sy anabavy, manerana an'izao tontolo izao. Amin'ny fahazoako, ny Baiboly voalohany izay voasoratra, Andriamanitra dia nanoratra azy teny amin'ny lanitra, satria tsy maintsy niandranda izy ireo ka nahita fa misy ny—ny Andriamanitra iray any An-danitra, hoe Andriamanitra dia eo ambonin'izy ireo. Ary raha mahamarika ianareo ao amin'ny zodiaka... Ankehitriny dia aoka ny iray aminareo olona tsy handeha... Mijanona tsara amin'ity Baiboly eto ity ianareo. Hitanareo? Fa, ny—ny zodiaka, ny manomboka voalohany ao amin'ny zodiaka, araka ny azoko, dia ny virijiny; ny farany ao amin'ny isan'ny zodiaka dia Leo ilay Liona. Izany dia ny Fihavian'i Kristy voalohany, amin'ny alàlan'ny virijiny; ny Fihaviana faharoa, dia

ny Lionan'ny fokon'i Joda. Hitanareo? Avy eo isika dia manana an'ilay taonan'ny homamiadana, ary, ihany koa, manerana ny zodiaka.

¹²⁹ Ankehitriny, hitantsika fa nisy anankiray hafa voasoratra, na anankiray hafa napetraka, ary izany dia ireo pyramida. Efa voamarikareo ve ao amin'ireo pyramida, toy ny ahoana no nanombohany, be velarana ny eo ambany, tahaka ny tendrombohitra iray, vita tamin'ny vatomlampy mafy, mandeha miakatra mandra-pahatongany eo amin'ny tampony? Fa tsy nisy sarona iray mihitsy voapetraka teo ambonin'ilay pyramida, ilay pyramida goavana any Egypta any. Alaivo ny... Raha manana ravin-dolara iray ianareo ao anatin'ny paosinareo, dia alaivo ny ravin-dolara iray ka jereo izy. Ary ho hitanareo eto ilay tombokase Amerikana eo amin'ny ilany iray, ary eo amin'ilay ilany hafa izy dia misy, eo ambany, an'ilay pyramida. Ary eo ambonin'ilay pyramida, ilay vatosarona, saingy maso iray goavana be ilay izy. Ary izany dia antsoina, eo ambanin'io pyramida io hoe, "Ny tombokase lehibe." Nahoana no tsy ilay voromahery Amerikana no tombokase lehibe? Izany dia tombokasen'Andriamanitra iray. Tsarovy, isika dia nihira hira kely iray fahiny hoe:

Manerana ny lèlana mankany amin'ilay fonenana
marin'ny fanahy,
Dia misy Maso iray mandinika anao;
Ny dingana tsirairay izay ataonao, dia mihiratra
io Maso lehibe io,
Misy Maso iray mandinika anao.

Marina izany. Tsarovy, isika fahiny dia nanana jobily kely—kely iray, izay nolazaintsika.

Raha mangalatra sy misoloky ary mandainga
ianao, nefo mijoro vavolombelona ao amin'ny
fiangonana dia,
Misy Maso iray mandinika anao.

¹³⁰ Ankehitriny, ilay tombokase lehibe. Ankehitriny, fantatsika, ary tsy azoko ilay izy, ny refin'ilay pyramida. Fa efa niteny taminareo olona aho tamin'ilay farany, tao amin'ny sasany tamin'ireo fampianarana nisy ireo, mba hahitanareo fa mandeha mitohy tsara izy rehetra, miaraka.

¹³¹ Ankehitriny, ny pyramida dia nanomboka, mba hanehoana an'ilay Fianganana, be velarana ny eo ambany. Ary arakaraky ny iakarany akaikikaiky an'ilay tampony, no anombohany miditra kokoa ao amin'ny—ny endrika lantonoara iray.

¹³² Ankehitriny, dia hitantsika, fa tonga eto amin'ilay tendron'ny tampony mihitsy ilay izy, nefo tsy nahatanteraka azy mihitsy izy ireo. Nahoana? Nahoana? Manontany aho hoe nahoana! Satria ny Baiboly no nilaza fa nolavina ilay Vato tendro. Nolavina izy ireo.

¹³³ Diniho ankehitriny, ny taom-piangonana... Henoy tsara ankehitriny. Aza diso an'ity. Ny taom-piangonana dia avy tamin'ny fanombohan'ny fanavaozana, Luther, tamin'ny fotoana izay nametrahana an'ireo vato fototra, dia ny foto-pampianaran'ireo apostoly. Avy eo dia hitantsika, raha nandeha ny fotoana, avy tamin'ny taona anankiray nankao amin'ny iray hafa, dia lasa tao amin'ny havitsiana kokoa hatrany ilay Fiangonana. Hany ka, ilay izy dia lasa tahaka... Luther dia nitory ny fanamarinana. Tamin'izany fotoana izany, dia mba ho fotsiny, ny nilaza ho Kristiana iray, dia novonoin'izy ireo ho faty ianareo, ireo andron'ny fanaovana maritiora, ireo maritiora.

¹³⁴ Ankehitriny dia hitantsika, tamin'ny andron'i Wesley, dia holy-roller iray ianareo raha nilaza an'i Kristy tamin'izany, ilay metodista vaovao. Nivoaka ireo olona teto rehefa tonga teto i Wesley, sy Asbury, nanao fivoriana izy ireo teto Amerika, namaky ny tantaran'izy ireo aho, teo amin'izay nanaovan'izy ireo an'izany tany amin'ireo tranon-tsekoly. Ireo fiangonana teto dia tsy nila azy ireo. Ary farany izy ireo dia tonga teo amin'ny toerana iray hany ka nilatsaka teo amin'izy ireo ny Fanahy Masina, ary lavo tamin'ny gorodona izy ireo, ary nanipy rano teo aminy izy ireo, nikopakopaka azy ireo tamin'ny fikopahana iray, nihevitra fa torana izy ireo. Efa tany amin'ny fivorian'izy ireo mihtisy ny tenako, tao amin'ireo dimampolo taonako. Ary efa nahita azy ireo lavo teo ambanin'ny herin'ny Fanahy Masina tahaka an'izany aho, ary nanipy rano teo amin'ny tavany izy ireo, sy ny sisa, ireo Metodista afaka fahiny, taona maro lasa izay. Fanenjehana iray izany.

¹³⁵ Ankehitriny, avy eo, taorian'ny nandalovan'io taona io, ilay taona Wesleyana, dia tonga ny taona Pentekotista niaraka tamin'ny batisan'ny Fanahy Masina. Hitanareo, eo ampanomezana endrika ianareo, isan'andro. Tsarovy ankehitriny, tsy mbola teo ambonin'izany io Vato tendro io. [Nanoratra zavatra iray teo amin'ny tabilao Rahalahy Branham ka nipaipaika an'izany indroa tamin'ny tsaoka—Mpand.] Nahoana? Nanome endrika an'ilay Fiangonana marina tokoa izy ireo, na ilay pyramida ao amin'ny endrika mba ho antonona an'ilay Vato tendro, saingy tsy tonga mihtisy ilay Vato tendro. Oh, hitanareo izay misy ahy, sa tsy izany!

¹³⁶ Ankehitriny, ilay asam-panompoana nanomboka tamin'i Luther ka hatramin'ny fiafarany'ny Pentekosta, ao amin'io havitsiana kely bitika io eto ambony eto... Izany no antony saiky mahalasa an'ilay Hazavana, ao amin'ity taona ity, eo amin'ilay alimanaka, eo amin'ilay sarisary. Izany no taona pentekotista, ny pentekotista; tsy—tsy ireo anaram-piangonana Pentekotista, satria nanao marina tokoa tahaka an'ny Laodikia izy ireo. Laodikiana izy ireo. Nanao tahaka an'ireo Nikolaita izy ireo, nandrafitra.

Fa ilay Fiagonana marina, nanerana an'izao tontolo rehetra izao, dia naka endrika tao amin'ny toerana iray izay nahatongavan'ny asam-panompoana iray teo Anivony, mitovy marina tokoa amin'ny asam-panompoan'i Jesosy Kristy. Ankehitriny dia inona no ananan'izy ireo? Manana an'ilay zavatra eo amin'ny toerana izy ireo. Ankehitriny dia inona ilay zavatra manaraka? Io Vato nolavina, an'ilay pyramida io, niendaka avy teo amin'ny tendrombohitra (tsy tamin'ny inona?) tsy tamin'ny tànana. Andriamanitra no nandefa an'Izany. Hitanareo ve ilay izy? [Hoy ny fiagonana hoe, "Amena."—Mpand.] Ilay Anankiray nolavina, ilay Vato nolavina, no lohan'Ity; dia ny loha, ilay vatosarona. Ary ilay Anankiray izay nolavin'izy ireo mihitsy, nandrity ny taonan'ny Jentilisa, dia Kristy. Ary tsy nendahina Kristy ka napetraka eto ho vikera iray, na zanak'Andriamanitra, na manan-kaja malaza iray ao amin'ny fiagonana. Izy no Fanahy Masina. Ary ilay saron'ny pyramida dia ho Kristy izay ho avy. Hitanareo ve ilay izy? ["Amena."]

¹³⁷ Ankehitriny, satria maka endrika izy ireo, (Hitanareo ve izay nanaovako endrika an'ity eto ity tahaka ny pyramida, ny fitsanganan'ireo olo-masina?) manao an'ilay fandehanana mankao amin'ny Voninahitra. Azonareo ve ilay izy ankehitriny? [Hoy ny fiagonana hoe, "Amena."—Mpand.] Kristy, ilay Vato tendro, ilay Vato nolavina, ilay Maso mahita ny rehetra, tonga marina tokoa tahaka ny nolazain'ny Baiboly. Ary nilaza i Daniela fa nandinika an'ity taonan'ny Jentilisa ity izy mandrapivoakan'ny Vato iray avy tao amin'ny tendrombohitra, izay tsy nendahan-tànana. Tsy nametraka vatosarona iray teo amin'io pyramida io mihitsy izy ireo. [Mandondòna indroa ny polipitra Rahalahy Branham.] Tsy nendahan'ny tànan'olona Izany. Ny tànan'Andriamanitra no nanendaka an'ilay Vato. Hitanareo ve izany? ["Amena."] Ary inona no nataon'Izany? Izany no namely an'ilay sarivongana ho montsamotsana mihitsy teo amin'ny tongotra, ary nanimba azy ho potipotika, nanorotoro azy ho lasa vovoka. Haleloia! Inona no nitranga tamin'io fotoana io, tamin'ny fihavian'io Vato io? [Mandondòna in-efatra ny polipitra Rahalahy Branham.] Lasa niakatra tao amin'ny Voninahitra ilay Fiagonana, tamin'ny Fampakarana, satria izany no namarana ny fizaram-potoan'ny Jentilisa. Nofaranan'Andriamanitra izany; ny fihavian'io Vato io.

¹³⁸ Nisy olona sasantsasany tonga teto amin'ny fiagonana teto fahiny, lehilahy kely iray sy ny vadiny. Nalain'izy ireo ny Baiboly iray ary napetrany tany ho any Izany; ary nandeha nanohy izy ireo, nihira hoe:

Oh, mitady an'io Vato izay nikodiadia tao
Babylona io aho,
Nikodiadia tao Babylona... (Mandeha
manodidina, mitady an'izany, hitanareo.)

Mitady an'io Vato izay tonga nikodiadia tao
Babylona io.

¹³⁹ Io Izy! Kristy io Vato io. Tsy naterak'olona Izy. Naterak'Andriamanitra Izy. Tonga ho an'ny Fiagonana iray izay efa nateraka indray Izy, tamin'ny Fanahin'Andriamanitra, satria ny herin'io Vato tendro io dia mandeha manerana an'ilay Fiagonana manontolo, tahaka ny andriam-by iray.

¹⁴⁰ Tsaroako aho teto, nandinika an'io milina io tamin'izany fotoana izany, izay nandidian'izy ireo an'ireo zavatra rehetra ireo. Ary nipetraka teo ilay potipoti-javatra rehetra, ka nofafan'izy ireo izany. Nandalo ilay vato goavana ka naka an'izany, io vato andriam-by goavana io, ary naka azy rehetra satria voasinton'izany ilay izy.

Tokony ho voasinton'io Vato tendro io isika. Io Vato tendro io dia ny Fanahy Masina, Kristy. Ary ny tsirairay avy amintsika dia manana an'io fisinton'ny Fanahy Masina io. Rehefa mandòna an'ilay sarivongana io Vato io, dia handositra hankeny Aminy ilay Fiagonana, hiverina any amin'ny Voninahitra. Ho entina miakatra Izy, amin'ny Fampakarana an'ireo olo-masina, rehefa mandeha Izy amin'io andro io.

¹⁴¹ Ankehitriny, jereo eto. Mahita isika, fa efa niverina ireo Jiosy ankehitriny, nandrity ny teo amin'ny efapolo taona teo izao, saiky ilay fotoana iray ihany izay nilain'izy ireo handehanana hatramin'ny fandravàna ny tempoly. Nila teo amin'ny efapolo taona teo izany ho azy ireo mba hiverenana, mandra-panangan'izy ireo indray tempoly hafa iray. Hitanareo, eo amin'ny faran'ny lâlana mihitsy isika. Eny, raha ny Jentilisa...

¹⁴² Ankehitriny dia ndao alaintsika ny... Hitantsika ny Fiagonana, ny fihavian'ilay Vato. Ndao alaintsika ilay taona farany. Efa nianarantsika izany. Mahita isika ankehitriny. Mino aho fa manana soratra iray aho eto eo amin'izany. Ndao jerentsika, iray minitra fotsiny. "Ary ilay andriana izay ho avy, izany hoe ilay antikristy, dia hanao fanekena iray amin'ireo Jiosy." Ary ao amin'ny Daniela 7...na-na 9:27. "Ary eo afovoan'ny herinandro, telo taona sy tapany, ilay bibidia dia hanao ny fanekeny..." Izaho-te-ho tonga eo amin'io anankiray io aho, any aoriana kely, io fanekena io. Tiantsika ny hamela... Te-hanomboka eto mihitsy aho ankehitriny.

¹⁴³ Ny tsirairay avy amin'ireto taonan'ny Jentilisa ireto dia tsy azo lavina fa voaporofon'ny irany, ny hafatra, sy izay hitranga.

Ity taona *eto* ity dia taona be voninahitra iray.

Ilay taona manaraka, dia voalaza fa hisy foto-pampianarana iray antsoina hoe, na zavatra ho tonga, antsoina hoe, "ireo—ireo tenin'ny Nikolaita."

Avy eo ilay izy dia lasa, ilay zavatra manaraka, ho foto-pampianarana iray.

Avy eo ilay izy dia lasa, fanambadian'ny... tamin'ny fianganana Nikolaita, ary fanenjehana an'ireo olo-masina. Ny zavatra rehetra dia nitranga tahaka an'izany mihitsy.

Tonga eo amin'ilay anankiray manaraka isika, dia nanomboka ny Hazavana bitika kely iray. "Manana hery kely ianao, ary ianao dia manana anarana ny ho velona, nefo maty ianao. Aoreno izay efa anananao, fandrao avy Aho, ka hamindra ny fanaovan-jiro."

¹⁴⁴ Tonga i Wesley taty aoriana, taorian'izany, niaraka tamin'ny taonany. Hitantsika marina tokoa izay... Ny taonan'i Wesley, inona no niantsoana azy? Filadelfiana. Ilay taona malaza indrindra—taonan'ny fitiavana izay hany nananantsika, ny taona Filadelfiana, dia tamin'ny andron'i John Wesley mihitsy.

Rehefa nivoaka izy, dia niditra ny Pentekosta, ary matimaty io.

Avy eo dia niverina isika ka nahita hoe karazana Hafatra inona no ho tonga amin'ireo Pentekotista, amin'ny farany.

Tsarovy, ny tsirairay avy dia tonga teo amin'ny faran'ilay taona. Tonga teo amin'ny farany i Masindahy Paoly. Ny sisa tamin'izy ireo dia tonga teo amin'ny farany, Masindahy Irenée sy ny sisa rehetra amin'izy ireo. Ilay taona hafa anankiray dia nitohy nankao amin'ilay anankiray hafa, nifanakona, ary nalainy izany ka nanohy teo amin'ilay taona manaraka niaraka tamin'izany. Hitanareo?

¹⁴⁵ Ankehitriny, hitantsika, ao amin'ity taona ity, fa misy kintana iray, tahaka ny ananantsika eo. Manana kintana iray isika, iraka. Manana olona iray isika, ny—ny Hafatra iray izay mivoaka ho an'io taona io; vahoaka iray handà an'Izany; vahoaka iray handray an'Izany. Ary ilay irak'ity taona ity dia tsy maintsy tonga amin'ny herin'i Elias. Marina izany. Ary izy dia tsy maintsy "Hamerina ny Finoan'ireo zanaka ho amin'ireo ray, hitondra an'ilay sisa nanamborana pentekotista, izay tavela, hiverina amin'ilay Finoana apostolika marina."

¹⁴⁶ Ankehitriny, ilay Finoana apostolika marina, raha hamaky an'Izany ianareo ao amin'ny Bokin'ny Asa, dia hahita ianareo fa tsy nisy mihitsy fotoana iray izay hany nanaovana batisa olona iray hoe, "ny anaran'ny 'Ray, Zanaka, Fanahy Masina.'" Tsy nisy mihitsy anankiray tamin'izy ireo mbanofafazana. Tsy nisy anankiray tamin'io karazan-javatra izay ananantsika mitohy amin'izao andro izao io, antsoina hoe Pentekosta, mba hany nitranga tany aoriana tany. Nanana an'ireo fanehoana marina izy ireo, ary ny Fanahin'Andriamanitra teo anivon'izy ireo, izany no Zanak'Andriamanitra tsy azo lavina niasa niaraka tamin'izy ireo.

Io olona izay tsy maintsy ho tonga io, io Hafatra io, raha ny marina, izay tsy maintsy ho tonga io, dia tsy maintsy hitovy amin'i Elia. Tsy maintsy tonga intelo Elia.

Ankehitriny dia hoy ianareo, hoe, "Jaona Mpanao-batisa io zalahy io." Raha mahamarika ianareo, dia Jesosy no nilaza fa Jaona Mpanao-batisa dia irak'i Malakia 3, fa tsy Malakia 4. "Indro, Aho maniraka ny Irako eo anoloan'ny Tavako." Mihevitra aho fa Matio 11:6, any ho any no hahitanareo an'izany, Matio ny toko faha-11.

¹⁴⁷ Ankehitriny, fa ao amin'ity andro farany ity, dia tsy maintsy ho tonga eo anivon'ny olona ny Fanahin'i Elia iray, ary izy dia tsy maintsy hanao an'ilay zavatra iray ihany izay nataon'izy ireo tany aorianana tany. Ho ilay zavatra iray ihany ny natiorany, ny natioran'ilay Fianganana. Ny natioran'ilay-ilay olona dia ho ilay zavatra iray ihany marina tokoa. Ary io Hafatra hivoaka io, miezaka... Ho hankahalaina izy, eo amin'ny olona. Hankahala vehivavy izy, ireo adaladala, na ahoana na ahoana, ireo ratsy. Tia ny an-efitra; zalahy miovaova, tezitra foana, tahaka an'i Elia, sy tahaka an'i Jaona. Ary efa hitantsika io zavatra rehetra io fa niseho. Raha nahazo an'ilay Hafatra isika, dia hitantsika i Kristy nolavina. Tsy maintsy mikambana amin'ny iray amin'ireo rafipandaminana ireo ianareo raha tsy izany dia tsy afaka miditra ao anatin'izy ireo. Noho izany, Izzy, natsipy tany ivelany Izzy. Hitanareo? Tsy afaka miasa eo anivon'izy ireo Kristy.

"Inona ianao?"

"Kristiana iray."

"Inona ny anaram-piangonana ikambananao?"

"Tsy mikambana amin'ny anankiray aho."

"Tsy afaka mampiasa anao izahay."

¹⁴⁸ Hitanareo, nolavina Izzy. Marina! Hitanareo, nolavina! Toy izany koa no nandàvana an'i Elia, toy izany koa no nandàvana an'i Jaona. Fa, inona, nandratra azy ireo ve izany? Nandratra ny hafatr'izy ireo ve izany? Hoy izy ireo hoe, "Oh, ianareo mafy hatoka." Nararany teo amin'izy ireo izany. Tsy nisintona totohondry mihitsy izy ireo. Nandroso avy hatrany izy ireo. Ary hanohy mihitsy ny Hafatr'Andriamanitra, tsy mampaninona izay nolazain'ny olona, hitanareo, hatramin'ny fahafonganana, ary rehefa ny...izay efa voatendry dia hirotsaka. Ary eo amin'ny farany isika izao.

¹⁴⁹ Ankehitriny, dia mahita ny tenantsika isika ankehitriny, tao anatin'ny efapolo taonan'ny fiverenana, hatramin'ny Ady Lehibe Voalohany, ary niverina nankao an-tanindrazany manokana ireo Jiosy. Tsy nifanaraka tamin'ny Isiraely mihitsy Andriamanitra raha tsy tao amin'ny taniny manokana izy.

¹⁵⁰ Ankehitriny, tsaroanareo rehefa niverina ireo Jiosy, ireo Jiosy avy tany amin'ireo firenena hafa, ka ny *Look* magazina

no nanome an'ilay lahatsoratra an'izany. Namaky tapany iray avy tamin'ny gazety anankiray aho, gazety ara-pivavahana anankiray, hoe rehefa izy ireo . . . Nidina ireo fiaramanidina mba haka an'ireo Jiosy ireo tany Iran tany. Ary tsy fantatro hoe taiza izy rehetra ireo, niparitaka fotsiny.

Ankehitriny, izy ireo no tena Jiosy marina, ireo izay tsy nanana fanararaotra iray mihitsy. Ankehitriny, rahalahy, io ireo efatra arivo amby efatra alina amby iray hetsinareo. Rehefa tonga ao amin'ny Apokalypsy 11 isika, dia ho hitanareo izy ireo. Hoy Izy hoe, "Misy foko roa ambin'ny folo (an'i Gada), foko roa ambin'ny folo (an'i Asera), foko roa ambin'ny folo (an'i Robena), foko roa ambin'ny folo . . ." Ary taiza izy rehetra ireo no nitsangana? Teo amin'ny Tendrombohitra Sinay. Jiosy, miverina ao an-tanindrazany, ireo izy ireo. Ireo no anankiray izay tsy an'io andiana mpisolokin'ny Wall Street io. Tsia, tompoko. Izany no tena Jiosy.

¹⁵¹ Ary rehefa nitsangana tany ity raby antitra ity dia nahita an'io fiaramanidina io nipetraka, ireo Jiosy ireo. Namaky an'izany tao amin'ilay magazina ianareo. Mbola niasa tany tamin'ireo angadin'omby vita tamin'ny hazo foana izy ireo. Ary rehefa nahita an'io zavatra io nipetraka tany izy ireo, dia tsy nanatona akaiky an'izany. Nitsangana teo io raby antitra io ka nanao hoe, "Tsarovy, ny mpaminanintsika dia nanao hoe, 'Rehefa miverina any an-tanindrazantsika isika, dia ho entina eo ambonin'ny elatry ny voromahery iray.'"

Rava ireo firenena, mifoha Isiraelly,
Ireo famantarana izay notenenin'ireo mpaminany
mialoha.

Vonona mihitsy aza isika ny ho tonga eo amin'io fahafito herinandron'izy ireo io.

¹⁵² Heveriko, fa ny tenako, dia nitsangana tany, rehefa nandefa an'ireo Testamenta kely ireo ho azy ireo Rahalahy Pethrus, ary namaky azy ireo izy ireo. Hoy izy ireo hoe, "Eny, raha izany no Mesia, dia avelao izahay—avelao izahay hahita Azy manao ny famantaran'ny Mpaminany; raha tsy maty Izy, velona Izy." Hoy izy ireo hoe, "Nitsangana indray Izy; velona ao amin'Ny Fiagonany Izy; avelao izahay hahita Azy manao ny famantaran'ny Mpaminany, dia hino Azy izahay." Ireo Jiosy dia mino foana . . . Fantatr'izy ireo fa ho Mpaminany ny Mesia.

¹⁵³ Ary rehefa nijoro tany amin-dry Rahalahy Arganbright aho tamin'io andro io, tany amin'ilay toerana, ary nitsangana teo ireo Jiosy ireo, nanao hoe, "Tongava aty amin'ny toeranay, ny vahoakanay."

¹⁵⁴ Hoy aho hoe, "Azo antoka, ho faly aho ny ho tonga." Naka fanapahan-kevitra fotsiny, haingana loatra.

¹⁵⁵ Tonga tao Caire aho, Egypta. Indray hariva, rehefa nahita an'io fiaramanidina io nidina tany Caire aho, dia nampahatsiahy

ahy izany. Noho izany rehefa tonga tany izahay, ary nanana ny tapakilako handeha ho any Israely aho, dia saika hitsena ahy izy ireo. Hoy aho hoe, "Mandehana, manangona an'arivony vitsy amin'ireo mpitarika. Ento eo amin'ilay fiaramanidina any ho any izy ireo, ho hitantsika raha mbola Mpaminany iray foana Izy na tsia. Amena. Eny, ndao jerentsika izay Hataony." Oh, teo an-tànan'izy ireo fotsiny mihitsy izany. Izany no nilain'izy ireo. Raha afaka mahita an'izany izy ireo, dia hino an'izany.

¹⁵⁶ Noho izany dia inona no nataoko? Tonga tao Caire aho, ary nanomboka handeha teo. Efa nanana ny tapakilako aho; teo amin'ny roapolo minitra talohan'ny fotoan'ny antso. Nisy Zavatra nanao hoe, "Tsy izao. Ny kapoaky ny heloka, an'ireo Jentilisa, dia mbola tsy feno. Tsy mbola tanteraka ireo Amorita. Mialà eo!" Nihevitra aho fa izaho fotsiny angamba no nieritreritra an'izany, ka nandeha tao ambadik'ilay tranoheva aho ary nivavaka. Hoy Izy, "Mialà eo ankehitriny." Noho izany dia nalaiko ny tapakilako ary nandeha tany an-kafa tany ho any aho. Tsy nandeha aho, satria mbola tsy tonga ilay ora.

¹⁵⁷ Ankehitriny, amin'ny fotoana inona Andriamanitra no hamela an'ireo Jiosy ireo, hanomboka hifampiraharaha amin'izy ireo indray, tsy afaka miteny aminareo aho. Tsy fantatro. Tsy misy olona mahafantatra an'izany. Fa, henoy, raha efa ao an-tanindrazany Israely, dia efa vonona ny rehetra. Efa noraofina ireo vato rehetra, sy ny fanondrahana, ireo rano, ary ny zavatra rehetra izay nampantanenain'Andriamanitra. Nahita fantsakana sy ny sisa izy ireo tany, ary ony goavana be misokatra, ka izany no toerana tsara tarehy indrindra izay hany hitanareo. Manana tanàna iray voaorina izy ireo any. Manana fanondrahana izy ireo. Manana ny tany tsara indrindra izay misy eto amin'izao tontolo izao izy ireo, any. Ary hitantsika, ao amin'ilay Ranomasina Maty mihitsy, dia misy akora simika betsaka, ampy, hividianana an'izao tontolo rehetra izao. Hitanareo?

¹⁵⁸ Ny zavatra rehetra dia eo an-tànan'izy ireo. Ahoana no nanaovan'izy ireo an'izany? Satria nohamafisina ny fon'i Hitler, nohamafisina ny fon'i Mussolini, tahaka ny nanamafisana ny fon'i Farao mihitsy, ka nandroaka azy ireo hiverina ao amin'io tany io. Ary nandritry ny efapolo taona izao no efa niverenan'izy ireo tao amin'io tany io. Ankehitriny dia tafapetraka ao izy ireo, miandry.

¹⁵⁹ Ao amin'ilay Laodikiana ilay Fiagonana Jentilisa, ny fiafaran'ilay Taona Laodikiana. Raha...Ao an-tanindrazany ireo Jiosy, efa ao. Ary efa niseho ny fihemoran'ny Jentilisa. Ary isika dia manana Filoha iray tahaka an'izay ananantsika. Manana firenena iray potika tahaka ny ananantsika isika. Manana an'ireo baomba atomika isika mihantona ao amin'ireo tranoheva. Manana fiagonana iray izay matimaty isika. Manana Fiagonana iray isika, vahoaka iray, izay

manakambana ny tenany. Manana asam-panompoana iray izay mitovy amin'ny asam-panompoan'i Jesosy Kristy isika, mba hahatakatra an'ilay Vato rehefa tonga Izzy. Inona sisa no hitranga? Mety amin'ny minitra rehetra izany. Tsy misy na inona na inona hafa tavela. Eo amin'ny andro farany isika. Oh, voninahitra! Tsy fantattro na afaka ho tonga ao amin'io jobily io aho, na tsia, fa izaho fotsiny dia te-te-hitondra ny ampahan'izany aminareo, na ahoana na ahoana.

¹⁶⁰ Henoy. Efa... Firy no afaka mahita ankehitriny? Hitanareo ve fa ny Soratra dia manaporofo fa ireo fitopolo herinandro dia sivy amby efapolo taona? [Hoy ny fiangonana hoe, "Amena."—Mpand.] Hitanareo ve fa ireo roa amby enimpolo herinandro dia efatra amby telopolo sy efajato taona? ["Amena."] Hitanareo ve ireo—ireo sivy amby enimpolo herinandro arak'izany dia—dia—dia... Inona ilay izy? Valonjato amby... Efajato sy—sy telo amby valopolo taona. Telo amby valopolo sy efajato taona hatramin'izao fotoana izao. Hitanareo ve hoe taiza no novonoina ny Andriana? Hitanareo, mila efapolo taona ianareo hahatongavan'ireo Jiosy ireo ao amin'ny toerany amin'ny farany, izay nolazain'Andriamanitra.

¹⁶¹ Jereo eto hoe taiza no nandalovan'ilay taonan'ny Jentilisa an'ireo zavatra rehetra izay nolazaintsika fa handalovany; taiza, tsy hoe *isika* no nilaza an'izay handalovany; izay nolazain'ny Baiboly fa handalovany. Izay nolazain'ny Baiboly fa handalovany, dia tonga mihitsy hatreto amin'ity taona farany ity; ary nandrity ny efapolo taona no efa niverenan'ireo Jiosy ireo ao, vonona mba hanaovan'Andriamanitra marina tokoa an'izay Nataony teto. Tahaka an'izany no nivoahan'izy ireo, ary tahaka an'izany no nidiran'izy ireo. Ary ao amin'ny tanindrazany indray ny Isiraely.

¹⁶² Ankehitriny, rahoviana no hanombohan'Andriamanitra ny herinandron'izy ireo farany? Rahoviana? Mety androany izany. Mety alohan'ny hilentehan'ny masoandro rahariva izany. Andriamanitra no hanambara an'izany. Rahoviana izany, tsy fantattro. Manontany aho. Fa hitondra zavatra iray aho eto, ankehitriny, ao anatin'ny minitra vitsy, ary tsy fantattro na hino an'izany ianareo na tsia. Fa izaho—izaho—tsy maintsy lazaiko ilay izy, na ahoana na ahoana, mino aho.

¹⁶³ Ao an-tanindrazana isika. Ireo Jiosy dia ao amin'ny tanindrazana iray. Isika dia eo amin'ny fiafarlan'ilay taona, vonona ho amin'ny Fampakarana. Tonga ny Fampakarana, miakatra ilay Fiangonana, akarina isika hitsena Azy eny amin'ny habakabaka. Fantatsika rehetra izany. Niendaka avy teo an-tendrombohitra ilay Vato, vonona ny ho tonga amin'ny fotoana rehetra. Ary rehefa tonga Izzy, dia inona no Ataony? Mamarana ny taonan'ny Jentilisa Izzy. Tapitra ny rehetra, ary mitsahatra tsy mifanaraka amin'izy ireo tanteraka Andriamanitra. "Aoka izay maloto mbola hiha-maloto; aoka

izay masina mbola hiha-masina.” Hitanareo? Inona no Ataony amin’io fotoana io? Maka Ny Fiangonany Izy, ilay feno ny Fanahy Masina.

¹⁶⁴ Iza ilay “maloto”? Izany dia ilay virijiny natory sy ireo izay tonga ho an’ny fitsarana, lavitra *eto*. Hametraka an’izany eo amin’ny sary hafa iray isika, rehefa manohy eo amin’ity anankiray ity, rehefa tonga eo amin’ilay Seza Fotsin’ny Fitsarana izy ka tsy maintsy hotsarain’ilay navotana. Niteny tamintsika i Paoly mba tsy hitondra raharaha eo amin’ny fitsarana, satria ireo olo-masina dia hitsara ny tany. Marina izany. Eo amin’ny andro farany isika, *eto*, ankehitriny. [Manondro mankany amin’ny sariny eo amin’ny tabilao Rahalahy Branham—Mpand.] Eny àry.

¹⁶⁵ Ary eo afovoan’ity herinandro ity... Ankehitriny, ity ilay fitopolo. Ankehitriny, raha fito taona marina tokoa ireto, ny tsirairay avy amin’ireo herinandro, ary efa nanana sivy amby enimpolo herinandro isika; avy eo dia manana an’ilay taonan’ny Jentilisa isika, ary fantatsika fa eo amin’ny fiafaran’ny taonan’ny Jentilisa isika; noho izany dia mbola misy herinandro iray tavela ho an’ny Jiosy. Marina ve izany? [Hoy ny fiangonana hoe, “Amena.”—Mpand.] Ary izany dia fito taona marina tokoa. Raha *ity* no efa fito taona, *itsy* dia fito taona, satria hoy Izy hoe, “Misy fitopolo herinandro voatendry ho an’ny vahoakanao.” Noho izany dia fantatsika fa manana fito taona isika ho an’ireo Jiosy. Marina ve izany? [“Amena.”] Jereo ilay izy ankehitriny. Raha misy fanontaniana iray, dia tiako ho fantatra izany. Hitanareo?

¹⁶⁶ Ankehitriny, ary eo afovoan’ny herinandro, ny afovoan’ity herinandron’ny Jiosy ity; hitanareo, izany dia telo taona sy tapany—taona; ilay antikristy, ilay andriana, andriana iray izay ho avy. Ary tsarovy, tonga avy ao Roma izy, ilay andriana izay ho avy. Inona izy? Papa iray. Andriana iray eo anivon’ny olona, izay ho avy, hisy Farao iray hitsangana izay tsy mahafantatra an’i Josefa.

¹⁶⁷ Ankehitriny, hoy ianareo Protestanta hoe, “Eny, ankehitriny, izay ilay izy.” Fa iray minitra fotsiny. Hitantsika fa ireo Protestanta dia manana rafi-pandaminana iray, manao fiombonamben’ny fiangonana, sary iray ho an’ny bibidia, ary mandeha miaraka amin’izy ireo mihitsy.

¹⁶⁸ Ary hitantsika eto fa ireo Jiosy dia antsoina hiditra ao amin’io fiombonambe io, (eny, tompoko), ary manaiky izy ireo. Ary ny Baiboly no nilaza fa nanaiky izy ireo. Ary manao fanekena iray amin’izy ireo izy.

Eo afovoan’ny faha-fitopolo herinandro, dia tapahiny, manapaka ny fanekeny amin’ny Jiosy ilay antikristy, “ny vahoakanao.” Nahoana?

Ary mamaky ao amin’ny Apokalypsy 11 isika, hoe, “Izaho haniraka...” Ny 11 izany. Mandroso mankeo amin’ny 19

ianareo ankehitriny. Fa Izy haniraka an'ireo Mpaminaniny anankiroa, ary haminany izy ireo amin'io fotoana io, ary amin'izay fotoana izay dia ho tezitra amin'ireo mpaminaniny ireo izy ireo ka hamono azy ireo tokoa. Marina ve izany? [Hoy ny fiangonana hoe, "Amena."—Mpand.] Ary ny fatin'izy ireo dia hiampatra eo amin'ny lalambe antsoina ara-panahy hoe Sodoma sy Gomora, izay nanohomboana ny Tompontsika, Jerosalema. Marina ve izany? ["Amena."] Ary miampatra eo mandritry ny telo andro sy alina izy ireo. Ary afaka telo andro sy alina, dia hiditra ao anatin'izy ireo ny fanahin'ny fiaianana, ka hitsangana izy ireo ary hiditra ao amin'ny Voninahitra. Mianjera ny ampahafolon'ilay tanàna amin'io fotoana io. Marina ve izany? ["Amena."] Hitanareo? Inona izany? Eo afovoan'io fitopolo taona farany io.

¹⁶⁹ Rehefa miakatra ilay Fiangonana; amin'izay fotoana izay ilay fiombonambe, ilay virijiny matory, Metodista, Batista, Presbyterana, ary ny Pentekosta matimaty, izy rehetra ireo miaraka amin'ny fiombonambe iray. Sady, efa manana ny firafiny goavana izy ireo ankehitriny. Ary rehefa manao izy ireo, dia hanao fanekena iray. Ary, eny, ankehitriny, io papa vaovao izay ananantsika ankehitriny io dia te-hampiditra azy rehetra ireo ao. Tsy afaka mahita an'ilay zavatra maka endrika ve ianareo? [Hoy ny fiangonana hoe, "Amena."—Mpand.] Hanao kabary eo amin'izany izy, ary hampiditra azy rehetra ireo ao, fotoana voalohany hatramin'ny an-jatony sy an-jatony ary an-jatony taona; arivo taona, na roa, hany nisian'izany. Fa ankehitriny dia tsy maintsy hampiditra azy rehetra ireo ao izy, miaraka, ary hanao fiombonambe iray, ka hanaiky an'izany ireo Jiosy any. Oh, oadray! Voninahitra! Haleloia! Ny dera anie ho an'Andriamanitsika Izay velona mandrakizay sy mandrakizay! Eo ianareo izao! Ankehitriny, rahalahy, tena tsotra ilay izy, tena tsotra ka ny ankizy kely iray dia afaka hahita azy. Ilay fiombonambe hitondrana ny Jiosy, sy Protestanta, ary Katolika, hiaraka.

Ary, tsarovy, inona no hataon'ireto mpaminany anankiroa ireto rehefa tonga izy ireo?

¹⁷⁰ Ity bibidia ity, ity andriana izay hanaparitaka ny herin'ilay vahoaka masina ity, inona no hataony? Hanapaka ny fanekeny amin'izy ireo izy. Aorian'ny telo taona sy tapany, dia handroaka azy ireo izy. Ankehitriny, ny olona dia mihevitra fa ny kominisma izany. Izany fotsiny dia satria ianareo... Tsy mbola nifanaraka taminareo ny Fanahin'Andriamanitra. Tsy ny kominisma izany; fivavahana izany. Hoy ny Baiboly hoe, "Tena hifanakaiky izany hany ka hamitaka an'ilay tena Voafidy izy raha azo atao." Jesosy no niteny an'izany. Hitanareo, ao amin'ilay farany isika.

¹⁷¹ Ankehitriny, ireto mpaminany anankiroa ireto, inona no hataon'izy ireo? Izany dia Mosesy sy Elia izay hiditra an-tsehatra. Hotenenin'izy ireo amin'ireo Jiosy ireo ny

fahadisoan'izy ireo. Ary avy ao amin'io andiana Jiosy izay any ankehitriny io, mba hanao an'ilay efatra arivo amby efatra alina amby iray hetsy, no hiantsoan'Andriamanitra amin'ny alàlan'ireto mpaminany ireto. Inona izany? Ny Fanahin'i Elia, niala avy tamin'ity Fiagonana Jentilisa ity, dia hanohy avy hatrany mihitsy mankao amin'io fiagonana Jiosy io, hanohy avy hatrany ka hiantso; hiaraka aminy i Mosesy. Haleloia! Hitanareeo ve ilay izy? [Hoy ny fiagonana hoe, "Amena."—Mpand.] Ary hitory an'ilay hafatry ny pentekosta iray ihany izy, amin'ireo Jiosy ireo, hoe nandà ny Mesia izy ireo. [Mandondòna inenina ny polipitra Rahalahy Branham.] Amen! Hitanareeo ve ilay izy? ["Amena."] Ho ilay hafatra pentekotista iray ihany izany, izay hotorian'ireto Jiosy ireto mihitsy amin'izy ireo. Ary hankahala mafy an'ireo Jiosy ireo izy ireo hany ka hovonoiny izy ireo. Ary efa halan'ny firenena rehetra izy ireo. Ary eo afovoan'ny herinandro, satria izy ireo dia nanangana efatra arivo amby efatra alina amby iray hetsy lehibe iray, mahery. Nanana ny Fanahy Masina izy ireo. Ary, rahalahy, miresaka ny amin'ny fanaovana fahagagana ianareo, nanao an'ireo izy ireo. "Nampijanona ny lanitra izy ireo, ka tsy nanorana tamin'ny andron'ny faminanian'izy ireo; namely ny tany tamin'ny loza, matetika arak'izay tian'izy ireo." Nandefa loza sy ny zavatra hafa rehetra izy ireo. Hanome lâlan-tsarotra iray handehanana ho an'ireo Romana ireo izy ireo. Fa, farany, dia hovonoina izy ireo. Ny Andriamanitsika dia Andriamanitra mahatahotra iray rehefa tezitra Izy. Fa tsarovy, izany dia mandritr'ilay faha-fitopolo herinandro, ka ilay Fiagonana dia any amin'ny Voninahitra, (amena), mandeha ilay Sakafo harivan'ny Mpanambady. Eny!

¹⁷² Mariho ankehitriny. Eo no nahitantsika Azy miverina ao amin'ilay Tempolin'ny Arivo taona eto amin'ny fiafaran'ilay taonan'ny Jiosy, "ilay voahosotra." Indro tonga Izy, mitaingina eo ambonin'ny soavalys fotsy iray; ireo izay manaraka Azy, dia eo ambonin'ny soavalys fotsy. *Soavalys*, "hery." Miakanjo fotsy; rà...na fitafiana nalôna tao anatin'ny rà; voasoratra eo Aminy hoe, "Ny Tenin'Andriamanitra." Tonga toy ny Mpandresy mahery Izy, (eny, tompoko) mba hametraka ny Arivo taona, miditra ao an-Tempoly. Voninahitra! Eo no Ihaonany amin'io efatra arivo amby efatra alina amby iray hetsy io, ankehitriny, aorian'io faha-fitopolo herinandro eto io.

¹⁷³ Ilay faha-fitopolo herinandro, ity dia miseho mandritr'ilay faha-fitopolo herinandro. Mandritr'ilay telo, eo afovoan'izany, dia tapahiny ilay izy, satria vonoiny ireo mpaminany pentekotista anankiroa ireo (...tompoko) izay mamely ny tany.

Ary, ry tovolahy, manozona an'io fiagonana io Izy, ary mandoro azy amin'ny afo Izy. Ary, nahoana, izy... Hitantsika eo, na dia ireo tantsambo aza dia nitsangana tany ivelany, nanao hoe, "Indrisy, indrisy ilay tanàna tsy mety maty an'i

Roma, tonga teo amin'ny fiafarany tao anatin'ny ora iray izy." Nipoaka potipotika izy. Fantatr'Andriamanitra hoe ahoana no hanaovana zavatra. Dia njery ny iray tamin'ny Anjely, ka nanao hoe, "Nahoana, hita tao aminy ny ràn'ny maritioran'i Kristy rehetra," nohon'ny famitahany, nandeha teo ka nandrafitra, ary nanao an'io karazan-javatra hafa rehetra io, sy nandoto ny fiangonana, ary nampiditra an'ireo zavatra ireo tao anatiny, ka nanao maritiora an'ireo izay niezaka nanohana an'Izany mihitsy ary niezaka namoaka azy ireo.

¹⁷⁴ Voninahitra! Oh, izaho—tsy fantattro. Izaho—izaho—mahatsapa toy ny mandeha aho. Hitanareo? Tsy faly ve ianareo nohon'ny Hazavan'ny Zanaka, mandeha ao amin'ny Hazavan'ny Zanaka! Aiza no misy antsika, rahalahy? Eo amin'ilay ora farany! Izany dia mety hitranga, amin'ny fotoana rehetra. Eto isika!

¹⁷⁵ Ny—ny Hafatra dia efa nivoaka ho an'ilay fiangonana farany, fiangonana izay nandà ny Kristiny. Ireo Jiosy dia ao antanindrazany nandrity ny elanelam-potoana, efapolo taona. Efa voaorina ilay tanàna vaovao. Miandry inona izy ireo? Mesia iray ho avy. Rahoviana izany? Tsy fantattro. Rehefa mameley an'ilay sarivongana *eto* io Vato io, dia lasa Izzy; tapitra ny rehetra amin'izay fotoana izay.

¹⁷⁶ Mariho eto ankehitriny. Eo afovoan'ilay herinandro, telo andro sy tapany... telo taona sy tapany, raha ny marina, dia manapaka an'ilay faneke na izy ary mampitsahatra ny fanatitra sy ny fanatitra alatsa-drà... izay efa hapetrak'izy ireo.

Satria, hiverina mihitsy izy ireo ka hanao hoe, "Ankehitriny, jereo, ianareo rehetra no fiangonana. Afaka ny ho raisina ao anatin'ity sary ho an'ny bibidia ity ianareo. Hanana fiombonana isika. Ho afaka amin'ny kominisma isika. Hofafantsika hiala tanteraka mihitsy ny kominisma." Hitanareo? Ary afaka manao an'izany izy ireo. Hitanareo? Ary hataon'izy ireo izany.

¹⁷⁷ Fa diniho ankehitriny. Ary mametraka, ary mametraka an'ity, hiverina ao amin'ny tanàna indray ny fanompoana sy ny fanatitra rehefa voaorina indray ny tempoly. Ary ity andriana izay ho avy eo afovoan'ity herinandro ity, dia hanapaka ny fanekeny ka hampitsahatra an'ireo fanatitra. Izao no voalaza hoe, "Izy dia hanapaka, hanapaka an'izany." Ary izany no hataony, ka haharitra hatramin'ny fahafonganana izany.

¹⁷⁸ Ary mariho:

...ny faratampon'ny fahavetavetana mba hanao
fandravàna...

"Ny faratampon'ny fahavetavetana." Inona ny fahavetavetana? "Fahalotoana." Hitanareo? "Mba hanao fandravàna," inona izany? "Hanafoana." Ilay faratampon'ity, mba hanafana an'itsy. Hitanareo? Ny faratampon'io hery Romana io, mba hambabo an'ilay virijiny natory rehetra, Jiosy

sy ny rehetra. “Ho Romana isika rehetra na ho tsinontsinona.” Hanapaka ny fanekeny izy eo afovoan’ilay herinandro.

¹⁷⁹ “Faratampon’ny fahavetavetana.” Raha fahavetavetana ilay izy tamin’ny andron’i Jesosy, rehefa tonga tany i Roma niaraka tamin’ny fampielezan-keviny; dia ho Roma indray izany, ho fahavetavetana indray izany ho an’ilay fiangonana.

...mba hanao *fandravàna*, ary hitohy hatramin’ny *fahafonganana*...

Inona no hataony? Hanohy an’izany hatramin’ny fahafonganana izy, izany hoe, ny fiafarana.

¹⁸⁰ Ankehitriny, Jiosy, sy ny Romanisma, ny Protestantisma (izany hoe, ilay virijiny natory), dia hampitambatra ny tenany miaraka ao amin’ny endrika federasion’ny fiangonana. Ary izany dia ho tahaka ny nolazain’i Jesosy ao amin’ny Matio 24, ary ao amin’ny Apokalypsy 13:14.

Ndao alaintsika ny Apokalypsy 13:14, hahita hoe inona. Voaraiko naoty eto izany, mba hahita hoe inona, 13:14. Eny àry, tompoko.

Ary namitaka an’ireo izay monina ambonin’ny tany amin’ny alàlan’ireo fahagagana izay nananany hery hanaovana (mampitambatra an’ireo fiangonana ireo) *eo imason’ny... milaza... eo imason’ny bibidia; milaza amin’ireo izay monina ambonin’ny tany, mba hanaovan’izy ireo sary ho an’ny bibidia, izay nanana ny ratra nahafaty voan’ny sabatra, nefä velona.*

¹⁸¹ Ankehitriny, fantatsika, any ankoatry ny aloky ny fisalasalana iray, hoe iza io bibidia io, io hery izay tratry ny ratra nahafaty fa velona io. Izany dia rehefa novonoina i Roma mpanompo sampy, ka i Roma papaly no naka ny toerany; rehefa novonoina ny hery mpanompo sampy, ka ny hery papaly no naka ny toerany.

¹⁸² Ankehitriny, ankehitriny, Apokalypsy 13:14. Jesosy, ao amin’ny Matio 24, dia nampitandrina azy ireo ny amin’izany. “Sary iray ho an’ny bibidia.”

¹⁸³ Paoly, ao amin’ny Tesaloniana Faharoa ny toko faha-2, andininy faha-3 sy faha-4. Ndao alaintsika izany, hahita an’i Paoly, izay lazainy eto mikasika an’izany. Io Fanahy Masina lehibe teo amin’ity mpaminanin’ny Tompo lehibe ity, jereo izay nolazainy mikasika an’izany amin’ny andro farany. Ao amin’ny Tesaloniana Faharoa, ny toko faha-2 no misy an’izany. Eny àry, tompoko. Ary manomboka amin’ny andininy faha-3, mino aho fa izay ilay izy. Eny àry, ndao isika hamaky ankehitriny. Henoy tsara, ny olona rehetra. Firy no mino fa feno ny Fanahy Masina i Paoly? [Hoy ny fiangonana hoe, “Amena.”—Mpand.] Amená. Diniho eto.

Aza mety ho fitahin'ny olona akory ianareo: fa tsy ho avy izany andro izany, raha tsy tonga aloha ny fihemorana, . . .

Miezaka manala an'izany ao an-dohan'izy ireo izy hoe ho avy tamin'io fotoana io mihitsy Izy. Hoy izy, "Hisy ny fihemorana hiala lavitra an'ilay Fiangonana, aloha," hitanareo, tonga tao amin'ity Taona Laodikiana ity.

. . . ary io lehilahin'ota io voa- . . . ho voaseho, . . .

"Ilay lehilahin'ota," tsi-finoana ny Fanahy Masina. Ho voaseho ny tsi-finoana.

. . . ilay zanaky ny fahaverezana;

Tahaka an'i Jodasy; mpitahiry volan'ny fiangonana.

Izay manohitra ka manandratra ny tenany ho ambonin'ny rehetra izay antsoina hoe Andriamanitra, na izay ivawahana; ka dia mipetraka ho Andriamanitra ao amin'ny tempolin'Andriamanitra, . . .

Rahalahy, misy olona iray ve eto ambonin'ny tany ankoatran'i Vatican, izay afaka manao an'izany? Aiza no misy an'izany?

¹⁸⁴ Ankehitriny, mandeha eto ao amin'ny Apokalypsy 13, ary maneho aminareo fa ity lehilahy ity dia mipetraka eo amin'ny tanàna iray . . . ao amin'ny tanàna iray, ary ilay tanàna dia mipetraka eo—eo ambonin'ny havoana fito. Ary ny isan'ny bibidia dia enina amby enimpolo amby eninjato, voasoratra amin'ny—amin'ny teny Latina . . . alfabeto Romana, dia enina amby enimpolo amby eninjato, izay *VICARIVS FILII DEI*, izany hoe, "Eo amin'ny toeran'ny Zanak'Andriamanitra," eo amin'ny satroboninahitry ny papa. Ary ny sezany, dia misy satroboninahittra telo sosona. Ary njery teo amin'ilay satroboninahittra mihitsy aho, nijoro akaiky tahaka ny tànako eo amin'ny tavako, tahaka an'izao, ka—ka nahita an'ilay satroboninahittra mizarazara an'ny papa mihitsy tany Vatican, ny tenako, nijoro ary njery an'izany, mba hanana antoka fa fantatro izay noresahako. "Manohitra izy, ny tenany ambonin'izay rehetra antsoina hoe Andriamanitra, amin'ireo lehilahy masina rehetra. Izy no masina indrindra amin'izy rehetra ireo; mipetraka ao an-tempolin'Andriamanitra, maneho ny tenany mihitsy fa izy no Andriamanitra," mamela fahotana eo an-tany, sy ny sisa, fantatrareo. Azo antoka.

¹⁸⁵ Hoy i Paoly hoe, "Tsy maintsy ho tonga aloha io fihemorana io, ho voaseho io zanaky ny fahaverezana io."

Tsy tsaroanareo ve, fa, fony aho . . . niaraka taminareo, dia efa niteny an'ireo zavatra ireo taminareo?

¹⁸⁶ Oh, ho tiako ny nipetraka tany, mandre an'i Paoly mitory an'izany. Ary ianareo? [Hoy ny fiangonana hoe,

"Amena."—Mpand.] Ham! Toy ny ahoana no hitiavako nihaino azy. Oh, oadray!

¹⁸⁷ Ankehitriny inona no hataony? "Sary iray ho an'ny bibidia." Tesaloniana Faharoa. Henoy ankehitriny. Henoy tsara ankehitriny, tena tsara. Efa tsapan'ilay fiangonana ny fihavian'ny papa iray. Inona izany? Ny fiafarani'io taom-piangonana io, Paoly. Nahita an'io karazan-javatra Nikolaita io nipoitra izy ireo; hanao lehilahy masina iray izy ireo, (ho inona?) papa. Nandadilady niditra tao amin'ilay fiangonana izao tontolo izao sy ireo aristokratty, ka nanova ny lamin'ny fanompoana. Paoly, niaraka tamin'ny Fanahy Masina, dia nahatakatra an'izany tao amin'ny Fanahy. Ary ny fiangonana, niaraka tamin'ireo kilasiny sy ireo manan-kajany, olona manankaja, sy ny sisa, dia nahita izy ireo fa misy zavatra ho tonga. Ary nampitandrina azy ireo ny amin'ireo andro farany ny Fanahy Masina. Tsaroanareo ve hoe ahoana no niresahan'i Jesosy an'izany? Ireo asan'ny Nikolaita, izay lasa foto-pampianaranana iray tamin'ny farany, ary avy eo dia lasa rafi-pandaminana iray! Rahalahy, tsy ao anatin'ny aizina isika ankehitriny. Tsarovy, hitanareo. Eto isika izao.

¹⁸⁸ Ireo asan'ny Nikolaita, ilay rafi-pandaminana manomboka miditra, ireo manan-kaja malaza, ary manerana an'ireo fiangonana, sy ny sisa, avy eo dia naka endrika tao amin'ny fiangonana Katolika. Ary nilaza i Paoly fa tsy mety hisy andro farany iray, tsy mety hisy fotoana iray, mandra-pahatongan'ny fihemoran'ilay tena, Finoana pentekotista. Ho foana ilay Finoana pentekotista, ka ho tafapetraka ireo manan-kaja. Hanana lehilahy iray izy ireo izay haka ny toeran'Andriamanitra, hipetraka ao antempolin'Andriamanitra, ary hanohitra, ny tenany ambonin'ny olona rehetra tahaka an'izany. Ary, izany, hitanareo, inona izany? Niko, "mandresy ny laika." Hitanareo? "Izay rehetra antsoina hoe Andriamanitra; hipetraka ao amin'ny tempolin'Andriamaniny izy, tahaka an'Andriamanitra." Hoy i Paoly hoe, "Hisy fihemorana, aloha, amin'ny andro farany." Ary eto isika izao, eto mihitsy ankehitriny, ary mahita an'ilay fihemorana, sy mahita an'ilay fiangonana lasa miha-lavitra sy miha-lavitra miala amin'Izany, ka miverina any aoriana mihitsy indray. Ary eo amin'ny andro farany isika. Eny àry.

¹⁸⁹ Ankehitriny, raha mifanaraka tanteraka ireo sivy amby enimpolo herinandro, ka ao an-tanindrazany ireo Jiosy ankehitriny, ary mifanaraka tsara amin'ny andro farany ilay taom-piangonana Jentilisa, amin'ny andron'ny Nikolaita...na ny andro Laodikiana; dia akaiky toy ny ahoana ny Fihavian'ny Tompo, ny fiafarani'ny zavatra rehetra, ny fiafarani'ity taona ity, ary ny Fampakarana? Amin'ny fotoana Anombohany an'io fahafitopolo herinandro io, na fito taona, dia lasa ilay Fiangonana.

¹⁹⁰ Afaka mahita an'izany ve ianareo, ry sakaiza? Atsangano ny tènanareo raha afaka mahita an'izany ianareo. Hitanareo? Ankehitriny, aoka tsy ho ankizy isika. Aoka tsy hilalao intsony isika. Eo amin'ny andro farany isika. Misy zavatra vonona hitranga. Eo amin'ny farany isika. Eto isika izao.

¹⁹¹ Mifanaraka tanteraka ireto sivy amby enimpolo herinandro ireto; mifanaraka tanteraka ny fandehanan'ireo Jiosy; mifanaraka tanteraka ilay taom-piangonana. Eo amin'ny andro farany isika, ny andro farany, ilay taom-piangonana Laodikiana, ny fiafararan'izany. [Mampiasa an'ilay kisarisary eny amin'ny tabilao Rahalahy Branham—Mpand.] Ireo iraka kintana rehetra dia efa nitory ny hafany. Voalaza izany. Manara-morona fotsiny isika. Nandritry ny efapolo taona no efa niverina ireo Jiosy. Ao an-tanindrazany izy ireo.

Inona no hitranga manaraka? Ny fihavian'ilay Vato. Eo isika izao. Amin'ny fotoana inona no hitranga izany? Tsy fantattro. Fa, rahalahy, ho ahy, te-ho vonona aho. Te-hanao ny akanjoko ho vonona tanteraka aho.

¹⁹² Ankehitriny, isika dia manana fotsiny—tena minitra vitsy fotsiny, ka maniry aho mba hihainoanareo milamina tsara ankehitriny mandritry ny iray minitra fotsiny.

Amin'ny fotoana Anombohany an'ilay faha-fitopolo herinandro, na fito taona, dia lasa ilay Fiagonana. Henoy ankehitriny. Manonona indray aho, mamerina manonona, mba tsy hanadinoanareo. Ity no napetraky ny Fanahy Masina teo amin'ny peniko raha mbola nanoratra aho. Ao amin'ny taona Laodikiana isika. Lavin'ny Fiagonany manokana ilay Kristy. Ilay kintan'ity taona ity, ny Hafatra, dia efa nivoaka. Ary ao amin'ny taniny Isirael. Hitanareo ve hoe aiza no misy antsika? Eo amin'ny farany isika.

Ankehitriny, fanamarihana iray na roa amboniny fotsiny.

¹⁹³ Ity rehetra hitantsika ankehitriny ity, dia hanampy antsika, nohon'ny Fahasoavany, raha miezaka hanatona an'ireto Tombokase Fito farany ireto isika. Hitanareo ve hoe aiza no mety ho nahadiso antsika an'izany? Manomboka amin'ny Apokalypsy 6:1 ka hatramin'ny Apokalypsy 19:21, mety ho diso an'izany isika, satria, hitanareo, ho niezaka nampihatra an'izany *teto* aoriana *teto* isika, ao amin'ity taonan'ny Jentilisa ity; nefá, hitanareo, ilay izy dia ao amin'ity taona ity. [Mampiasa an'ilay kisarisary eny amin'ny tabilao Rahalahy Branham—Mpand.] Hitanareo?

Ankehitriny, efa nopofointsika tamin'ny alàlan'ny Tenin'Andriamanitra izany, sy tamin'ny alàlan'ny tantara, sy tamin'ny alàlan'ny zavatra rehetra, ary tamin'ny alàlan'ireo famantaran'ireo fotoana, tamin'ny alàlan'ireo andro, fa tsy misy na inona na inona hafa tavela. Eo amin'ny fahafongan'an'ireo Jentilisa isika. Inona no—inona no hataontsika mikasika

an'izany? Ny fanahiko sy ny fanahinareo izany; ny aiko sy ny ainareo izany; ny ain'ireo malalantsika izany. Efa norotsirotsiana ela loatra isika. Efa nanana zavatra mora maro loatra isika. Tsaratsara amintsika ny mandroso. Efa tara noho izay heverinareo izao, tsarovy fotsiny.

¹⁹⁴ Ankehitriny, filazana mandòna iray, raha tianareeo ny handray naoty an'izany. Henoy tsara, azafady. Ity no fanamarihako farany, manaraka an'ilay izy; manana zavatra iray bitika kely aho eto aorian'ity mihitsy, naoty kely izay tiako resahaha. Ankehitriny mijanòna vetivety fotsiny ka henoy tsara, hanome anareo zavatra iray izay mandòna aho, mifanaraka tsara amin'ity. Hitanareo?

Tsy misy hatevenana hareza fiharatra iray akory aza eo anelanelan'ny fiafarano'ity taona ity sy ny Fihavian'i Kristy. Ny zavatra rehetra, tsy misy na inona na inona hafa tavela. Ao antanindrazany ve Isiraely? Fantatsika izany. [Hoy ny fiangonana hoe, "Amena."—Mpand.] Ao amin'ny Taonan'i Laodikia ve isika? ["Amena."] Efa nivoaka ve ny Hafatr'ity taona pentekotista ity, mba hiezaka hanozongozona ny olona hiverina any amin'ilay Fitahiana pentekotista tany am-boalahany? ["Amena."] Ny iraka rehetra izay tonga nanerana ny taona ve, tsy ilay zavatra iray marina tokoa? ["Amena."] Manohitra firenena ve ireo firenena? ["Amena."] Pesta? Misy mosary ve ao amin'ny tany amin'izao andro izao, mivezivezy an-jatony maily ilay Fiangonana marina mitady mba handre ny Tenin'Andriamanitra? ["Amena."] "Tsy ho an'ny mofo fotsiny ihany, fa ho an'ny fandrenesana ny Tenin'Andriamanitra." Tonga ny mosary. ["Amena."] Marina ve izany? ["Amena."] Nahoana, miaina mihitsy eo afovoan'izany isika, eto mihitsy ankehitriny. ["Amena."] Hitanareo ve izay misy antsika? ["Amena."] Miandry an'io Vato io isika.

¹⁹⁵ Filazana mandòna iray! Hatramin'ny andro nanaovan'Andriamanitra ny teny fikasana tamin'i Abrahama... Aza diso an'ity. Hatramin'ny fotoana nanaovan'Andriamanitra ny teny fikasana tamin'i Abrahama, Genesisy 12:3, ka hatramin'ny fotoana nandàvana an'i Kristy tamin'ny A.D. 33, avy tamin'ireo Jiosy; araka ny Galatiana 3:16 sy 17, ary araka ny an'i Usher, an'i U-s-h-e-r, tantaram-pirazanan'ireo Hebreo an'i Usher; dia niaraka tamin'ireo Jiosy nandrity ny efatra amby dimampolo sy sivinjato sy arivo taona marina tokoa ny herin'Andriamanitra. Nifanaraka tamin'ireo Jiosy Andriamanitra nandrity ny efatra amby dimampolo sy sivinjato sy arivo taona, araka ny tantaram-pirazanan'ireo Jiosy, ary araka ny Galatiana 3:16 sy 17. Manana Soratra maro amboninny aho, saingy izany fotsiny no omeko.

Avy eo, rehefa avy nandà an'i Kristy izy ireo, dia nitodika tamin'ny Jentilisa Izzy, mba haka vahoaka iray ho an'Ny Anarany. Mila Soratra iray eo amin'izany ve ianareo, ilay toerana? Asa 15:14.

¹⁹⁶ Ankehitriny, eo am-panisana an'ilay fotoana, dia hitantsika fa manana marina tokoa isika (henoy) fito ambin'ny folo taona tavela, ary homena an'ilay elanelam-potoana iray ihany isika, raha mifanaraka amintsika Andriamanitra ao amin'ny herin'ny Fanahy Masina, nanomboka tamin'ny A.D. 33 hatramin'ny 1977. Ilay elanelam-potoana iray ihany, efatra amby dimampolo sy sivinjato sy arivo taona, mifanaraka amintsika Andriamanitra mitovy amin'ny Nifanarahany tamin'ireo Jiosy. Ahoana ny mikasika an'izany!

¹⁹⁷ Ankehitriny, raiso naoty ao amin'ny bokinareo, Soratra kely iray eto izay tiako homena anareo. Levitikosy 25, manomboka amin'ny andininy faha-8. Niantso jobily iray Andriamanitra, isaky ny faha-sivy amby efapolo taona. Ny taona faha-dimampolo dia ny jobily. Fantatsika izany. Azontsika izany. Manomboka amin'ny jobily voalohany, an'ny Levitikosy 25:8, dia amin'ny 1977 no ho jobily faha-fitopolo, manome telopolo amby efajato amby telo arivo taona marina tokoa. *Jobily*, dia midika hoe, “Ny fiakarana! Ny fanafahana!”

Oh, miandry ny fihavian'i Andron'ny Arivo taona
mahafaly io isika,
Izay hahatongavan'ny Tompontsika finaritra sy
hakàny Ny Ampakariny miandry;
Oh, misento ny tany, maniry an'io andron'ny
fanafahana mamy io,
Izay hiverenan'ny Mpamonjintsika eto an-tany
indray.

¹⁹⁸ Efa azonareo ve izany? [Hoy ny fiangonana hoe, “Amena.”—Mpand.] Efa nifanaraka tamintsika nandrity'ilay tontalim-potoana iray ihany marina tokoa izay Nifanarahany tamin'ireo Jiosy Andriamanitra. Nanomboka tamin'ny fotoana izay Nanomezany ny teny fikasana tamin'i Abrahama, hatramin'ny fandàvana an'ilay Mesia tamin'ny A.D. 33, dia nisy efatra amby dimampolo sy sivinjato sy arivo taona. Ary ankehitriny dia manana fito ambin'ny folo taona tavela isika. Efa nanana teo amin'ny telopolo sy sivinjato sy arivo taona mahery teo isika. Manana fito ambin'ny folo taona tavela isika, hatramin'ny '77, dia ho ny jobily faha-fitopolo hatramin'ny fanombohan'ireo jobily. Ary ho inona izany? Oh, rahalahy! Diniho tsara ankehitriny. Aza diso an'izany. Izany dia ho ny jobilin'ny fiakaran'ilay Ampakarina Jentilisa, sy ny fiverenan'i Kristy mankany amin'ireo Jiosy, rehefa mivoaka avy amin'ny fanandevozana izy ireo. Amen! Tsy hitanareo ve? Avy tany amin'izao tontolo rehetra izao, no niangonan'izy ireo any ho amin'io andro io. Oh, oadray! Hitanareo ve izay misy antsika? Tsy fantatsika hoe inona no fotoana mety hitrangan'izany. Eo amin'ny andro farany isika.

¹⁹⁹ Henoy ankehitriny. Ho anareo an'ny andro fahiny ato amin'ny—ato amin'ny fiangonana, izay efa teto nandrity ny

ela be, tiako ianareo hanamarika zavatra. Tsy mbola nianatra an'ity mihitsy aho raha tsy omaly; nalaiko avy tamin'ny mpahay tantara izany, Paul Boyd, ary avy eo... Ary nokarohiko nanerana ny Soratra izany, naka an'ireto daty hafa eto ireto, sy ny sisa, ary naka azy, sy nanaraka azy, nikaroka azy.

²⁰⁰ Ankehitriny, tamin'ny 1933, rehefa nivavaka tao amin'ilay tempolin'ny Francs-maçons teto isika, izay ijoroan'ilay fiangonan'i Kristy androany. Tamin'ny maraina iray an'ny Aprily, talohan'ny nialako tany an-trano...

Nanokana ny fiarako aho. Nanana fiara iray modely '33 aho, ary notokanako ho an'ny asan'ny Tompo izy. Ary tao amin'ny fahitana iray, dia nahita ny andro farany aho. Mariho ankehitriny hoe mandôna toy ny ahoana ity, tany aoriana tany fony aho zazalahy iray fotsiny. Ary azonareo eritreretina hoe toy ny ahoana ny fiara modely 1933 iray, ankehitriny, toy ny ahoana izany.

Ary nandeha tany amin'ilay tempolin'ny Francs-maçons aho, izay... Ny sasany aminareo an'ny andro fahiny ato dia mahatsiaro. Voasoratra teo amin'ny taratasy tranaindy izany, any an-trano. Efa vita printy izany ary nandeha nanerana an'izao tontolo izao. Hitanareo? Tamin'ny 1933 izany. Ary nilaza mialoha aho fa hisy loza lehibe iray hitranga amin'ity Etazonia ity aloha na hatramin'ny taona 1977. Firy no mahatsiaro ahy nilaza an'izany? [Hoy ireo an'ny andro fahiny hoe, "Amena."—Mpand.] Jereo ny tâhana. Azo antoka.

²⁰¹ Diniho ankehitriny. Nilaza mialoha zavatra fito aho izay mbola eo am-panaovana ny... alohan'io fahafonganana lehibe io na zavatra lehibe izay hiseho eto Etazonia, zavatra lehibe iray mampahatahotra. Nilaza aho...

Tsarovy ankehitriny, ity dia talohan'ny nanombohan'izany. Nilaza aho fa hiditra ao amin'ny Ady Lehipe Faharoa iray isika. Firy no mahatsiaro nandre ahy nilaza an'izany? Manaova hoe, "Amena." [Hoy ny fiangonana hoe, "Amena."—Mpand.] Eny àry. Ady Lehipe Faharoa! Hoy aho hoe, "Ilay Filoha izay misy ankehitriny..." Nadikako avy tamin'ny soratra tranaindy ity, eto, ilay zavatra tranaindy omaly, hoe, "Ny Filoha izay ananantsika ankehitriny," izany dia... Firy no mahatsiaro hoe iza izany? [Hoy ny rahalahy iray hoe, "Franklin Roosevelt."] Franklin D. Roosevelt. Hoy aho hoe, "Ny Filoha izay ananantsika ankehitriny dia hitohy hatrany amin'ny fahalaniana fahefatra mihitsy aza," teo amin'ny azy voalohany izy tamin'izany, "hitohy hatrany amin'ny fahalaniana fahefatra, ary ho entina ao amin'ny Ady Lehipe Faharoa isika."

²⁰² Hoy aho hoe, "Ilay mpanao didy jadona izay miseho any Italie ankehitriny, dia i Mussolini, hiditra ao amin'ny fahefana izy. Ary handeha hankany Ethiopie izy, ary ho lavo eo amin'ny diany i Ethiopie." Misy olona mipetraka eto

ankehitriny izay mahafantatra, fa nisy vondron’olona tonga ka nitsangana, rehefa nanao ny fivoriako tany Redman’s Hall tany aho tamin’io hariva io, rehefa tsy maintsy nandeha tany aho hitory an’izany, Redman’s Hall, ary saika nandroaka ahy avy tao amin’ilay efitrano izy ireo nohon’ny filazana zavatra tahaka an’izany. [Hoy Ranabavy Wilson hoe, “Amena. Marina izany.”—Mpand.] Hia. Hia. Rtoa. Wilson, fantatro fa ianao dia . . . [“Marina izany.”] Marina izany. Rehefa nilaza an’izany aho . . . Fa nataony ve izany? “Fa,” hoy aho, “ho tonga eo amin’ny fiafarana mahamenatra iray izy,” ary tonga izy. Izy sy ilay vehivavy niarahany, dia nahongana ambony-ambany ary nahantona tamin’ny tady iray teo an-dàlambe, niaraka tamin’ny tongony ambony, ny akanjon’izy ireo nihantona nidina. Eny àry, niseho izany.

²⁰³ Ary avy eo dia hoy aho hoe, “Ireo vehivavy dia navela hifidy. Nefa tena fahafaham-baraka iray tanteraka tokoa ho an’ilay firenena. Ary, eo am-pifidianana, indray andro any dia hifidy an’ilay lehilahy ratsy izy ireo.” Ary nataon’izy ireo izany tamin’io fifidianana farany io. Oadray, oadray! Efatra . . . (Hoy aho hoe, “Handroso amin’ny fomba iray ny siansa . . .”) Tsia, eto, izany ilay fahatelo. Mamelà ahy.

²⁰⁴ Ity ilay anankiray manaraka, eto, ilay fahefatra. Hoy aho hoe, “Ny adintsika dia ho amin’ny Alemaina, ary hanorina toerana goavana be iray latsa-tsimenitra izy ireo ary hamefy mafy ny tenany ao, ary hahazo kapoka mahatsiravina iray ireo Amerikana.” Andriamanitra Tsitoha no mahafantatra, Izay itsanganako eto anatrehany ankehitriny, nahita an’ireo Nazi mahaleo tena nandaka an’ireo Amerikana tahaka an’izao aho, sy ny sisa, teo amin’io rindrina io. [Hoy ny lehilahy iray tao amin’ny fiangonana hoe, “Amena.”—Mpand.] Ary misy zazalahy maro mitsangana eto ankehitriny izay tany amin’io Tsipika Siegfried io, izay mahafantatra hoe inona izany. [“Amena. Eny, tompoko. Amen.”] Ary tsarovy, izany dia iraika ambin’ny folo taona talohan’ny nanorenana an’ilay Tsipika Siegfried. Marina ve Andriamanitra? [Hoy ny fiangonana hoe, “Amena.”] Mbola milaza mialoha an’ireo zavatra hitranga ve Izy? [“Amena.”] Diniho. Izany dia, izany ilay fahefatra.

²⁰⁵ Ankehitriny ilay zavatra fahadimy. “Handroso amin’ny fomba iray ny siansa hany ka hanamboatra fiara iray izay tsy hila ho tarihin’ny familiana iray izy ireo. Ary ireo fiara dia hitohy haka endrika tahaka ny atody iray, hatramin’ny fahafonganana, ny andro farany. Nahita fianakaviana Amerikana iray aho teny an-dàlana, teny amin’ny lalana malalaka iray, nandeha tao anatin’ny fiara iray niaraka tamin’ny lamosin’izy ireo nitodika nankany amin’izay tokony hisy an’ilay familiana, toy ny hoe nilalao fanorona na karatra izy ireo.” Ary manana an’izany isika. Eo amin’ny televiziona izany. *Popular Science, Mechanics*, raha ny marina, no manana azy rehetra. Manana an’ilay fiara isika.

Fehezin'ny fitaoavam-pibaikona iray izany, amin'ny—amin'ny radara. Tsy mila banana filialiana iray akory aza izy ireo ao anatin'izany. Manindry an'ilay nomeraonareo tahaka an'izao fotsiny ianareo, tahaka ny anindrianareo ny telefoninareo, dia mitondra anareo mahitsy eo amin'izany ny fiaranareo; tsy afaka hifandona, na inona na inona, tsy misy fiara hafa. Ilay andriam-by no mampanalavitra anareo amin'ny sisa amin'izy ireo. Hitanareo? Manana an'izany izy ireo. Oh, oadray! Eritrereto izany. Voalaza mialoha telopolo taona talohan'ny nitrangany!

²⁰⁶ Ankehitriny, izany no mitondra antsika arak'izany ho amin'ny fididianana ny Filoha Kennedy.

Ary ity fiara ity dia ho tonga eo amin'ny—eo amin'ny sehatra, mitondra zavatra dimy (avy amin'ireo fito) izay efa nitranga marina tokoa.

²⁰⁷ Ankehitriny, nilaza mialoha aho, ka nilaza hoe, "Nahita vehivavy lehibe iray aho nitsangana, tsara tarehy, niakanjo volomparasy tena tahaka ny mpanjaka mihitsy." Ary manana anaty fonon-teny kely aho eto hoe, "(Izy dia mpanapaka iray lehibe ao Etazonia; ilay fiangonana Katolika angamba.)" Vehivavy iray, vehivavy anankiray; tsy fantatro raha ho ny fiangonana Katolika izany. Tsy fantattro. Tsy afaka milaza aho. Ny zavatra tokana hitako, dia nahita an'ilay vehivavy aho, izay ihany.

²⁰⁸ Fa ity firenena ity dia firenem-behivavy iray. Ity firenena ity dia isa telo ambin'ny folo, ao amin'ny faminaniana. Manana tsipika telo ambin'ny folo izy, kintana telo ambin'ny folo. Nanomboka tamin'ny zana-tany telo ambin'ny folo izy. Telo ambin'ny folo, telo ambin'ny folo, ny zavatra rehetra dia telo ambin'ny folo. Miseho ao amin'ny toko faha-13-n'ny Apokalypsy, mihitsy aza. Telo ambin'ny folo izy. Ary firenem-behivavy izy.

²⁰⁹ Ireo fitsarana fisarahanam-panambadiana eto Amerika no mamokatra fisarahanam-panambadiana betsaka, nohon'ny vehivavintsika, noho ny sisa rehetra amin'ireo firenena. Ambany kokoa ny fitondran-tena ato amin'ny firenentsika, sy ireo fisarahanam-panambadiana, noho ny any Frantsa na Italie, izay misy fivarotan-tena eny an-dàlambe. Noho izany, fa izy ireo dia mpivarotena; ny antsika dia vehivavy manam-bady miezaka miaina miaraka amin'ny lehilahy maro, ary lehilahy manambady maro miezaka miaina miaraka amin'ireo vehivavy hafa.

²¹⁰ Ao amin'ireo firenena izay ananan'izy ireo ny fahazoana manambady maro, dia in'arivony tsaratsara kokoa izany. Ary, kanefa, ny fahazoana manambady maro dia ratsy, fantatsika. Fa, maneho fotsiny hoe mietry toy ny ahoana isika.

²¹¹ Manana silany iray aho any avy tamin'ny gazety, izay naneho fa rehefa nandeha tany ampitan-dranomasina ireo zazalahintsika Amerikana, tamin'io ady farany io, dia nihoatra,

mino aho, fa nanodidina ny fitopolo isan-jato ilay izy... Nahoana, ankehitriny, andraso iray minitra, mino aho fa ny telo amin'ny efatra izay nandeha tany ampitan-dranomasina, no nisarahan'ny vadiny talohan'ny niverenan'izy ireo. Ary ny lohateniny goavana be dia milaza hoe, "Inona no mitranga amin'ny fitondran-tenan'ny vahoakantsika Amerikana?" Nahatsiaro nahita an'izany ve ianareo? [Hoy ny fiangonana hoe, "Amena."—Mpand.] Ianareo rehetra dia nahatsiaro, neveriko. "Inona no nitranga tamin'ny fitondran-tenan'ireo vehivavintsika Amerikana?" Ireo ozinina, miasa miaraka amin'ireo lehilahy hafa any. Izany no firenem-behivavy iray. Inona no ho azony? Andriamanitra vehivavy, na andriamanibavy iray.

²¹² Ankehitriny, avy eo, taorian'izany, dia nitodika aho ka njery. Ary nahita an'ity Etazonia ity nirehitra tahaka ny vain'afو iray aho, nipoaka ireo vatolampy. Ary izany dia nirehitra tahaka ny—ny antontan'afو iray ao anatin'ny vatan-kazo, na zavatra iray izay nandrehitra azy. Ary njery lavitra arak'izay azoko nojerena aho, ka voatsoka tanteraka izy. Ary tamin'izay fotoana izay dia niala tamiko ilay fahitana. Ny dimy tamin'ny telo dia efa nitranga...na ny dimy tamin'ny fito, raha ny marina, no efa nitranga.

²¹³ Ary indro fa tonga sy miseho. Ary avy eo dia nilaza mialoha aho. Tsy nilaza mihitsy aho hoe ny Tompo no niteny tamiko an'izany, fa, nitsangana tao am-piangonana tamin'io maraina io, hoy aho hoe, "Ny fomba fandrosoana..." Niverina hatrany amin'ny ilan'ilay rindrindr'izy ireo aho, ary nandeha hatrany amin'ny ilany hafa an'ilay rindrinda. Hoy aho hoe, "Ny fomba fandrosoana dia hitohy, hilaza mialoha aho fa ny fotoana...Tsy fantatro hoe nahoana aho no milaza an'izany. Fa milaza mialoha aho fa io rehetra io dia hitranga eo anelanelan'izao ankehitriny izao, 1933, sy 1977."

Ary tsy nahafantatra an'izany, Andriamanitra no mahafantatra ny foko, tsy nahafantatra an'izany mihitsy aho raha tsy omaly, hoe 1977 no jobily, ary ilay tontalin'ny fotoana iray ihany marina tokoa izay Nomeny ny Israely dia ho tapitra, ary ny zavatra rehetra eo amin'ny fiafarana. Noho izany isika dia eo...Ary indro isika fa eo amin'ny fiafaran'ilay taona, eo amin'ny fidiran'ilay faha-fitopolo herinandro. Tsy fantatsika hoe fotoana inona no handehanan'ilay Fiangonana. Oh, oadray! Inona no azontsika hatao, ry sakaiza? Aiza no misy antsika?

²¹⁴ Hitanareo ve hoe inona isika ankehitriny? [Hoy ny fiangonana hoe, "Amena."—Mpand.] Azonareo ve ny faha-fitopolo herinandron'i Daniela ankehitriny? ["Amena."]

Hitanareo, ankehitriny, rehefa miditra ao amin'ireto Tombokase sy ny sisa ireto isika, mamaha an'ireto Tombokase ireto. Ilay anankiray voalohany mivoaka, dia mpitaingina soavalys fotsy, ary manana tsipika iray izy eny an-tànany. Diniho

hoe iza io zalahy io. Diniho ilay soavalys hatsatra nandeha nanaraka azy. Hitanareo? Diniho hoe iza izy, ary jereo hoe toy ny ahoana no ahatongavan'izy ireo. Diniho ireo efatra arivo amby efatra alina amby iray hetsy tonga. Diniho ilay virijiny natory rehefa tonga izy. Avy eo dia diniho ireo zavatra rehetra ireo miseho, ny fandrarahana an'ireo Lovia, ireo Fahoriana, ireo fanahy maloto telo tahaka ny sahona. Diniho ireo zavatra ireo hoe ahoana fa tena miditra tsara ao amin'ireo loza ireo izy ireo, rehefa nararaka marina tokoa izy ireo. Isaky ny misokatra ny Tombokase iray, dia miraraka ny loza iray, ary tonga ny fandravâna iray. Ary diniho izay miseho izao ankehitriny izao mihitsy eo amin'ny farany.

²¹⁵ Ary, oh, diniho ireto mpaminany telo...na ireto mpaminany roa ireto, rehefa miseho eto izy ireo. Ary eo afovoan'ny herinandro, dia novonoina tahaka an'izany izy ireo, ary avy eo dia manomboka ny Adin'ny Haramagedona. Amin'izay fotoana izay dia manomboka miteny Andriamanitra, Izy tenany, amin'izay fotoana izay dia mitsangana Izy ary manomboka miady. Mamely ny tany ireo mpaminany ireo. Mitory ny Anaran'i Jesosy Kristy izy ireo. Manao batisa amin'ilay fanao iray ihany izy ireo. Manao an'ilay zavatra iray ihany izay nataon'ireo ray pentekotista voalohany, izy ireo, ary maro no manaraka azy ireo. Fa ilay mitambatra, io rafi-pandaminana io, dia manohy mahitsy, ka na dia ny herin'ireo mpaminany ireo aza dia tsy nahapotika azy. Ary farany dia hoy izy ireo hoe, "Hanao azy rehetra ho rafi-pandaminana anankiray izahay." Ary izy no mampiditra (inona ilay izy?) ny fahavetavetana, Romanisma, mba hanao an'ilay zavatra manontolo ho faratampony, izay mahatonga fandravana. "Ny fahavetavetana izay mahatonga faharavâna," no maka ny zavatra rehetra, "ny fahalotoana."

²¹⁶ Tsarovy, ilay reny mpivarotena antitra izay mipetraka eo ambonin'ilay bibidia, miakanjo jaky tahaka an'izany, dia nanana loha fito sy tandroka folo. Tsaroanareo ve izany? "Ary nanana kapoaka iray izy teny an-tânany, an'ny fahalotoan'ny fahavetavetany." Izany dia ny foto-pampianarany izay naparitany tamin'ny olona. Ary eo isika izao, ry rahalahiko. Eo amin'ny andro farany isika.

²¹⁷ Rankizy madinika, tsy mahafantatra mihitsy isika, mety tsy ho velona intsony isika mba hiverina indray rahariva. Mety tsy ho velona intsony isika mba hifankahita indray. Tsy fantatro. Fa, tena manakaiky ny farany, tena akaiky ny farany. Ity ny Soratra. Misy mihitsy tokoa, tanteraka mihitsy, ny porofo ara-tSoratra.

²¹⁸ Ankehitriny, raha misy zavatra izay tsy azonareo, dia anoraty naoty iray aho ka ampahafantaro ahy ny mikasika an'izany. Hitanareo? Milazà zavatra iray. Ny sasany aminareo rahalahy any ivelany eo amin'ny horonam-peo, any amin'ireo ampahany hafa, raha misy zavatra iray izay azoko anampiana anareo, dia ampahafantaro ahy. Mety tsy mifanaraka amiko

ianareo, ary mety tsy mifanaraka amin'ny rafi-pandaminanareo aho; tsy ianareo, fa ilay rafitry ny rafi-pandaminanareo. Tsy ny olona Katolika no tsy ifanarahako. Tsy milaza aho fa ny olona Katolika no tsy tiako, ny olon'ny rafi-pandaminana no tsy tiako. Tsy izany ilay izy. Tiako ny olona rehetra, saingy tsy mifanaraka amin'io rafitra izay mihazona anareo ho voafatotra io aho. Izany ilay izy, ilay rafit'izany. Izay ilay izy.

²¹⁹ Tsy manohitra an'i Alemania aho; ilay izy dia ny Nazisma. Tsy manohitra an'ireo Italiana aho; ilay izy dia manohitra ny-ny Fasima. Ary tsarovy, nanao filazana mialoha hafa iray aho tamin'izany fotoana izany, filazana mialoha iray fotsiny, ary maro aminareo an'ny andro fahiny no mahatsiaro an'izany. Hoy aho hoe, "Misy isma telo lehibe miezaka mihazona an'izao tontolo izao amin'izao andro izao: Fasima, Nazisma, ary Kominisma." Ary inona no nolazaiko? "Hiafara ao amin'ny Kominisma izy rehetra."

²²⁰ Tamin'izay fotoana izay dia nasaiko namerina azy ianareo rehetra hoe, "Afantohy eo amin'i Rosia ny masonareo." Tsaroanareo ve izany? "Afantohy eo amin'i Rosia ny masonareo. Hiafara tanteraka ao amin'ny Kominisma izy."

Ary avy eo izany rehetra izany dia hiafara, amin'ny farany, ao amin'ny Katolisima. Tsarovy, izany rehetra izany dia hiafara ao amin'ny Katolisima amin'ny andro farany. Tena marina tokoa izany. Izany dia ao amin'ny Adin'ny Haramagedona, *eto* mihitsy, rehefa tonga Kristy, Izy tenany.

²²¹ Fa ireto mpaminany telo ireto...Ireto telo taona sy tapany ireto, raha ny marina, izany dia ny Apokalypsy 11:3, efa namaky an'izany imbetsaka ianareo, "Omeko fahefana ny Vavolobeloko roa, ka haminany enimpolo sy roanjato sy arivo andro izy ireo." Firy izany, ny enimpolo sy roanjato sy arivo andro? Telo taona sy tapany. "Ary avy eo dia hovonoina eny an-dàlambe izy ireo," eo afovoan'io faha-fitopolو herinandro io mihitsy.

Noho izany, dia hitanareo ve hoe aiza ireo fitopolو herinandron'i Daniela? Hitanareo ve hoe aiza isika no miaina? [Hoy ny fiangonana hoe, "Amena."—Mpand.] Eo amin'ny farany isika, ry sakaza malalako. Eo amin'ny farany isika. Ireo andro...

Rava ireo firenena, mifoha Isirael,
Ireo famantarana izay nolazain'ny mpaminany
mialoha; (Eo isika izao.)
Voaisa ny andron'ny Jentilisa, (*eto*) miaraka
amin'ny tahotra manarona;
"Miverena, O ry niely, amin'ny anareo manokana."

Ndao isika hihira an'izany:

Akaiky ny andron'ny fanavotana,
 Raiki-tahotra ny fon'ny olona;
 Aoka ho fenoina ny Fanahy, ny fanilonareo ho
 voadio sy hazava,
 Miandrindrà, akaiky ny fanavotana anareo!

Oh, oadray! Tsy mahafinaritra ve izany?

Rava ireo firenena, mifoha Isirael,
 Ireo famantarana izay nolazain'ny mpaminany
 mialoha;
 Voaisa ny andron'ny Jentilisa, miaraka amin'ny
 tahotra manarona,
 “Miverena, O ry niely, amin’ny anareo manokana.”

Miaraka ankehitriny.

Akaiky ny andron'ny fanavotana iray,
 Raiki-tahotra ny fon'ny olona;
 Aoka ho fenoina ny Fanahy, ny fanilonareo ho
 voadio sy hazava,
 Miandrindrà, akaiky ny fanavotana anareo!

Mamelà ahy hihira andininy kely iray aminareo.

Mandainga ireo mpaminany sandoka, lavin'izy
 ireo ny Fahamarinan'Andriamanitra,
 Hoe Jesosy ilay Kristy no Andriamanitsika;

Manao Azy ho Olona fahatelo iray izy ireo. Fantatrareo izany.
 Fa, tsy izany Izy. Izy no Andriamanitsika.

Fa handeha eo amin'izay nitsahin'ireo apostoly
 isika.

Satria akaiky ny andron'ny fanavotana,
 Raiki-tahotra ny fon'ny olona;
 Aoka ho fenoina ny Fanahy, ny fanilonareo ho
 voadio sy hazava,
 Miandrindrà, akaiky ny fanavotana anareo!

²²² Tsy faly ve ianareo? Miverena amin’ny Hafatra, rahalahy!
 Miverena amin'ilay tany am-boalohany! Miverena amin’ny pentekosta!
 Miverena amin'ilay tena fitahiana! Miverena amin’ny Anaran'i Jesosy Kristy!
 Miverena amin’ny batisan’ny Fanahy Masina! Miverena amin'ireo famantarana sy
 fahagagana! Miverena amin’ny pentekosta! Alaviro ny rafipandaminana!
 Miverena amin’ny Fanahy Masina! Izy no Mpampianatra antsika.

Satria miha-manakaiky ny andron'ny fanavotana,
 Raiki-tahotra ny fon'ny olona;
 Aoka ho fenoina ny Fanahy, ny fanilonareo ho
 voadio sy hazava,
 Miandrindrà, akaiky ny fanavotana anareo!

²²³ Tsy mahafinaritra ve izany? Inona no nolazain'ilay
 mpaminany? “Ho avy ny fotoana iray izay hisy, tsy afaka milaza

ianareo hoe alina na andro.” Jereo hoe toy ny ahoana ilay izy. Hitanareo? Oh, tena ratsy, nanerana an’ireo taom-piangonana!

Fa izany—hisy Hazavana amin’ny andro hariva,
 Ny lèlana mankany amin’ny Voninahitra dia azo
 antoka fa ho hitanao;
 Ao amin’ny lèlan’ny rano ilay Hazavana amin’izao
 andro izao,
 Voalevina ao amin’ny Anarana sarobidin’i Jesosy.
 Tanora sy antitra, mibebaha amin’ny fahotanareo
 rehetra,
 Ny Fanahy Masina dia azo antoka fa hiditra ao;
 Tonga ireo Hazavan’ny hariva ireo,
 Tena zava-misy fa Andriamanitra sy Kristy dia
 Iray.

Hisy Hazavana (Ny rehetra miaraka!) amin’ny
 andro hariva,
 Ny lèlana mankany amin’ny Voninahitra dia azo
 antoka fa ho hitanao;
 Ao amin’ny lèlan’ny rano ilay Hazavana amin’izao
 andro izao,
 Voalevina ao amin’ny Anarana sarobidin’i Jesosy.
 Tanora sy antitra, mibebaha amin’ny fahotanareo
 rehetra,
 Ny Fanahy Masina dia azo antoka fa hiditra ao.
 Satria tonga ireo Hazavan’ny hariva,
 Tena zava-misy fa Andriamanitra sy Kristy dia
 Iray. (Tsy telo; fa Iray!)

²²⁴ Miverena amin’ny Hafatra! Miverena any amin’ny fiandohana! Miverena any amin’izay nampianarin’i Paoly! Miverena amin’ny batisa izay nanaovany batisa! Nahita an’ireo olona izay natao batisa tamin’ny fomba hafa izy; niteny tamin’izy ireo izy mba haverina hatao batisa indray. Hoy izy hoe, “Raha nisy Anjely iray tonga avy tany An-danitra, nitory zavatra hafa, dia aoka Izzy ho voaozona.” Noho izany, ilay izy dia miverina amin’ny Hafatra indray, ry sakaiza! Andro hariva izao.

²²⁵ Oh, tiako loatra Izzy! Ary ianareo? [Hoy ny fiangonana hoe, “Amena.”—Mpand.] Firy no mahita ny faha-fitopolo herinandron’i Daniela ankehitriny, ka mahita hoe inona ilay faha-fitopolo herinandro? Firy no mino an’izany? Manaova hoe, “Amena.” [“Amena!”] Amenah! Ho an’Andriamanitra ny dera!

²²⁶ Ankehitriny, inona ilay zavatra manaraka? Ireo Tombokase Fito ankehitriny. Hiditra ao amin’izy ireo mihitsy isika, rehefa havelan’ny Tompo. Rahoviana izany, tsy fantatro. Na oviana na oviana fotsiny no Anomezany azy, amin’izay fotoana izay dia hiditra avy hatrany ao amin’izany isika. Amin’izay fotoana izay dia banana favoriana lava, lava isika, satria izany dia haka manomboka amin’ny toko faha-6 hatramin’ny faha-19,

mba hahavita azy, ary miadana tahaka ahy mihitsy miaraka amin'izany.

²²⁷ Ankehitriny, tsy tiako hisy olona iray handeha nefo tsy mahazo tsara an'ity. Mbola mandeha ny horonam-peo. Tsy tiako hisy olona iray tsy hahazo tsara. Aza tsy mahazo tsara ankehitriny, ka hanao hoe, "Rahalahy Branham no nilaza fa ho tonga amin'ny 1977 Jesosy." Tsy nilaza zavatra tahaka an'izany mihitsy aho. Mety ho tonga androany Jesosy. Fa nilaza mialoha aho fa eo anelanelan'ny '33 sy '77 dia hisy zavatra hiseho, hoe ireo zavatra izay hitako niseho ireo, tao amin'ilay fahitana, dia hiseho. Ary ny dimy tamin'izy ireo dia efa niseho. Ary mino aho, miaraka amin'ireo zavatra atomika izay ananantsika ankehitriny ireo . . .

²²⁸ Ary efa hitanareo ve izay vao avy nolazain'ny Filohantsika? Miandry ady hafa iray. Te-hanao ohatra iray an'i—an'i Berlin izy, hoy izy. Te-hanao ohatra iray. Ahoana ny amin'i Cuba eto eo amin'ny varavarantsika aoriana? Nahoana no tsy manao ohatra iray an'izany? Ahoana ny amin'izany? Oh, tena fahadalana izany! Hitanareo?

²²⁹ Oh, rahalahy, eo amin'ny farany fotsiny isika. Izy ireo dia . . . Izany dia hifarana mihitsy araka ny nolazain'Andriamanitra fa na ha-izy azy, noho izany dia inona no—inona no ilaina hanaovana zavatra iray afa-tsy ny mamaky an'izay Nolazainy fotsiny, ka manitsy, ary mivonona ho an'izany. Ary aoka izy ho avy, amin'izay fotoana izay. Miandry an'izany isika.

Miandry ny fihavian'io Andron'ny arivo taona
mahafaly io isika,
Izay hahatongavan'ny Tompontsika finaritra ka
haka Ny Ampakariny miandry;
Oh, misento ny tany, maniry an'io andron'ny
fanafahana mamy io,
Izay hiverenan'ny Mpamomjintsika eto an-tany
indray.

Oh, hiverina eto an-tany indray ny Tompontsika,
Eny, hiverina eto an-tany indray ny Tompontsika,
Oh, ho fatorana mandritry ny arivo taona i
Satana, tsy hanana mpaka fanahy intsony isika
amin'izany,
Rehefa hiverina eto an-tany indray Jesosy.

Firy no vonona? Atsangano ny tànananareo. Oh, oadray!

Oh, hiverina eto an-tany indray ny Tompontsika,
Ndao isika hitsangana fotsiny ka hifandray tànana.

Hiverina eto an-tany indray ny Tompontsika,
Oh, ho fatorana mandritry ny arivo taona i
Satana, tsy hanana mpaka fanahy intsony isika
amin'izany,
Rehefa hiverina eto an-tany indray Jesosy.

Oh, hiverina eto an-tany indray ny Tompontsika,
 Eny, hiverina eto an-tany indray ny Tompontsika,
 Oh, ho fatorana mandrity ny arivo taona i
 Satana, tsy hanana mpaka fanahy intsony isika
 amin'izany,
 Rehefa hiverina eto an-tany indray Jesosy.

Ny fiverenan'i Jesosy no ho valin'ny alahelo sy
 tomanin'ny tany,
 Satria ny fahalalana ny Tompo no hameno ny tany,
 ny ranomasina ary ny lanitra;
 Hanaisotra ny aretina rehetra Andriamanitra ka
 ho maina ireo ranomasom-pahoriania,
 Rehefa hiverina eto an-tany indray Jesosy.

Oh, hiverina eto an-tany indray ny Tompontsika,
 Eny, hiverina eto an-tany indray ny Tompontsika,
 Oh, ho fatorana mandrity ny arivo taona i
 Satana, tsy hanana mpaka fanahy intsony isika
 amin'izany,
 Rehefa hiverina eto an-tany indray Jesosy.

²³⁰ Oh, oadray! Tsy mahatsapa ho tsara ve ianareo? [Hoy ny fiangonana hoe, “Amena! Haleloia!”—Mpand.] Eritrereto, ry sakaiza, izao no pentekosta, fanompoana! Izao no pentekosta. Ndao isika hitehaka ny tànantsika ka hihira an'izany. Ireo olona Pentekotista, ny olona rehetra, mihalefaha ankehitriny, esory hiala aminareo io fombafomba Metodista tranainy io ankehitriny. Avia, ndao isika hihira an'izany!

Oh, hiverina eto an-tany indray ny Tompontsika,
 Eny, hiverina eto an-tany indray ny Tompontsika,
 Hofatorana mandrity ny arivo taona i Satana, tsy
 hanana mpaka fanahy intsony isika amin'izany,
 Rehefa hiverina eto an-tany indray Jesosy.

Oh, hiverina eto an-tany indray ny Tompontsika,
 (Ny Baiboly no niteny an'izany!)
 Hiverina eto an-tany indray ny Tompontsika,
 Hofatorana mandrity ny arivo taona i Satana, tsy
 hanana mpaka fanahy intsony isika amin'izany,
 Rehefa hiverina eto an-tany indray Jesosy.

Tianareo ve Izy? [Hoy ny fiangonana hoe, “Amena.”—Mpand.] Eny àry. Tiako Izy. *Tiako Izy*, Ranabavy Gibbs. Oh, ndao isika hanangana ny tànantsika Aminy fotsiny ankehitriny.

Tiako Izy, tiako Izy
 Satria nitia ahy mialoha Izy
 Ka nividy ny fam- . . . (Taiza ho aiza? Eto Kalvary
 eto mihitsy.)
 Teo amin'ny hazon'i Kalvary.

Tiako Izy, (Voninahitra!) tiako Izy
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.



NY FAHA-FITOPOLO HERINANDRON'I DANIELA MAG61-0806

(The Seventieth Week Of Daniel)

ANDIAN'IREO FITOPOLO HERINANDRON'I DANIELA

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 6 Aogositra, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org